



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



X 107.

TAYLOR INSTITUTION.

—


BEQUEATHED

TO THE UNIVERSITY


BY


ROBERT FINCH, M. A.

OF BALLIOL COLLEGE.



1103 e. 42





PHILIPPI BONAMICI
DECLARIS
PONTIFICIARUM
EPISTOLARUM
SCRIPTORIBUS
AD
BENEDICTUM XIV.
PONT. MAX.
LIBER.



Handwritten signature or scribble.

ROMÆ MDCCLIII.

EX TYPOGRAPHIA PALLADIS,
EXCUDERANT NICOLAUS ET MARCVS PALEARINI
PRÆSIDVM PERMISSV.





INTELLIGO equidem, BENE-
DICTE P. M. postulari a
me jamdiu, vel flagitari po-
tius eorum hominum hi-
storiam, quorum opera illustrior fuit
in conscribendis Epistolis Pontificum
Romanorum. Nam quum hujusce con-
siliu Tibi mei rationem jampridem ex-
posuisssem, tuaque gravis accessisset co-
hortatio, quæ inflammaret hominem
flagrantem jam studio hujusmodi scri-
ptionis; videbatur nunc tandem perfe-
ctum esse oportere, quod tanto ante
confecturum promiseram, tua certe
magis auctoritate permotus, quam mea-
rum virium æstimatione confusus. Sed
scribere ingressum deterruit statim me
incredibilis rei magnitudo, ac difficul-
tas, pene ut desperarem, quod rece-
peram

peram , præstare posse . Quamquam enim quicquid labore , studio , diligentia profici in eo genere potest , id omne ad eorum , qui Pontificibus Romanis ab Epistolis fuerunt , vel sola nomina e tenebris antiquitatis eruenda fuerim persecutus ; nonnullaque etiam collegerim , quæ vel in obscuris annalium monumentis , vel in dispersis sepulchrorum inscriptionibus , vel in pervulgatis doctorum hominum epistolis fusa erant , ac dissipata : reliqua tamen erant plurima adeo vel obruta temporis diuturnitate , vel oblivione posteritatis extincta , ut ea reperire , atque explicare vix , & ne vix quidem possem . Itaque tam lente procedebat opus , ut intelligerem in discrimen venisse me non ingenii solum , sed etiam officii : Ne aut id Tibi , præsertim tanta dignitate , ac sapientia Principi , recepisse visus essem , quod non poteram implere , quod est impudentiæ ; aut id non effecisse , quod poteram , quod est negligentiae . Qua in dubitatione maxi-
ma

5
ma cum versarer, collegi me aliquando,
ac constitui, eam mihi rationem ineun-
dam, ut fin minus omnia, quæ debe-
rem, ea saltem solverem, quæ possem:
atque adeo historiam, quam promise-
ram, plene, diligenter, ordinateque
scribere quum minime liceret, scribe-
rem tamen aliquid, Tibique, qui eo
me nomine appellas, BENEDICTE
PONTIFEX, repræsentarem jam non ima-
gines clarissimorum Virorum expolli-
tas, atque perfectas, sed nescio quid
quasi e quercu exculptum, quod simi-
le simulacri videretur. Eiusmodi est
Dialogus, quem conscribere institui-
mus, ad Teque mittimus, BENEDI-
CTE P. M., qui unus mihi es & lector,
& iudex optandus æquissimus. Neque
frustra optaverim, quum, quæ tua est
eruditio, optime omnium noveris, res
propter inopiam monumentorum, &
vetustatem temporis perobscuras haud
ita facile proferri in lucem potuisse,
præsertim quas oratione illustrare velis,
non infuscare barbarie. Quæ vero tua

est humanitas, neque ad inertiae culpam trahes, si non munus promissi omne confecimus; neque id, quodcumque tandem est, quod confecimus, omnino repudiandum existimabis.

Jam vero hanc scribendi rationem potissimum secuti sumus, & quod videbamus, non ad eandem rerum, & temporum accuratam descriptionem, legumque severitatem formari dialogum oportere, quibus historia adstringitur, & quod hoc unum fere scriptionis genus optimo consilio ab optimis Auctoribus usurpatum esse legeramus, a quorum imitatione qui recedunt, ii quidem a præstanti doctrinæ laude absunt quam longissime. Pigebat enim harum quotidianarum *Diatribarum*, atque *Dissertationum*; quæ monstra, aureis inaudita temporibus, ambitio peperit imperitorum, qui, modo emittant aliquid in vulgus, non verentur judicia doctorum, atque prudentum, a quibus multo facilius impetres, ut non scripta desiderent, quam ut male scripta probare

bare possint. Id autem non eo dicimus, quo acutius videre nos, quam ceteri, videamur, sed ut appareat, plus apud nos valere auctoritatem veteris disciplinæ, quam, quæ temporibus nostris succrevit jam uberrime, scribendi futilitatem. Eoque me minus poenitet huius consilii, quod in eiusmodi scriptione remoto a nobis sermone, inductisque sapientissimis Viris plus auctoritatis habitura videtur oratio. Induximus autem *Joannem Vincentium Lucchesinum* civem nostrum, quem vivum colimus semper, ac mortuum publice laudavimus ea Oratione, quæ est in manibus hominum. Fuit enim Lucchesinus vir excellens omni laude virtutis & ingenii, idemque græcis doctus literis, & maxime latinis, quarum studio quum flagraret, Demosthenis Orationes quasdam vertit e græco, earumque rerum scripsit historiam, quæ sua ætate contigerunt. Opus utrumque satis accuratum, & magni apud posteros nominis. Tanta homo doctrina &

fama delituit nimium diu in otio literarum, evocatusque sero est ad Pontificias conscribendas Epistolas, cui muneri, quoad vixit, præfuit summa sua cum laude, & Pontificum dignitate: id quod ipse probe nosti, **BENEDICTE PONTIFEX**, qui & illius opera usus es, & de his rebus optime judicare, ut de omnibus, potes. Huius igitur non sine causa tota est de claris Epistolarum Pontificiarum scriptoribus disputatio. Sed cum eo simul loquentes fecimus amplissimos dignitate, ac sapientia Viros duos *Alexandrum Furietium* ex veteri illa disciplina Præsulorum doctissimorum, & *Cajetanum Fortium*, Advocatum, uti vocant, Consistorialem, in illo suo forensi labore, ut inter homines peritos constare video, facile principem, neque tamen politioris humanitatis expertem. Horum autem utrumque & Lucchesinius vivens fecit plurimi, & ego honoris, atque amicitiae causa nomino. Neque alienum putavi pro meo studio, proque familiaritate, quæ

9
quæ mihi cum *Lucchesinio* intercessit ,
huic disputationi videri me quoque in-
terfuisse , si nihil aliud , saltem ut ea ,
quæ sapienter in eam rem ab eruditissi-
mo *Sene* dicta meminissem , quantum
ego possem , non sinerem interciderè ,
literisque custodirem .

Quum igitur *Lucchesinius* *Tibur* ve-
nisset , unaque ego secum animi causa
exissem , iique , quos supra commemo-
ravi , *Furietius* , & *Fortius* feriis autu-
mnalibus eodem venissent , quum plu-
rimi hujusmodi homines solent esse in
iis locis , forte evenit , ut hi *Lucche-*
sinum in *Atestina Villa* mecum , ut so-
lebat , deambulantes offenderent . Hic
primo illa , quæ in congressu amicorum
solent : deinde *Lucchesinius* , ecquid ,
inquit , *Roma* novi ? Nihil sane , in-
quit *Furietius* , quod sciamus . Sed mi-
ror , te novi quicquam ex me quærere ,
qui , *Tibure* quum sum , totus sum in *Ti-*
burtinis antiquitatibus pervestigandis ,
oblitus rerum novarum omnium . Ha-
bet tamen , inquit *Fortius* , aliquid ex
anti-

antiquitatibus ipsis novi, de quo certe plurimum cum eodem ipso gratuleris. Quidnam, inquit *Lucchesinius*, præter Centauros illos affabre sculptos ægyptio e marmore, qui domi suæ in urbe ad visendum ingeniosis, atque intelligentibus viris patent quotidie non domino magis ornamento, quam civitati? Tum *Furietius*, quasi qui thesaurum invenisse aliquem dicitur, lætitia gestiens, habeo, inquit, habeo ex Hadriani Villa recens effossum vermiculatum opus ad effigiem vasis capacioris, & bibentium Columbarum mirificum adeo, ut nihil ex omni antiquitate in eo genere videatur esse, quod cum illo compares. Neque putem ariolari, si huius ipsius operis meminisse Plinium dixerim: cuius ego artificii pulchritudine commotus scribere aliquid cogitavi. *De Musæis*, quo artifices nostros ad imitationem veterum hortarer, quamquam nos (vere ut dicam) in hoc ipso artificio, nostrorum hominum studio, habemus, quo non solum provocamus,

cemus , fed antiquitatē vincamus ipsam . Tum *Lucchesinius* , Ego vero , inquit , non in hoc solum tibi gratulor , Furietti mi , quod tanti pretii reliquias antiquitatis inveneris , quod est cuiusdam felicitatis ; sed multo etiam magis lætor , quod studium ipsum antiquitatis , quo sane plurimi intemperanter , ac perverse abutuntur , confers ad utilitatem artium pulcherrimarum ; quod est ingenii , atque prudentiæ singularis , idest , tuæ . Et contulisse te quidem illud declarat , quod lapidibus ac signis veteribus effodiendis das operam , & das etiam præclaris Civium tuorum monumentis ingenii illustrandis ; quorum aliqua abs te in lucem edita legi perscrutabenter . Tum ille ; Barzizios , credo , significas , quos idcirco edidi , ut constaret , licet judiciali occupatione impeditum , non abhorrere me a studiis amœnioribus , & præterea ut ostenderem , optimis illis temporibus castæ latinitatis studium ad Coenomanos usque nostros pervenisse . Ceterum

rum probe novi, eos quidem, tametsi non ineleganter scripserint, nihil tamen ad Bemboſ, ad Sadoletos, atque ad te ipſum, qui eorum non ſolum eſ in officio ſucceſſor, ſed latinæ imitator eloquentiæ, quam temporibus noſtris prope jam collabentem videris unus pulcherrime ſuſtinere. Hiſtoria enim tua nota eſt omnibus; eo minus vereor laudare præſentem. Sed miror eſſe neminem, qui, ne tantorum Virorum memoria ſenſim evaneſcat, eorum quaſi hiſtoriam diligenter, ordinateque deſcribat. Tum ille, rem a me, inquit, deliberatam, & multum agitatam requiris. Non enim dici poteſt, quam ego commemoratione delecter Virorum excellentium, quorum muneri ſucceſſi, non quo eorum in ſcribendo laudem ſim aſſecutus (hoc enim abs te amice magis dictum, quam verius) ſed quod mihi ipſe aſſentor fortasſe, quum hanc quaſi fictam hæreditatem alienæ gloriæ tenere videor. Igitur hunc noſtrum (ipſum me autem dicebat) illuc
ut

ut ingenii , ac industriæ nervos omnes contenderet , vehementer sum cohortatus . Reliqua enim historia , quam habeo in manibus , quum jamdiu absolvi flagitet , non patitur alio me abstrahi , atque avocari . Tum ego : a me tu id quæris , inquam , quem huius etiam eruditionis habeo magistrum optimum ? Et a quo in colloctionibus familiaribus , quum multa alia , tum nomina etiam nonnulla accepi eorum , qui , quum in Pontificiis Epistolis conscribendis excellentiores ceteris fuerint , digni sane sunt , qui a silentio , ac tenebris vindicentur ? Tum *Furiettius* , quidni igitur profers , inquit , Lucchesini , & quoniam soli sumus , atque otiosi , nobiscum communicas , qui , & quales illi fuerint ? Neque enim quicquam nobis gratius facere potes ; ut pro Fortio etiam loquar . Et recte , ille inquit , loqueris : Nusquam enim libentius sum , quam ubi huiusmodi amoeniores disputationes incidant , atque agitantur ; neque ferre possum quorundam

dam Patronorum insulstatem, qui quocumque in loco & quoscumque inter homines habent semper in ore Causas, Judicia, Forum. Sed dabis hanc veniam curiositati meæ (neque enim Caussidici pudentiores omnium hominum solent esse) ut petitioni illi nostræ addam, aliquid, rogemque te, Lucchesini, ut antequam de singulis huiusmodi Viris disputes, universum eorum genus perstringere ne graveris, nobisque explices, in quo Pontificiarum Epistolarum Scriptores excellere oporteat, quale sit, Mihi ergo, inquit *Lucchesinius*, ut seni partem loquacitatis imponitis; quam quidem non recuso, quando & id ætatis sum, & vobis non ingratum futurum esse video, Immo, inquit *Furius*, gratissimum, & quoniam satis deambulaturn est, in pratulum illud, si placet, secedamus, quo sane nihil est propter adsitaram arborum amoenitatem, agrique Romani prospectum jucundius. Suis præterea locis sedes aptissimæ disputationum nos admonere,

vi-

15

videntur, in quibus eruditi illi veteres, & principes civitatis rusticationes olim suas traduxerunt. At nunc, immutatis moribus, atque temporibus, honestissimis illis exercitationibus ludi successerunt, commensationes, & inanis loquacitas, otii comes inertissimi. Sed eni pratum; in quo quam omnes confedissemus, ita *Lucchesinius* exorsus est.

Quærentibus nobis qualis esse debeat perfectus Pontificiarum Scriptor Epistolarum, illa prætereunda videntur esse, quæ sunt in pervulgatis, & contritiis præceptis huius rei; nempe, ut sit ille liberaliter institutus, fide sit optima, diligentia maxima; quibus rebus qui sit ornatus, non tam, mea quidem sententia, laudandus est, quam repudiandus omnino, qui careat. Et enim quis cum Maximo Pontifice agere, summiſque de rebus consuli, hominem ferat agrestem, infidum, negligentem? Linqvamus igitur hæc, quæ facilem cognitionem habent, usum neces-

cessarium. Neque enim gravitatis vestrae esse arbitror, neque, si placet, meae in communibus rebus vel audiendis, vel explicandis, ne huius quidem sessionis otium consumere; praesertim quum non mihi sit apud vos vulgaris aliquis Epistolarum Scriptor informandus, sed is, qui maximarum rerum interpretes sit eius Principis, cuius florentissimum domi est Imperium, amplissima apud omnes fere gentes, omnesque Reges auctoritas, humanarum divinarumque rerum potestas summa, & singularis. Quae quum facile intelligatis, jam neque illud expectare a me debetis, quod in proemiis Oratores omnes facere consueverunt, ut illud suum, qualecumque est, dilaudent, de quo dicturi sunt. Pontificis enim, cui inservimus, dignitas dat mihi aditum ad dicendum adeoque illustrem, ut supervacaneum sit de nostri muneris praestantia disputare, & dat etiam materiem, & quasi silvam, unde ea eruam, quae dicenda mihi videntur paullo attentius cogi-

cogitanti , qualis esse debeat Pontificiarum Scriptor Epistolarum . Nam quum ex humanæ , divinæque potestatis mirifice inducta conjunctione magnitudo existat Pontificiæ majestatis , ex duplici quoque politicarum , sacrarumque rerum cognitione genus illud scribendi efflorescit Pontifici Maximo accommodatum , eoque dignum Scriptorem , quem quærimus . Omnes enim illos derideo , atque contemno , qui hunc Epistolarum Scriptorem optimum interpretantur , si inanem quamdam , modo elegantem , atque urbanam elocutionem afferat ; atque adeo nos sanctioribus exclusos doctrinæ penetralibus in hoc scribendi munus compingunt , atque detrudunt , quasi in humilem officinam verborum , non rerum . Ego vero arbitror Scriptorem perfectum illum , de quo loquimur , & rerum instrumentis , & ornamentis verborum abundare oportere . Sed de verbis mox erit sermo , nunc de rebus , quas quidem omnes fere & ex intima Philosophiæ parte , quæ politica

dicitur, & ex cognitione rerum divinarum hauriendas esse dico. Hæc est enim una maxime Scriptori nostro subiecta materies. Nam quî possit ignarus Reipublicæ ea scriptis suis prudenter explicare, quæ pertinent ad Rempubli-
cam? aut Pontificis majestatem scribendo referre, qui, Pontificem quid deceat, ignoret? Neque tamen (ut hinc exordiar) non summi ingenii est, & summi laboris politicam scientiam assequi gravissimam. Aperiendi sunt humanæ naturæ fontes: unde Imperia extiterint, quibus stent legibus, atque institutis; quid iis labem, quid salutem afferat. etiam atque etiam investigandum. Cognoscenda præterea studia Regum & populorum; momenta rerum & temporum; vis tenenda exemplorum; historia inprimis arripienda, telum maximum iis, qui ad res gerendas accedunt: quæ denique versantur in quaque Republica, quæ de cujusque gentis moribus traduntur, ea Scriptori nostro quæsitæ, audita, lecta, agitata esse de-

debent. Magnum sane opus, sed in quacumque arte multum inest difficultatis, ubi excellere velis, atque a turba facerni. Aetas certe nostra magnae illius, & virilis, ut ita dicam, eruditionis, vel fastidio tenetur, vel labore frangitur. Atque ut in ornamentis domorum jam non solida veterum praeclarorum opera Artificum, sed transalpinae, transmarinaeque delicias leves & inanes requirit, sic in studiorum ratione adumbrata quadam eruditionis specie delectatur; effigiem vero doctrinae solidam illem ab optimis auctoribus mirifice expressam temere projecit. Platonem, Aristotelem, Thucididem, Demosthenem, Isocratem, Xenophontem, Ciceronem, Sallustium, Livium, Tacitum Scriptori nostro pervolutandos esse, ego nunc si dixerim, nonne, cum a vobis, vestrique similibus discessero, reliquis omnibus, qui pene sunt infiniti, aut merus Grammaticus, aut ineptus videar amator antiquitatis? Tantum (proh!) a veterum studiorum gra-

vitate descitum est, tantaque affluxit
 copia eorum, qui suæ blandientes iner-
 tiæ libellos nescio quos de Republica
 leviter, atque inconsiderate scriptos in
 ore semper, atque in manibus habent:
 Auctores autem fuisse alios, qui tanta
 de re, uberrime, ut deæet, atque or-
 natissime scripserint, fortasse me suspi-
 cantur quidem. Atque inter veterum
 doctrinam, istorumque levitatem hoc
 ego interesse facile ex me cognosco,
 quod illos quum lego (lego autem quo-
 tidie) nunquam non occurrit aliquid
 novi, atque præclari, quo nostrum ala-
 tur ingenium: Ab horum vero lectione
 jejunior etiam recedo, quam quum ad-
 legendum accessi. Illi igitur humanæ
 prudentiæ fontes, illa capita, unde ad-
 ministrandæ Reipublicæ ratio optima
 peti potest. Equidem miror in hac Ci-
 vitate, quæ habita semper est doctrinæ
 domus, & dignitatis, jacere pulcher-
 rimam hanc, maximeque necessariam
 de qua disputatur, scientiam: In hac,
 inquam, Civitate, in qua, & Impe-
 rium

rum prudentiâ magis , quam armis
 continetur, & nemini non patet aditus
 ad Rempublicam . At memoria teneo,
 audivisse me ex Gallo homine , docto
 imprimis , ac nobili , quum diceret , Lu-
 dovicum non tam cognomine , quam
 rerum gestarum , & consilii præstantia
 Magnum, quum animadvertisset studium
 politicæ disciplinæ negligi a suis , no-
 vam quamdam Academiam , viro illo
 doctissimo , & Reipublicæ gerendæ pe-
 ritissimo Colberto auctore , atque hor-
 tatore , instituisse . Hujus Academiæ
 proprium erat res magnas , atque me-
 morabiles , sive ex vetere , sive ex re-
 centiore historia proferre , judicium
 suum interponere , omnes vel casus ,
 vel sapientiæ , vel temeritatis causas
 conferre , & , quicquid in quamque par-
 tem dici posset , expromere , atque ad
 accuratam politicæ doctrinæ normam
 diligentissime perpendere . Utinam Ro-
 mæ , ubi plurimæ sunt optimarum ar-
 tium Academiæ , hoc etiam tam sapiens ,
 Reique publicæ tam utile vigeret in-
 sti-

stitutum: Effet profecto quasi schola, ex qua optimi prodirent Pontificiarum Epistolarum Scriptores; quos ex angusto illo verborum opificio per me eductos, videtis in pulcherrima civilium rerum scientia late dominari. Dominari autem, inquit arridens *Fortius*, ut alii tibi concedant, Jurisconsulti certe nostri acriter repugnabunt, nec vero ferent Scriptorem hunc tuum illam suam veluti possessionem depasci. Provocabunt etiam ad Furietium nostrum, qui (juri dicundo cum præsit) eam illis actionem dabit, quæ actio dicitur finium regundorum. Hic *Furietius*, namque, inquit, ad infinitam illam multitudinem litium, varietatemque causarum, quæ me Romæ ene-cat, etiam hanc molestiam assumam, ut Tiburtino in otio de pangendis finibus disciplinarum cognoscam? Verum, (ut opinor) me Lucchesinius judicem rejiciet, negabitque Jurisconsultum de Jurisconsultorum causa æquo posse jure decernere. Tum ille, ego vero non modo,

modo, inquit, non recuso, sed etiam vehementer velim vos adhibere arbitros, qui, æquissimi omnium quum sitis, non ita vestram scientiam amplexamini, ut omnia illi in sinum congeratis. Fuerit hoc eorum, qui quæstus, ac ambitionis gratia artem illam suam hoc quasi præconio venditarunt. Sed habent artes suos quæque fines, extra quos, si sibi consentaneæ esse velint, egredi iis non licet. Jurisprudentia igitur, quæ partem Reipublicæ administrandam suscepit, non sane debet invadere in eam scientiam, quam civilem Plato vocat, quæque universam complectitur, & regit Rempublicam. Quæ Jurisprudentia quidem propter plurimas in hominum societate opportunitates cum civili scientia tam arcte copulata est, vix ut videatur ab ea posse sejungi. Sejungenda tamen, eodem auctore Platone, ne sublato earum discrimine, perturbatio existat civilium officiorum. Ut enim unum est hominis corpus, membra plura, ita Respublica quidem una est, di-

versa munera , aliaque aliis præstantiora . At necessarii sunt in Republica Jurisperiti . Quid manus , quas natura dedit homini rerum fere omnium ministras , quam sunt : necessariæ ? Nunquam tamen id sibi assument , ut capitulis fungantur munere . Similiter Jurisprudencia leges , sine quibus humana societas stare non potest , quasi manus adjutrix , explicat , tuetur , exercet . Quid scientia civilis ? Sedet domina & caput consiliorum omnium , leges ipsas , quæ neque ad omnia valent , & cum temporibus plerumque labuntur , sancit , immutat , id denique unum agit , quod universæ expedire civitati cognoverit . Illa denique administrum aliquem , ut idem ait Plato , hæc principem instituit reipublicæ . Quamobrem minuenda est eorum opinio , qui , propter illam Jurisprudentiæ cum civili scientia necessitudinem , omnem civilis scientiæ vim in Jurisprudencia positam esse existimarunt ; ut , quemadmodum Stoici , sapiens qui esset , Regem esse

ma-

magnifice magis , quam vere prædicarunt , ita hi Jurisconsultos solos esse dicerent idoneos moderatores , & legitimos quasi dominos Reipublicæ : quod omnino falsum est . Num tu igitur , inquit *Furietius* , me , aut hunc Fortium Jurisprudentiæ multam salutem jubes dicere ? Quæ tamen ad opes , atque ad honores mirum quantum valet in Republica nostra : Aut , quoniam non est integrum nobis consilio uti tuo , num Adolescentes eos , qui ad Rempublicam accedere velint , deducendos censes non ad Juris , sed ad Magistros Epistolarum ? Quibus quidem solis scientiam tribuere civilem mihi videris : Id quod haud scio , an verum sit , a consuetudine certe nostræ civitatis abhorret . Ego vero , inquit *Lucchesinius* , neque vos instituti vestri poenitere arbitror debere , præsertim , quod optime processerit , neque meum esse judico niti , & pugnare adversus consuetudinem , cujus tanta vis est , ut ejus gratia peccare interdum quo-

quodammodo liceat . Sed neque a consuetudine petendum est testimonium, veritatis , neque quid valeat ad honores adipiscendos in hac disputatione quaerimus . Nam si id quaerimus , non tam Jurisprudentiae fiducia nitendum nobis est ad honores , quam pecuniae , quae fortasse multo expeditiorem , & quasi compendiariam quibusdam munisse videtur ad opes viam . At neminem unquam vidi factum esse pecunia Politicum . Itaque scriptorem nostrum non in republica dominari , sed in scientia politica diximus , quam ei necessariam esse contendimus , ex eoque fieri arbitramur , ut capeissentibus Rempublicam adolescentibus , melius consulere videatur , qui eos in Pontificiis Epistolis conscribendis , quam in Juris formulis addiscendis ad civilem prudentiam exerceri malit . Nulla certe in Forensium Jurisperitorum scriptis , Forensium inquam (id enim diligenter intelligi volo) de Regum vel amicitiiis conciliandis , vel cupiditatibus flectendis ,
de

de vicissitudine temporum, de publicorum varietate negotiorum litera invenitur. At his omnino rebus, uade ars omnis redundet oportet administrandæ Reipublicæ abundant Epistolæ Pontificum missæ ad Reges & Cæsares: quibus qui scribendis assueverit, si mente sit idem bona, bonisque disciplinis præparata (id enim est quacunque in arte nobiliore pernecessarium) nã is haud paullo melius ad Rempublicam instituetur, quam qui in Forensium doctorum libris pervolutandis ætatem conterat; Qui quidem doctores magna professi, in parvis, ut ait Cicero, versantur. Atque ex illa institutione, præsertim si usus deinceps accesserit Legationum, & cognitio rerum externarum, rarum illud genus existet virorum, qui & ad Pontificias Epistolas conscribendas genus afferant orationis grave, splendidum, quasque ex ipsa Republica depromptum, & principem etiam apud Pontificem Maximum inter scribas, in ipsaque adeo imperii administratione-

nistratione locum obtineant cum dignitate: sicuti nunc revera obtinet SILVIUS VALENTIUS Cardinalis, quem non Forum, credo, sed politica percepta disciplina, sed Legationes obitæ ita instruxerunt ad tractationem rerum maximarum, ut BENEDICTO XIV. sapientissimo illi hominum & rerum æstimatori, cum fidem & diligentiam, tum etiam ingenium & solertiam probaret suam, difficillimo tempore, difficillimo in munere, maximo Reipublicæ bono. Quare non injuria Sadoletus, ut accepit Rainutio Farnesio, quem nuper Cardinalem Avus Pontifex creaverat, magistrum aliquem, nescio quem, forensis Jurisprudentiæ datum, statim longiorem epistolam scripsit, & plenam omnium rerum, quæ adolescentem ab istiusmodi studio ad majora, quædam revocarent. Meminisset, non se Foro, & litibus, sed universæ Christianæ Reipublicæ natum esse: Cujus gerendæ ratio non aliunde petenda erat, quam a Philosophiæ fonte, & cognitione

tione rerum divinarum. Hæc Sadoletus Cardinalis in omni recto studio semper, magnisque rebus versatus. Contra quem aliam Epistolam ad eundem Cardinalem Faroesium inscriptam edidit e forensi turba Massa quidam, Galleus, qui omnes partes illius senatorii muneris exponendas esse e Juris prudentia dictitabat, idque tam inepte, ut omnes intelligerent, causam minime bonam patroni inscitia factam esse, deteriorem. Sed Auctores quidam eruditi & graves, inque his Germanus ille Conringius, homo impius licet superstitione imbutus, doctus, tamen, & si quid ad rem pertinet, iuriconsultus, Sadoletum magis, quam Massæ assentiuntur, & aliam esse docent regendæ Civitatis, aliam Juris interpretandi scientiam. Ego autem non id dico, neque enim huius est institutæ questionis, sed tantum Jurisperitos amice rogo, ne a politicæ quasi regno scriptorem nostrum ejiciant, & ipsi, quibus pars reipublicæ attributa est, in

in totam invadere rempublicam, eamque, ut seditiosi cives, perturbare ne moliantur. Quod minime facturos existimo, totosque etiam futuros a me, si veri sint, & germani Jurisconsulti, quorum opera, ac doctrina video non minui, sed augeri etiam posse scientiam rerum politicarum. Tum ridens *Furius*, Non pugnabimus, inquit, tecum amplius. Quod enim Jurisconsultis primo eripere conabare, id ipsum artificio quodam orationis tuæ deinde effecisti, ut rursus concedere viderere. Hic *Fortius* neque illud mihi, inquit, vehementer non probas, Lucchesij, quod paullo ante dixisti de veris & germanis Jurisconsultis. Nam duplex esse genus Jurisconsultorum mihi quidem videtur, cum cogito, tam multos in huius muneris gravitatem, ac nominis irreplisse, ut non sine causa hæc inducta partitio videatur. Quis enim in gregem illorum, qui non docti ipsi quidem veniunt in Forum, sed ex Foro doctrinam

nam omnem suam arripuerunt, claros Viros conjiciat, qui ad Forum, atque ad judicia nulla non humanarum, divinarumque rerum cognitione præditi accedunt, qualis es Tu, Furietti mi, qualis est is, quem mihi quum in Forum veni, tanquam exemplar propositum ad imitandum, Clemens Argenvillierius, alique præterea, quorum, si usquam est, Romæ est copia digna huius Urbis gloria? At isti, inquit *Luccheseinus* non unius Jurisprudentiæ suffragatione; sed nativo quodam recto sensu; & multiplici rerum cognitione instructi ut producantur ad Rempublicam, atque in politicæ scientiæ possessione pedem ponant, non recuso, & quominus recusem maxime omnium BENEDICTVS facit X I V. Pontifex Maximus, qui, quum juris omnis sit consultissimus, talis est Pontifex, ut eius in scribendo doctrinam mirentur omnes, in agendo sapientiam nemo desideret: In quem mihi intuenti illud verissimum videri solet, quod
vete-

veteres quidam Philosophi affirmarunt, scientiam unam optime qui tenet, eum tenere omnes, propterea quod communi vinculo & cognatione quadam inter se continentur. Illis autem aliis, ut in privatorum causis defendendis, scriptitandisque sese jactent ego quum concessero, illud certe nemo tribuet, ut e vepretis Fori ad arrodamam potius, quam ad regendam rempublicam emergant, in eamque scientiam involent, quæ Scriptoris nostri adeo propria est, ut ex ea constare totus videatur.

Quamquam Pontificiarum Epistolarum Scriptori, si meminerit, quem scribendo referat (hoc enim posuimus tamquam fundamentum disputationis nostræ) ad prudentiam rerum civilium adiungenda est cognitio rerum divinarum. Neque audiendi sunt, qui hæc duo, quæ sejuncta esse non possunt, discerpunt tamen; atque ita discerpunt, fieri ut negent posse, ut idem sacris, idem reip. præsit, quasi aut nulla sit in religione ad rempublicam regendam

dam vis, aut odio quodam perpetuo Imperium a Sacerdotio, si ruere nolit, dissidere debeat. Quod contra videtur. Nam neque firma est respublica, quæ religione caret, neque tutum Imperium, quod cum Sacerdotio digladiatur. Parco exemplis, ut in re nimis clara. Quis enim non videt, sublata religione, atque adeo iustitia, quibus rebus omnis humana societas continetur, societatem ipsam, quibusdam veluti nervis exsectis, dissolutam ac debilitatam jacere? Aut quæ potest esse concordia, vel denique salutis in civitate spes, si Sacerdotii, atque Imperii potestates, quæ ad conservationem civium coalescere una debent, pravo consilio distrahantur? Valuit semper in optima, quaque republica hæc divina, atque politicæ scientiæ conjunctio. Hinc Athenienses omnibus semper publicis consiliis Sacerdotes quosdam adhibuerunt: Hinc Lacedæmonii & Regibus illis suis augurem assessorem dederunt, &, siquid gravius accideret, Delphos usque mitte-

C

bant,

bant, qui oraculum sciscitarentur. Hinc
 Lycurgus, Numa, aliique optimi rerum-
 publicarum institutores atque modera-
 tores humanam societatem hoc religio-
 nis vinculo maxime devinciendam esse
 existimarunt. Atque hæc fuit, credo,
 causa, quamobrem ille Philosophorum
 ingenio, & doctrina princeps Plato a
 civili viro, quem informandum sus-
 ceperat, Jurisprudentiam sejunxit,
 Theologiam non sejunxit; & Sadoletus
 Cardinalis ea in Epistola, quam supra
 commemoravimus, Farnesium dehorta-
 tus qui erat a Jurisprudentiæ studio, ad
 rerum sacrarum studium vehementer
 hortatus est. Hanc igitur coniunctio-
 nem maxime intelligat oportet Pontifi-
 ciarum scriptor epistolarum. Eius nos-
 cat causas, vim teneat, eaque ad ho-
 mines apte, atque ad tempora in scriben-
 do utatur. Hoc autem magis est scri-
 ptori nostro in his rebus pernoscendis
 nunc elaborandum, quo; nostris præ-
 sertim temporibus, gravior, latiusque
 serpit certorum hominum vel error vel
 dolus,

dolus, qui magni tum denique politici sibi videntur esse, si auctoritatem Pontificis convellant, & serant, atque alant inter eum, reliquosque Principes causam semper aliquam dissensionis. Ex quo quum multa, tum illud existit malum, ut neque Pontifex Maximus a Principibus pro religionis tutela, quæ sibi petenda sunt, satis libere petere possit; neque illi tot obscuris suspitionibus exulcerati satis prolixè præstare velint, quæ debent. Quum autem ejusmodi scribendi causæ incidunt, quæ nimium jam sæpe incidunt, unde nam nisi a sacris literis scriptori nostro argumenta sumenda scribendi? Inde est omne Pontificiæ doctrinæ robur, inde omne dignitati ornamentum. Propter eum, quem Pontifex Romanus habet a Deo in Christiana Republica locum principem, sancte atque auguste colitur a Regibus, gentibusque fore omnibus; eiusque habent scripta vim legis, & cælestis cujusdam oraculi. De religione, de ceremoniis, de

conformandis hominum moribus. ipse, unus consulitur, ipse respondet. Sed tantam hanc, tamque late diffusam, Pontifici auctoritatem una conciliat religionis sanctitas, & sacrarum usus literarum; quas qui ignorat, nunquam mea quidem sententia, perfectus erit Pontificiarum scriptor epistolarum. Nam quum Pontificis auctoritas illa in epistolis maxime appareat, ut ipsæ sint Pontifice dignæ, denique ut eam, quam dixi, habeant auctoritatem, in sacrarum præsertim literarum cognitione, positum est. Etenim si civilium rerum cognitionem scriptori nostro necessariam esse diximus, recteque diximus, propterea quod in Pontificis dignitate Principis est etiam spectanda persona; de divinarum rerum scientia quid dicemus? Quum sine religionis præsidio ne ipsa quidem in Pontifice stetisset ad hanc diem Principatus majestas. Illa quidem civilium rerum doctrina utatur scriptor, noster, quum opus fuerit & opus est enim interdum, etiam ne humana pru-

dentia deftituta religio videatur ;) hæc autem rerum divinarum scientia semper ; atque in toto ; ut ita dicam ; spectetur scriptonis corpore . Bossuetius quidem , clarissimum Gallicæ doctrinæ lumen , rectam omnem administrandæ Imperii rationem non aliunde peti posse , quam a sacris literis , edito libro , demonstravit ; id quod si ad reliquos Principes valet , valet multo magis in Pontifice M. , in quo nihil non sanctum , nihil non augustum , nihil non esse debet a religione ipsa quasi consecratum . Quare uti Socrates philosophiam è Cælo devocasse , & in urbibus domibusque collocasse dicitur ; ita cælestem Pontifex sapientiam ad civilem , usum transferet , atque in omnes reipublicæ partes , in ipsamque quodammodo Regiam introducet . Eamque item ob causam Pontificias in epistolas inducenda est divinitas quædam sermonis hausta sacris è literis , quas qui habet bene cognitæ , atque perspectas , multo certe magnificentius & sentiet ,

& scribet. Omnia enim habent a religione excelsius quiddam atque admirabilius. Quae in re non possum non desiderare prudentiam Cardinalis Bentivoli illius, qui Batavi Belli scripsit historiam, viri coeteroquin prudentissimi. Dixisse enim dicitur, quum epistolas Silvii Antoniani quasdam Pontificis nomine conscriptas legisset, quod multa essent in iis a sacris literis derivata, videri eas sibi Monachum redolere, non Principem: quasi aut Principis, praesertim qui Pontifex idem esset, dignitas cum sacrarum literarum studio pugnaret, aut ad docendos, monendos, regendos populos, ipsosque Reges (quae Pontificis Maximi partes sunt praecipuae) nulla esset in sacris literis auctoritas. Mihi vero tanta videtur esse, ut sine his neque Pontificis satis splendescere dignitas, neque oratio satis potenter influere videatur in legentium animos. Ubi enim major exemplorum copia? sententiarum gravitas? verborum vis? Quanta in his & quam

quam admirabilis apparet conspiratio illa Imperii, & Sacerdotii? Quantus hinc divinarum humanarumque rerum quasi concentus existit? Equidem quod Grævus de uno XII. tabularum libello, ego de divinis libris verissime dixerim, omnes omnium philosophorum bibliothecas ab illis & auctoritatis pondere & utilitatis ubertate superari.

Neque vero reliquæ theologiæ partes scriptori nostro negligendæ sunt; illaque solum cognoscenda, quæ sunt in sacris literis, quæque paucis, quos tamquam ad manum sibi habuit, occulto quodam ipse Deus, admirabilique modo dictavit. Ea etiam cognoscenda, quæ vel illi Christianæ Reipublicæ principes a Christo præsentem acceperunt, & voce tradiderunt, vel Pontifices Maximi, vel Concilia sanxerunt, vel præstantes doctrina & sanctitate viri scriptis commendarunt suis; quoniam ex iis etiam Pontificiarum epistolarum conscribendarum ratio prudentissime effingenda est. Quæ autem theologiæ

pars contentiosa tumultuatur in scholis, seseque ad pugnandum exercet adversus Ecclesiæ hostes, ut sit utilis ad differendum, scriptori nostro non nimis necessaria esse mihi videtur. Volo enim in epistolis Pontificiis magis appareat præcipiendi vis, quam disputandi acumen; ne, si intemp-
 stivis horrescant Dialecticorum argu-
 tiis, recte Bentivolo tum demum videantur Monachum sapere, non Pontificem. Atque etiam vitanda est nimia illa divinarum tracta e sacris li-
 bris coacervatio sententiarum, quæ naturalem scriptionis cursum impedit, non adjuvat. Sed erit hac de re fortasse, quum de verbis agemus, accommoda-
 tior dicendi locus. Interim videor ne vobis opificem verborum aliquem, aut scriptorem, vel exscriptorem potius formularum descripsisse? Tu vero, in-
 quit *Furiettius*, magnum quendam vi-
 rum atque admirandum mihi propone-
 re visus es. Quid enim abesse illi potest de maximarum rerum scientia, qui civi-
 lium

Jium divinarumque rerum cognitione
 ornatus sit? Et *Fortius*, maiorem cer-
 te, inquit, quam plerique suspican-
 tur, & fortasse etiam, quam rei pati-
 tur natura. Nisi forte scriptorem illum
 tuum non facultatis ipsius; sed ingenii
 & doctrinæ tuæ magnitudine metiri
 voluisti. Nam quamquam in eo tibi
 valde assentior, quod inanem a princi-
 pio elocutionem funditus repudiasti
 (nihil est enim vana futilique loquaci-
 tate contemptius) tamen illud vereor,
 ut tibi possim, Lucchesini, concedere,
 quod epistolarum Pontificiarum scri-
 ptori res illas, quibus in singulis ela-
 borare permagnum est, oportere statuisti
 bene cognitae esse, penitusque perspe-
 ctas. Atqui ego satis superque arbitra-
 bar esse, si arreptas aliunde sententias,
 & vel subito sumtas decenter scriptor
 ille tuus vestiret, atque ornaret: id quod
 eius maxime proprium videtur esse, &
 præterea ipsum per se magnum adeo, &
 difficile, ut, si eius industria in plura
 studia distrahatur, periculum sit, ne,
 dum

dum rebus nimis studet , verborum
 amittat elegantiam . Ergo illud *Penitus*
 theologis , politicisque relinquat , qui
 suam quisque scientiam separatim per-
 tractando , in earum studio consenesce-
 re possunt , tantumque ipse ab illis mu-
 tuetur , quantum sibi satis videbitur ad
 hoc duntaxat , ne iisdem in rebus pere-
 grinus omnino atque hospes videatur .
 Ita & prudentem , ut opinor , consequetur ,
 & inanem vitaverit elocutionem .
 Nam secus si fecerit , sibi fortasse non
 consulat , & in alienum invadet ; quod
 Jurisconsultis quum minime concesseris ,
 non video , quare scriptoribus tuis
 tribuendum putes . Non est enim æqui
 Judicis aliam in sua , aliam in aliena
 causa sententiam ferre . Tum *Lucchesinus* ,
 De præstanti , inquit , deque
 perfecto Pontificiarum epistolarum
 scriptore loquor (id enim , quum ali-
 qua de re agitur , quæri solet) ex quo fa-
 cile intelligitur , neque de memetipso
 loqui me , qui ab illa perfectione quam
 longe absum , optime sentio , neque de
 vestro

vestro illo, quem communi & levi quadam rerum intelligentia contentum esse voluistis. Nihil autem a perfectione aberrat magis, quam ut leviter discas, quod optime tenere debes. Illud enim nescio quid continuo apparet, atque extat, quo facile declaratur, utrum is, qui scribat, tantummodo adumbrata, quadam earum rerum, de quibus scribit, cognitione sit coloratus, an ad scribendum doctrina omni diligentissime imbutus accefferit. Eadem, quæ peregrinum a cive, doctum hominem a non satis docto distinguit oratio. Ergo istud in sermone notabitur, effugiet in scripto? Quod quidem non prætervolat, ut oratio, sed hæret diutius in oculis animisque legentium. Illud Socratis probabile plerisque videtur, neque tamen verum est, omnes in eo, quod sciant, eloquentes esse: At illud apud Ciceronem Crassi verissimum, qui negat de iis rebus, quæ non fuerint antea plane cognitæ, bene quemquam aut loqui, aut scribere posse. Si igitur scriptori
nostro

nostro politicæ, ac theologicæ res pertractandæ, quæ necessario pertractandæ sunt, utramque ille quidem scientiam non ut alienam attingere, sed possidere debet ut propriam & suam. Arduum sane opus, dictum est jam semel atque iterum, sed aliter fieri non potest, si illud sequi volumus, quod in omni re summum & perfectissimum est. Neque vero tibi non æquum videri, Forti, debet, eam a me scriptori meo possessionem dari, unde Jurisconsultos non, ego quidem, sed Plato dejecisse videbatur. Non enim Jurisconsultus expostulare & queri iure potest iis se rebus spoliari, quas ab eo licet sejungas, nihil tamen deperit de eius officio & nomine. At scriptori nostro civilium divinarumque rerum scientiam si eripias, quid, quæso, relinques? nisi illum, quem recte & vehementer improbas, nulla subjecta sententia, sonitum inanem verborum. Theologi vero atque politici, quum de amplissimarum disciplinarum magnitudine nihil deminui

videant , si in earum quasi possessionem immittam scriptorem meum , quid querantur? Habitent illi quidem in sua quisque scientia ; deque eo genere rerum , quæ ad se pertinent , acute disputent atque subtiliter ; nihil demum reliqui faciant , quod ad pulcherrimas disciplinas ornandas illustrandasque desiderari posse videatur : Non solum non recuso , sed etiam vehementer laudo : faciunt enim , quod proprium ipsorum est . Sed neque scriptor noster , si easdem res ad usum suum necessario traducat , aut illis quicquam detrahatur , aut sibi non assumet , quod suum est . Non enim dico , theologum , aut politicum esse posse neminem , quin idem sit Pontificiarum scriptor epistolarum ; sed id dico , id omni ratione contendo , nullum esse posse Pontificiarum epistolarum scriptorem optimum , nisi ad easdem epistolas conscribendas politicarum divinarumque rerum cognitione instructissimus accedat . Nostra igitur (si modo scribimus Pontificis nomine , qui est ipse

ipse humanarum divinarumque rerum
in terris caput & fons) nostra, inquam,
est possessio illa rerum divinarum, &
politicarum, ubi tamquam domini con-
sistere, vagarique libere, & quodam-
modo regnare debemus. Quæ pulcher-
rimæ disciplinæ, si rite diligenterque
excolantur, jam minime verendum est,
quin efferant ipsæ per sese eam copiam,
elegantiamque verborum, quæ scripto-
ris nostri sit propria maxime. Rerum
enim copia copiam gignit verborum,
quæ numquam non facile occurrent at-
que incident, ubi, quemadmodum Ho-
ratus ait,

Lecta potenter eris res;

præsertim quum luctuosum illud ac fa-
tale rerum verborumque diffidium, un-
de in disciplinas fere omnes non mini-
ma invec̃ta est pars incommodorum, aut
a nullo alio, aut ab hoc scribendi ge-
nere abesse omnino debeat.

Atque hic non alienum videtur, ex-
plicare perbrevis, quales hæ sint episto-
læ Pontificum Romanorum, in quibus
scri-

scriptoris nostri elucere debet industria. Aucto enim, ac mirum in modum propagato sanctissimæ religionis Imperio, propter multiplicem negotiorum, varietatem, de quibus & consulebatur & respondebat Romanus Pontifex, varium quoque & multiplex extitit Pontificiarum epistolarum genus. Omitto autem perveteres illas, quæ *Formasæ*, quæ *Tractoriæ*, quæ *Synodica*, quæ *Encyclicæ*, quæ *Privatæ* dicebantur: non enim ægre utor iis verbis, quibus res, sin minus latine, certe magis dilucide explicantur. Sed de his epistolis, aliisque plurimis non est dicendi locus, quum & Pontificibus Romanis ex fuerint cum ceteris Episcopis communes, & a multis ecclesiasticarum rerum admodum prudentibus viris, præsertim vero a Francisco Bernardino Ferrario de iis fuerit diligenter, copioseque pertractatum. At epistolæ illæ propriæ Pontificum Romanorum, quas antea dispersas collegit primum omnium Dionysius Exiguus, deinde Antonius Cardinalis Carafa,

fa, tum Antonius Aquinas, cui debere se plurimum ille Ecclesiasticæ Historiæ parens Baronius profitetur; postremo autem Petrus Constantius Benedictinus, qui inchoatum eorum, modo quos nominavi, laborem ad Innocentium usque III. producere voluit, Eæ, inquam, epistolæ nunc quidem in partes tribuuntur duas. Aliæ enim *Bullatæ*: aliæ *Breves* appellantur: discrimen autem *Bullatas* inter & *Breves* quod sit, & quando incœperit ii afferant, qui Pontificum Romanorum Diploma illustrant. Sed neque *Brevium* epistolarum una, atque eadem ratio est. Nam aliæ summis de rebus a Pontifice Maximo scribuntur ad Reges & Principes: Aliæ autem veluti Diplomata sunt, quibus consignantur beneficia Pontificum. Atque illæ quidem elegantius quoddam retinuerunt scribendi genus: hæ incultius atque horridius, propterea quod certis quibusdam formulis continentur, quas conditio temporum invexit, atque ita demum amplexa est consuetudo, ut jam
neque

neque improbari sine quadam temeritate nota, neque mutari sine multorum querela possint. Quamquam ego quidem non video, quid de iis detrahatur, si ad rerum sanctitatem, quæ maxima est, verborum addatur elegantia. Neque huius ipsius elegantiae si exempla quærantur, exempla desunt; veluti illud, quod Pauli III. nomine scripsit Sadoletus, & in Urbis loco celeberrimo insculptum marmore ad Jacobum in via Flaminia visitur. Quod exemplum propalam positum eos (credo) fugit, qui soloecismos, si Deo placeat, & Barbarismos appellant formulas, negantque multa bene posse scribi, nisi inepte scribantur. Verum, illis omissis, de his loquamur Epistolis, quæ proprie ad nos pertinent, & in quibus, nemine, ut arbitror, repugnante, latina non incommode versari potest, & vero etiam debet eloquentia; quæ iam spreta a Philosophis atque Theologis, pulsa e vestro foro, locum hunc fere habet unum, ubi publice possit consistere. At

D

vero

90

vero eloquentia nomen quomodo obtinebit suum, si verba negligat? & ipsa nisi proprie rem significant verba, unde entescent? Scriptor autem noster nisi latinam plane noverit linguam, qui poterit verbis uti propriis & lectis, in quo perfecta vis maxima est ad bene scribendum? Delectum enim verborum originem esse eloquentiae dixit Cæsar, Cæsar, inquam, qui in maximo Imperio, maximisque occupationibus non alienum existimavit dignitate sua, de ratione latine loquendi accuratissime scribere. Sit igitur mihi latinis literis instructus Scriptor ille, de quo loquimur, neque hominum leviter eruditorum, quorum videtis quanta sit hodie multitudo, opinione & concurfu abstraatur, qui totum hoc latine scribere aut ineptum omnino, ut negligendum, aut non tanti putant esse, ut docti hominis mentem curamque detineat. At mihi inepti esse hominis videtur ostentare eruditionem, & negligere illud, in quo tam multi præstantes sapientia viri clabo-

58

boiaverunt, & rursus maxime docti,
linguam illam excolere, a qua tantum
in literas omnes profluxit luminis, at-
que ornamenti. Neque hoc in eam
partem disputo, ut dicam: natam esse
in hac urbe latinæ eloquentiæ laudem;
ab hac urbe profectam ad omnes fere
gentes accessisse, omnium instructam
genere scriptorum, omnium litam lu-
minibus disciplinarum: hanc unam lau-
dem esse reliquam, qua victi prope-
modum ab exteris victores vincamus
ipso; atque adeo necessario nos com-
moveri debere ad huius linguæ studium.
Romani nominis splendore, majorum
gloria, nostro ipso honore & fructu.
Verum hæc prætereo omnia: Unam
specto Religionem, a qua neque Pon-
tifex, neque Pontificias qui conscribit
epistolas deicere oculos usquam debet.
Ecclesia enim, quæ Latina dicitur, la-
tini sermonis usum in sacris, in exere-
moniis, in decretis semper retinuit suis, at-
que ita retinuit, ut quadringentis non
ante annis defunctum sit latine loqui in iis

etiam concionibus, quæ in templis haberi ad populum consueverunt (id quod observavit Fontaninus multæ homo eruditionis, & amicus meus): ut Pontifex Romanus non sine quodam neque inutiles consilio, si quis attentius animadverterit, Oratores olim Principum, nisi latine loquentes, non audiret: Episcoporum vero epistolas, non latine conscriptas, etiam repudiaret; ex quo nemini mirum videri debet, tantam fuisse Pontificum Romanorum, & Conciliorum quoque in latina lingua conservanda curam, atque diligentiam. Aut igitur abiicienda est antiquissima hæc Romanæ Ecclesiæ consuetudo, aut huius linguæ studium necessario suscipiendum. An vero, quod est scire necessarium, non erit recte facere pulcherrimum? Scriptori certe nostro illud est diligenter providendum, ne parvi interesse putet, latine dum scribat, vitiose, an eleganter scribat. Nam neque latinum est, mea quidem sententia, quod incultum, quod barbarum est;

neque

neque dici potest, quantum rebus ipsis
momenti accedat a ratione scribendi.
Quod ni ita sit, cur easdem res, si ornate
explicentur, legit quisque avidissime, sin
tractentur horride, aut nemo legit, aut
legit invitus? Cur ipsa interdum veritas
infantia obruitur, & perversitate scri-
bentis? Et contra eminent, lateque
dominantur errores una styli elegantio-
ris commendatione probati? Equidem
quum video Pontificiæ causam digni-
tatis foedari sordibus semilatinæ dictio-
nis, multo acriore ardeo doloris vi,
quam si excellens ille pictor Corrignus
noctem illam suam misere deformatam
videret in trivio. Atque ut illa coe-
no oblita vix posset agnosci, sic in-
quinatæ scriptorum barbarie sanctissi-
mæ res aliæ videntur, atque quum e-
legantibus expolitæ verbis, tamquam
tabulæ collucent bene pictæ, atque in
bono lumine collocatæ. Tanti interest
in scribendo cura verborum. Ubi nunc
sunt isti, qui, ut videantur prudentia
quadam repudiare, quod assequi inge-

nii tarditate nequeunt. elegantiam contemnunt elocutionis ? Et rebus intenti non se de verbis laborare dictitant ? Nos autem , qui paullo accuratius studemus elegantiae , grammaticos jam per contumeliam vocant ? Salse admodum Cuiacius , restitutor ille Juris civilis , qui quum a legulejo nescio quo exagitaretur ut grammaticus , latinæ quod erat elegantiae studiosus ; scilicet , inquit , huic dolet non esse talem . Quamquam optandum nunc quidem foret , ut Romani homines dolerent nescire latine , neque novis quibusdam opinionibus depravati , gauderent iacere suæ linguæ studium , quæ quidem est non leve Italici nominis decus , & , id quod caput est , Pontificiæ auctoritatis instrumentum .

Sed ut eo revertar , unde me iusto quodam expressa dolore oratio averterat , scribendum nobis est & latine , & eleganter ; neque tamen non fugienda est in verbis struendis , atque illuminandis operosa nimis diligentia . Elaborata enim concinnitas puerilis est , & detrahit orationi

tionis auctoritatem, & fidem. Quo in genere valde peccatum est ab iis, qui veterum latinorum verba ita cupide, atque intemperanter amplexi sunt, ut alia omnia fastidirent, atque illa etiam, quæ aut necessitas asciverat, aut Religio consecraverat. Tale autem vitium ex eo profectum esse arbitror, quod ubi primum e diuturnis tenebris, quas latinis libris erumpentes in Italiam Barbari offuderant, lux affulsit aliqua elegantia atque humanitatis, perstrinxit statim adeo hominum mentes, ut eius neque usum, neque modum viderent. Unde illa nata sunt, ut alii ex latinis auctoribus verborum tantum flosculos delibarent & carperent, obliti sententiarum, atque in unius vocabuli controversia dijudicanda ingenium omne, atque ætatem absumerent; Alii nullum probarent verbum, quod non esset a Cicerone desumptum, ab iisque, qui ab hac opinione dissentirent, capitali odio dissiderent; alii demum, quod multo est flagitiosius, nova novis rebus

(id autem semper licuit) non ausi imponere nomina , a Christiana veritate malle , quam a latina elegantia discedere . Hisce autem ineptiis quid tandem sunt assequuti ? An numerum in scribendo maiorem ? An copiam ? an prudentiam ? Ineptus sane Aonius Palearius , cetera luculentus latinitatis auctor , qui , quo numerosior caderet oratio , invocandos esse Deos immortales , non Deum censuit . Copiosissimi Ciceronis ieiunus imitator Longolius , qui , dum colorem quærit alienum , sanguinem etiam , siquem habet , deperdit suum . Julius vero Scaliger perridiculus , qui totis concidit voluminibus Erasmus hominem non inelegantem , optimeque meritum de literis hanc unam ob causam , quod servilem Ciceronis imitationem facere irriferit . Quem autem appellem Bembum Cardinalem ? Eum certe , arrepta occasione calumniandi , non veretur impium dicere Langius Germanus . Cuius ego Bemb,

Bembi , ut in Epistolis Leonis X. nomine scriptis latinam summopere admiror elegantiam , & dignam Principe eloquentiam , ita non possum non improbare errorem (utar enim levioze , quam Langius , verbo . Non enim impietatis nomine digna est, quæcumque illa fuit, scribendi superstitio , neque maledici conviciatoris acerbicatem doctissimi , amplissimique viri dignitas recipit .) Sed tamen quid absurdius ? quid porro a sua , atque a Pontificis persona alienius , quam quum Christi Vicarium , tamquam Jovis aliquem aut Martis flaminem dicentem facit , *creatum se Pontificem beneficio Deorum immortalium* ? Aut in magna reipublicæ tempestate hortantem Venetos , *uti fidant Diis immortalibus* ? Sanctissimam vero Dei Matrem , cuius templum est sane magnificum apud Lauretanos & religiosum , *Deam dici Lauretanam* , quis ferat ? Pellatur igitur hæc a Pontificiis Epistolis superstitiosa veterum imitatio ; quæ si in Paleario , in Longolio , in Scaligero odio-

fa

sa fuit atque irridenda, quanto erit magis reprehendenda in scriptore nostro, qui debet in scribendo modum semper adhibere illum, ut elegantia obtemperet Religioni.

Ecce autem de transverso alii, qui omni prophanorum contempta elegantia, *Ecclesiastice*, ut ipsi ajunt, scribi dicunt oportere. In quo illud primum quæro, quid istuc sit, quod tantopere inculcant? Nam si veterum illorum Ecclesiarum Patrum, quorum in scriptis multa etiam extant singularis eloquentiæ vestigia, doctrinam imitari, eque Divinæ Sapientiæ thesauris (quod illi apte prudenterque fecerunt) exempla depromere, proferre sententias, easque dilucide atque ornate explicare, & sacrorum etiam librorum verbis, ubi maiorem habent ad significandum vim atque auctoritatem, parce, atque opportune uti, iisque, veluti sideribus Cælum, Pontificias epistolas exornare; id si putant esse Ecclesiastice scribere, optime sentiunt, suæque sententiæ adscri-

scribant meam . Nam quid illud est ,
quod ego paullo ante tam arcte tenui ,
accurateque defendi , cognoscenda esse
scriptori nostro sanctissimorum viro-
rum monumenta atque praecepta , to-
tamque Divinarum rerum scientiam
penitus hauriendam ? Sin autem nulla
puri sermonis , nulla numeri habita ra-
tione , tertio quoque verbo ingerant *Fi-
lialem obedientiam , paternum zelum* , alia-
que huiusmodi ; si sacris e libris verba
utcumque inferciant , & sensus quosdam
afferant mutilos , atque hiantes , eamque
ob causam germanos se esse arbitrentur
Scriptores Ecclesiasticos , nœ illi e-
gregie falluntur ; & quam vereor , ne
in hac Ecclesiastici styli quasi latebra
eorum delitescat inscitia . Fuga enim la-
boris , qui est in recte scribendo sane ma-
ximus , disertam (quod ait Cicero) negli-
gentiam reddidit imperitorum ; ut id non
oportere disputent , quod propter igna-
viam non libet . Quid ? Quod huiusmodi
scriptionis genus qui consueverunt , in
propinquum interdum , & finitimum
vi-

vitium delabuntur, ut sacrarum literarum verbis temere effræniteque abutuntur? Nollem hac in re peccatum esse ab eo, quicumque tandem fuit auctor illius epistolæ, in qua Pius II. doctissimus Pontifex, quum jam senem Maurum Ducem Venetorum ad bellum Thracium hortaretur, quod bellum gerendum erat Philippo Sequano Imperatore, qui annos erat (bene si memini) octoginta natus, hanc suam cum duobus illis senibus coniunctionem *senilem* non dubitavit appellare *Trinitatem*. Frigidum fane dictum, neque Pontificium. Et tamen hoc erratum facile prætermissem, nisi notatum ab aliis dissimulari non posset, & præterea maxime esset insigne ad cavendum. Nam quod Sanctorum Patrum nomina opponunt, maxime vellem hos tam bene illi imitarentur, quam ego laudo & admiror. Imitarentur enim, quæ maiora sunt in eorum scriptis, sanctitatem doctrinæ, gravitatemque sententiarum, non minora illa, quæ tempo-
rum

rum vitio irrepperunt. Quamquam ne in Patribus quidem defunt exempla latine scribendi. Quis enim Cypriano elegantior? quis Lactantio eloquentior? Prudens igitur Pontificiarum, Scriptor Epistolarum & vitiosam illam fugiet coacervationem, & hanc vitabit sacrarum literarum translationem inverecundam; neque existimabit se *Ecclesiastice* scribere, si male & ineleganter scribat. Ecclesiæ enim causa, & Pontificis dignitas non læditur elegantia sermonis, sed ornatur. Obmutuerunt admiratione quadam Romanæ Ecclesiæ hostes, ubi ad eos allata est Epistola illa Pauli III., quæ Concilium haberi generale jubebat, plena gravitatis, plena dignitatis, plena etiam elegantiae. At iidem, quum deprehendissent aliquid aliquando non satis accurate scriptum in Epistolis, quæ multæ datæ sunt a Pontificibus, tempore illo difficillimo, quam insolenter riserunt, stomachatique sunt! Male illi quidem; Namque, ut Demo-

sthe-

Athenes **Bichini** quum responderet quædam sua paullo horridiora reprehendenti, negabat in eo positas esse fortunas **Græciæ**; sic nemo sanus dixerit, in verborum elegantia sitam esse Ecclesiæ, & Pontificis auctoritatem. Sed tamen nostri melius, si hanc quoque improbis hominibus præripuissent causam ad maledicendum. Quid enim censeatis fuisse, quamobrem Pontifices sapientissimi viros non solum doctos, sed etiam latinæ linguæ admodum peritos ad præcepta tradenda Christianæ sapientiæ, unde aureus ille liber prodiit, qui Romanus dicitur **Catechismus**? Car **Mediolanensis** Archiepiscopus sanctissimus, & acerrimus Ecclesiasticæ vindex disciplinæ **Carolus**, ut Ecclesiæ suæ acta non inelegantes perscriberentur, magnopere curaverit? Qua vero diligentia, quo studio excultum est genus hoc epistolarum, de quibus loquimur, a **Sylvio Antoniano**, non mediocri homine ingenio & eleganti? Imitentur hunc, qui Pontificias epistol-

las

las scribunt, & Ecclesiastica volunt & ornate scribere. Nam, tametsi hic ipse non interdum impleat animi mei sensum, nonnullaque afferat, quæ non satis habent roboris & nervorum, tamen ille est, fere unus qui scribendi rationem accomodavit ad eam perfectionem, quam sequimur.

Erit igitur in scriptore nostro indoles illa quædam Ecclesiastico digna Principe: erit castitas atque elegantia sermonis: utraque autem ita attemperabitur, ut in Pontificiis epistolis religionis studium semper, artificium elocutionis nunquam appareat. Artificium enim elocutionis manifesto deprehensum offendit homines, & longissime abest a Pontificiis decore, quo nihil esse debet scriptori nostro antiquius.

Decori autem vis est ea, diligenter ut inquiratur, quid quemque deceat. Decet autem id, quod est cuiusque, suum maxime, idque est in omni re magnopere animadvertendum. Hoc igitur attendet Poeta in carmine, actor in

in scena ; & nos in Pontificiis conscribendis epistolis negligemus ? An gravior ulla esse potest , an augustior Pontificis Maximi persona ? Quem homines stupefacti magis intuentur ? De quo cupidius avent scire , quid scripserit , quomodoque scripserit ? Personam igitur præstantissimam omnium , omniumque oculis sermonibusque propositam videre quid deceat , id summa est cura elaborandum : Et tanti est in eius conscribendis epistolis , ut sine hoc , quod Pontificium Decorum dicimus , nihil valeant omnia hæcenus allata scribendi præcepta ; minimeque erraverim , si primum id atque extremum Scriptori nostro præceperim , ut Pontificem quid deceat , probe norit . Nam si id norit , primum sentiet ipse subito , quam magnum , quamque difficile munus sustineat , delectus ad Pontificias conscribendas epistolas , multis implicatas operosisque negociis , & quum Regiæ ac Pontificiæ potestatis in una persona conjunctam mirifice vim perspexerit ,

in-

intelliget non ingenio solum , & fide,
ac diligentia, sed omnium etiam huma-
narum, divinarumque rerum cognitio-
ne maxima opus esse, ad sensa mentis ex-
plicanda , & consilia tantæ majestatis.
Quod optime ut faciat, non contentus
vulgaribus quibusdam Politicæ doctri-
næ præceptis , quæ , novitatis specie
dum percellunt animos , veræ sapien-
tiæ nervos elidunt , veterum assuescet
præclarissimorum auctorum lectioni,
eorumque incredibilem prudentiam,
ad rem suam, atque ad usum transferet
præsentis Reipublicæ . Idemque quum
Christianam Religionem humanæ so-
cietatis effectricem , atque custodem
esse , plurimumque ad Pontificii au-
ctoritatem dominatus pertinere intel-
lexerit , attollet sese altius , ad ip-
sosque accedet Theologiæ fontes san-
ctos , atque augustos , unde quum
se ad scribendum retulerit , quanta ,
& quam varia ipse affluet magnifi-
centia rerum verissimarum ! Hæc au-
tem omnia latinis exornabit verbis

E

pro-

propriis, & lectis, eaque scribendi ratione, quæ neque nimio depicta sit artificio, neque insolenti decolorata barbarie, sed quæ gravis sit, quæ dilucida, quæ splendida, quæ Pontificem deceat regentem populos, moventem Reges, edentem omnibus leges, & præcepta sempiternæ salutis: quæ cohortari ad virtutem ornate, quæ prudenter revocare a flagitio, quæ optimos collaudare viros, quæ deterre re improbos possit, quæ denique ipsius in terris imaginem quandam afferat, & sermonem omnia regentis, & moderantis Dei.

Hæc *Lucchesinius* quum dixisset, & silentium fuisset aliquod consequutum, tum ego, Deus immortalis! inquam, qualem tu nobis Scriptoris tui formam, *Lucchesini*, proposuisti! quam elegantem! quam novam! quam refertam omnibus, & rerum, & verborum ornamentis! Id ipsum, inquit *Furiettius*, ego sum, *Lucchesinio* dicente, admiratus. Quid Fortius?

Et

Et ille, noli, inquit; quærerere; qui ita sum eius oratione commotus, ut vel Jurisconsultis nostris Scriptorem illum suum minime jam dubitem antepondere. Nempe, inquit *Furiettius*, in eo standum putas, quod judicatum olim fuit. In quo tandem? inquit ille: non enim novi. Tum *Furiettius*, Quondam, inquit, quum floreret scriptorum Collegium horum, de quibus est à Lucchesiano sermo institutus, orta est eos inter, & Advocatos, uti vocant, Consistoriales controversia, utri utris dignitate antecederent; quumque multum esset, atque acriter utrinque disputatum, Pontifex, qui tum regnabat, sapientissimus rem secundum Scriptores judicavit; Atque ita Advocati, qui alienas obtinere causas consueverunt, offenderunt in sua. Sane, inquam ego, ita est: Nam legi in, eam rem conscriptam epistolam a Leonardo Aretino, qui & ipse ex eo Scriptorum Collegio erat, in qua quum multa, tum illud inprimis ab eo me-

mini afferri : Mirari se, qui potuerit in mentem hominibus venire, quos in foro, non in aula versari oportet, de dignitate apud Pontificem cum iis contendere, qui ipsius esse deberent intimi Pontificis, & gravissimorum participes consiliorum. Tum *Fortius*, me vero, nihil ista de loco, inquit, contentio movet, quæ levis est, etiam quum necessaria videtur. Illa movent, quæ de scriptore illo tuo, Lucchesini, dixisti præclara, atque divina. Quamquam vereor, ne, quum ostendere volueris, quales esse debeant Pontificiarum epistolarum scriptores, ostenderis fuisse nullos.

Hic *Lucchesinius*, fuerunt enimvero, inquit, si non ab omni elegantiae laude foelices, ea certe in scribendo auctoritate, & vi, nihil ut in eorum epistolis inesse non videatur vel ad docendum sapientiae, vel ad permovendum eloquentiae; minimeque mirum sit, tanti eas apud veteres fuisse, ut Adrianus Primus Pont. Carolo Magno Romam advenienti

69
nienti, tamquam munus luculentum
obtulerit uno volumine comprehen-
sas epistolas Pontificum Romanorum.
Legendæ certe sunt Leonis Primi, Feli-
cis Tertii, Gelasii Primi, Symmachi et-
iam, & reliquorum eius ætatis Pontifi-
cum epistolæ illæ antiquiores, minus
bonis, quo magis admiremur, perscri-
ptæ temporibus latinæ eloquentiæ.
Quam multa in iis de abditissimis Re-
ligionis nostræ mysteriis! quam mul-
ta de divinis legibus! quam multa de
moribus conscripta sunt apte, subti-
liter, dilucide! Illa vero, quæ requi-
rebant scribendi quoddam genus splen-
didius, atque nervosius, quam magni-
fice! quam graviter! Fuerunt Hære-
ticorum confutandi errores: Ut illi
res involutas explicarunt, distinxe-
runt ambiguas, veras illustrarunt!
Fuit Rex aliquis monendus, vel Cæsar,
ut ne in rerum divinarum administra-
tionem invaderet: temperatam perse-
quuti sunt, & mediam quandam scri-
bendi rationem. Jus omne retinendæ

Pontificiæ dignitatis, in Byzanthiorum maxime Antistitum minuenda arrogantia, continebatur. Ergo in omni genere objurgationis exarserunt; neque ita tamen, ut non huic orationis generi acri, & vehementi illud alterum lenè, & sedatum admiscerent; Ne videlicet dignitatis retinentissimi qui erant, mansuetudinis obliti viderentur. Nam quid ego dicam de Gregorii Primi epistolis, quæ tanta, & tam admirabili refertæ sunt varietate, & copia rerum omnium?

s. Gregorius.

Atque hic est sine controversia primus, de quo sit memoriæ proditum, scriptorem fuisse Pontificiarum epistolarum, & ex eorum numero habitum esse, quos ex me cognoscere vos velle dixistis. Antequam enim Pontificatum nactus esset, plane constat, adhibitum a Pelagio Secundo fuisse, qui eius epistolas conscriberet. Nam Hieronymum, & Prosperum Aquitanum eiusmodi munere functos esse, suspicari magis possumus, quam liquido confirmamus.

s. Hieronymus.

s. Prosper.

firmare . Ille enim accersitus a Damaso est propter sacrarum literarum peritiam singularem, atque admirabilem, qui de his tantum rebus, quæcumque in disceptationem quæstionemque vocarentur, consuleretur a Damaso, ut ipsius fuisse potius videatur studiorum adiutor, quam scriptor epistolarum . In Damasi præterea epistolis nihil inesse videtur impetus illius concitatoris, qui eminet in Hieronymo, in eumque fortasse vel a fervore quodam ingenii, vel a declamandi exercitatione profluxerat .

Neque vero idem est stylus Prosperi, & Leonis Primi, ut huius epistolas conscripsisse illum asseveremus . Nam Prosper attenuata quadam utitur, & pressa oratione, in qua tamen satis est virium ad differendum . Leonis contra sermo grandis est, & late explicatus, quæsitæque verborum collocatione numerosus, & ob eam ipsam causam nimis interdum redundans .

Sed ut ad Gregorium redeam, mit-

to, quā vir fuerit sanctitate, qua Pontifex constantia, & consilio. Scriptorem enim hoc loco quærimus, eoque nostra omnis referri debet oratio. Fuit is igitur liberaliter institutus, quippe Romæ summo loco natus, &, quum Pelagii Secundi Legatus fuisset multos annos apud Tiberium Cæsarem Byzantium, ab eodem Pelagio ad epistolas Pontificias conscribendas adhiberi coëptus est. Erat homo rei Christianæ, rei que publicæ peritissimus: inde illa scribendi gravitas, & moralium sententiarum crebritas. Quæ quidem luget in epistolis maxime, quas, tenuissima quum esset valetudine, scripsit amplius octingentas, præceptis referatas omnes utilissimis ad Ecclesiæ disciplinam, atque ad hominum mores. Nullus tamen apud hunc flos sinceræ latinitatis, nec lumen ullum artis reconditoris, quam vel contempsisse videtur, spreta veterum lectione, vel non potuisse consequi, temporum vitio impeditus. Multæ certe translationes,
& lon-

& longæ , eoq̃ue minus aptæ : verborum item ambitus , non delectus , ut , quum legas , numerus quidam latinus non desit , elegantia desit .

Sed ea sunt Gregorium tempora , conſequuta , ut ne ex ea quidem parte omnino improbandus videatur , quæ inelegans eſt , atque horridus . Nam Jo-
 annem quendam Abbatem , quem Ma-
 ximus Monachus , qui eodem tempore
 floruit , Honorii Primi episto-
 las conſcripſiſſe refert , & doctrina totum illu-
 ſtraſſe Occidentem ſignificat , clarum
 eſſe video Maximi huius teſtimonio , non
 ſcriptis ſuis , quæ nulla extant . Itaque , ut
 hunc omittamus , ſunt Gregorium tem-
 pora conſequuta adeo bonis artibus
 tetra , atque infeſta , ut latina eloquen-
 tia , quæ in ſervilem proiecta adulatio-
 nem a priſtino jam pridem ſplendore re-
 ceſſerat , funditus fere interiret . Siquid
 tamen in illo interitu , atque occaſu
 literarum reliquum fuit in ſcriben-
 do humanitatis , atque elegantia , Ro-
 mæ certe , atque in Pontificum episto-
 lis fuit

Joannes
 Abbas.

fuit, adeo ut eloquentia, quæ, Romana vigente Republica, fuerat libertatis, facta esse quodammodo videretur alumna Religionis. Nam, quum effervescentium impetu barbarorum perculsa succubuisset Italia, veterum Romanorum deletis institutis, necessario factum est, ut victricium nationum mores Itali homines primo amplecti, deinde (quæ vis est consuetudinis) etiam adamare coeperint agrestes, atque horridos, & plane militares, quos ab optimis infringi studiis existimabant. Itaque humaniores contemnebant disciplinas, quas ignorabant, easque Sacerdotibus pæne solis reliquerant, qui & instituti vivendi suo, à cædibus, atque armis abhorre-re debebant, & latini sermonis usurpandi necessitate, aliquid temporis, atque operæ literis impertire cgebantur. Quum autem ne Sacerdotes quidem ipsos pudere, studiis neglectis, arma tractare, tum vero per omne viti-
 orum genus victrix erupit ignorantia

ria literarum, quæ late longeque
diffusa, omnem fere extinxit ubique &
bonarum artium, & latinæ sensum.
Ipse tum epistolæ Pontificum Roma-
norum communi hac fuerunt tempo-
rum labe contaminatæ, nullæ ut ex-
tent a Gregorio Primo ad Gregorium
usque Septimum, quæ virtutem ha-
beant aliquam orationis.

At Gregorius Septimus liberalibus
disciplinis satis, ut illa ætate, instru-
ctus, animum ipsum, quem habuit a na-
tura, &, quem maximarum rerum assi-
dua, acerrimæque cogitatione exer-
cuerat, robustum, atque excelsum,
attulit ad scribendum. Itaque etsi is
non discedat omnino, si verba spectes
& numerum, a barbarie suorum tem-
porum, sententiis tamen ita grandis est,
ita incitatus, ut animos legentium
obruere auctoritate, perfringere im-
petu videatur; denique facile ut appa-
reat Gregorii epistolas esse, eius, qui
ampliorem quandam Pontificatus for-
mam primus induxerit, & rationem
pri-

primus instituerit , quemadmodum
 Pontifices non solum colerentur ab
 Regibus , sed etiam timerentur . Post
 hunc autem Gregorium , omnium eo-
 rum Pontificum , qui jacentibus ad-
 huc literis fuerunt , epistolas si legas ,
 illis quidem temporibus nihil habebis
 in scribendo fortasse melius . Tempo-
 ra enim illa , quamquam superiorum
 incitiam miserabilem ex aliqua parte
 depulisse viderentur , nondum tamen
 barbaræ , atque incultæ dictionis sordes
 penitus abjecerant . Erant certe , qui
 Theologiæ , erant , qui Jurispruden-
 tiæ , erant etiam , qui Grammaticæ
 operam darent multam magis , quam
 utilem . Nam eadem vigeat adhuc
 bonorum ignoratio librorum , magi-
 strorum inopia , eloquentiæ nox ; do-
 nec a Francisco Petrarcha in tantis te-
 nebris lumen est aliquod sublatum ,
 melioris eruditionis ; primoque ab
 hoc commoti sunt homines ingenio , &
 doctrina præstantes , ut auderent ac-
 curatius , quam superiores , & or-
 natius

natus scribere . Atque hic statim propter nominis celebritatem ab Urbano Quinto evocatus Pontificias & ipse conscripisset epistolas , nisi literatum otium arctissime amplexus , divelli ab eo nullius neque utilitatis , neque honoris invitamento potuisset . Nimirum is multa scripsit , fuitque & Orator , & Poeta latinus , in eo sane probabilis , quod , si non omnium optime , omnium certe princeps , impolitæ vetustatis quasi fuliginem absterferit .

Sedenim hæc facta Petrarchæ mentio commonet me , ut ad Scriptores aliquando nostros redeam , a quibus aberrare jamdiu videor , dum nimis multa , & fortasse aliena de Pontificiis epistolis disputo .

Tum *Furiettius* : Ista vero , inquit , neque aliena tibi fuerint de Scripto-ribus loquenti Pontificiarum epistolarum , neque certe nobis audientibus iniucunda . Miror potius in iis Pontificibus commemorandis , quorum in epistolis ratio fuit aliqua latine scribendi

bendi illis temporibus, præteritum esse abs te Innocentium Tertium, magnum illum Juris Canonici auctorem, & principem. Hic *Fortius* arrisit, & simul, scilicet, inquit, eo prætermisit, quod Jurisconsultus fuërit. Tum ille, *Perigisne*, inquit, *Forti*, me apud Jurisconsultos in invidiam rapere, quasi de iis minus, quam decet, aut amice, aut recte sentiam? Quamquam epistolæ Innocentii Tertii, non hominem tantum declarant peracutum ad excogitandum, quid in jure, aut in æquo verum aut esset, aut non esset; sed maxime gnarum Reipublicæ, & de illa præsertim inter Philippum, atque Othonem de Germanico Imperio concertatione quum agit, genere utentem orationis solerti quodam, & ad rem, cum summa perspicuitate, mirabiliter apto. Verum de Pontificibus eatenus mihi dicendum fuit, ut ostenderem, barbaris etiam temporibus, latinæ eloquentiæ, siqua fuit, in eorum epistolis extare vestigia.

Et

Et quoniam ita traxit commemora-
 tio Pontificum orationem, ut ad In-
 nocentium tertium pervenerim . . . præ-
 tereundus non est Paulus ille Beneven-
 tanus, quem ipsius Innocentii Epistolas
 collegisse reperio, & iis annumeratum
 esse scriptoribus, quos percensere in-
 stitueram. Ita prorsus, inquit *Furi-
 tius*; sed mihi videris a Gregorio Pri-
 mo, quem Pelagii Secundi scriptorem
 epistolarum fuisse statueras, ad Paulum
 hunc Beneventanum nimis longo in-
 tervallo descendere, vel præcipitare,
 potius. Atque id necessario, inquit
 ille; neminem enim, licet curiosius
 exquisierim, inter horum ætates in-
 teriectum esse video, qui quidem vere,
 & perinde, atque a nobis intelligitur,
 Pontificiarum epistolarum scriptor di-
 ci possit. Nam *Notarios, & Cancellarios,
 & Scriniarios* etiam, quos barbaro vo-
 cabulo appellant, (si tamen hi pos-
 sunt in Scriptorum nostrorum cœtum,
 ac numerum venire) permultos sane
 ex incondita verustate exuere, de his
 que

Paulus
 Beneven-
 tanus.

que loqui, de quorum scribendi laude nulla monumenta loquuntur nec aliorum, nec ipsorum, quid, quaeso, attinet? Præsertim quum neque ex inani eorum notitia quicquam accedat vel ad antiquitatis laudem, vel ad exemplum posteritatis; neque propositum sit colligere omnes, sed eos tantum Scriptores, qui clari fuerint. Atque ego omissem etiam Beneventanum illum, eodemque & numero & tempore Ricardum Posianum, qui Innocentii Quarti, Marinum Ebulensem, qui Gregorii Decimi, Thomam Campanum, qui Innocentii Quinti, epistolas conscripsisse dicuntur, nisi eos, annalium memoria teste, sciremus aut doctos fuisse, aut certe habitos.

Ricardus
Posianus,
Marinus
Ebulensis,
Thomas
Campanus.

Neque vero non multos fortasse, qui commemoratione digni fuissent, obruit tempus illud difficile ac turbulentum, quo vastata bellis Italia, lacerata dissensionibus Ecclesia, & ipsa ad exterarum gentes translata sede Religionis, quum orbata annos ipsos LXX:

Pon-

Pontifice Roma, relicta direptioni, atque incendiis videretur, multæ privatæ, & publicæ tabulæ foedissime perierunt. Itaque magna facta est in historia labe, ut scriptores Pontificiarum epistolarum non modo non existimari, quales fuerint, sed ne internosci quidem possit, qui fuerint. Illud tamen existimare facile possumus, ad tantum munus fere semper esse a Pontificibus adhibitos, & ultro etiam accersitos, qualescunque illi fuerint, quos literarum, & latine scribendi fama præstare cæteris intelligebant. Itaque accersitus est ab Urbano Quinto Petrarcha, & quum is recusasset, ut antea diximus, evocati sunt Franciscus Brunus. Franciscus Brunus, & Colutius Salutatus, tuus, Colutius Salutatus. Forti, Civis, qui eo munere functi sunt. Jam magna utriusque laus a Pontifice evocari, qualis fuit Urbanus Quintus, qui, quum Religionis illam cum literis coniunctionem ad Pontificatus præsidium magnopere necessariam esse intelligeret, usque eo fovit studia lite-

F rarum,

rarum, ut & multa multis in locis gymnasia fundaret, & ipsorum studiorum causa adolescentes aleret mille, ne videlicet studiosis aut industriae subsidia, aut instrumenta doctrinae deessent.

At Colutius non mihi iudicio Pontificis solum videtur, sed etiam scriptis probatus suis; a quibus quamquam absit perfecta veterum imitatio, quæ multis post annis increbuit, non tamen abest perspicuitas, non eruditio, non conatus etiam quidam elegantiae. Haud enim tam ipse eleganter scripsit, quam potuit admonere alios, ut eleganter scriberent. Nam, quod in plerisque videmus usuvenire, præcipiebat melius, quam scribebat. Et revera quum monendo, cohortando, percunctando, communicando acueret, atque adjuvaret in studiis juventutem, magister appellatus a Poggio est, & Pater studiosorum omnium.

Multum a Colutio aberat non tempore, quippe æqualis prope, sed scribendi

bendi facultate Theodoricus Niemus, Theodoricus Niemus. quem Bonifacii Noni familiarem, & scriptorem epistolarum constat fuisse, Durus is fuit, incultus, horridus verbis atque sententiis; acerbus præterea, criminosus, & in illo Pontificum dissidio, cuius historiam inquinatissimo sermone conscripsit, partibus iratus etiam iis, quas sequebatur. Et tamen hic quasi scriptor in illa sui temporis scriptorum paucitate non ad laudem, sed ad notitiam aliquam hominum pervenit.

At huic barbaro habeo, quem opponam, non indiserum Italum Poggium Bracciolinum, Poggius Bracciolinus. qui anno postremo eiusdem Bonifacii Noni scriptor fuit Pontificiarum epistolarum. Is quum latinæ in Italia jam literæ vigerent, & Chrysoloræ Byzanthii adventu post septingentos tandem annos reviviscere græcæ inciperent, utriusque linguae facultate instructus genus illud scribendi suum, in quo satis est virium, & facetiarum, ver-

bis interdum non satis latinis , neque splendidis infuscare videtur : Id quod ex scriptis eius , quæ permulta edidit , facillime perspicitur . Etsi ita omnes tum scribebant , ut ad superiorum temporum barbariem , polite admodum , ut ad posteriorum autem diligentem elegantiam , parum nitide . Sed Poggius & non indifertus , ut paulo ante diximus , ipse fuit , & Innocentio Septimo , cuius , mortuo Bonifacio , familiaritate utebatur , magnopere auctor fuit , ut differtissimum hominem Leonardum Ar-

Leonardus
Arctivus .

tinum amicum suum , & Francisci , quem supra commemoravimus , filium in eandem societatem vocaret conscribendarum epistolarum . Homo enim optimis disciplinis rite excultus , non invidere æmulis studiorum suorum , sed favere didicerat .

Ergo Romam quum Leonardus Poggii notitia productus ad Innocentium venisset , statim offendisse apud Pontificem dicitur , & quod iunior vide-

videretur, & quod competitorem haberet Angelum Scarpariensem doctrina quidem inferiorem, at superiorem, ut plerumque fit, studiis, atque opibus fautorum. Sed opportunitas temporis Leonardi doctrinam illustravit, omnemque obruit gratiam competitoris. Nam quum Bituricensium Duci respondendum esset, qui magnis de rebus literas per eos forte dies ad Pontificem dederat, tentaturus utriusque in scribendo facultatem Pontifex, de Patrum etiam sententia, dat utrique negotium, ut literis illis rescribant. Quod quum accuratius Leonardus confecisset, & Pontificis, & Patrum omnium, qui responsa illa legerant, iudicio victus discessit Angelus; ipse autem scriptor factus lætiores ex contentione fructum gloriæ cœpit. Neque Innocentio Septimo solum, sed Gregorio etiam Duodecimo, Alexandro Quinto, & Joanni Vicesimo tertio familiaris fuit, & maxime utilis: Idque quum sæpe alias, tum vix creato Pon-

tificæ Gregoriæ Duodecimæ cognitum est. Nam quum literæ ad Benedictum Pseudopontificem, hominem vaserrium, dandæ essent, quæ illum ad pacem, & concordiam hortarentur, quæque ita graviter, & considerate scribi debebant, ut omnium vel obtreçantium iudicium subire possent, unus, quum multis scribendi cura demandata esset, facile primas Leonardus tulit, atque habitus est in eo scriptionis genere mirabilis. Et certe, scriptor fuit temporibus illis sat bonus, & copiosus, quamquam eo, quo cæteri eius ætatis, vitio laboravit, ut flueret interdum lutulentus. Itaque, Erasmi etiam testimonio, diligenter latine scribendi laude caruit; & fortasse etiam, meo iudicio, constantiæ, quum Joannem Viceßimum tertium, a quo florebat ipsemet multa se beneficia accepisse prædicat, eius jam præcipitante Pontificatu, deseruerit, eoque relicto ad Florentinos sese in Etruriam contulerit. Quo item se Poggius con-

contulit, verum acta jam ætate, & quum xl ferme annos ad Nicolaum usque Quintum in scriptorum numero fuisset.

Habuit igitur collegas Poggius, & æquales propemodum Bartholomæum Bartholomæus. Capram, Archiepiscopum Mediolanensem, scriptis factisque clarum; Antonium Antonius Luscus. Luscum Vicentinum, Rethorem non contemnendum; Bartholomæum Bartholomæus Politianus. Politianum, poetam illis nondum satis eruditis temporibus tolerabilem; Cincium Cincius Romanus. Romanum, literatum hominem; Massæum Massæus Vegius. Vegium Laudensem, in heroicis carminibus non satis magnificum, sed tamen poetam; denique Flavium Flavius Blondus. Blondum, qui tametsi neque in historia fidem, neque in scribendo elegantiam omnem servaverit, non mediocrem tamen illustrandis Italiæ rebus in Scriptoribus eius ætatis locum obtinet. Addamus huc etiam Joannem Joannes Aurispa. Aurispa Siculum, poetam, & oratorem, qui latine non pessime scripsit, græcarum etiam

Nicolaus iam literarum admodum sciens ; Et
 Perottus . Nicolaum Perottum , qui Polibii li-
 bros quinque vertit e græco non ut
 interpres , sed potius uti Livii imi-
 tator ; etsi neque elocutionem Livii
 omnino assequutus sit , neque Polibii
 sententiam expresse- rit . Ingenio tamen ,
 atque eruditione , optimi cuiusque
 judicio , excellens fuit . Neque vero
 prætereundum arbitror Dominicum
 Dominicus Capranicam , qui quidem etsi propter
 Cardinalis summam nobilitatem , & singularem ge-
 Capranica . rendæ reipublicæ peritiam magnus fuit ,
 tamen etiam latine scribendi quandam
 mediocritatem habuit , proptereaque
 a Martino Quinto eodem ferme tem-
 pore in horum scriptorum numerum
 relatus est . Nam doctorum hominum
 amicitias coluit semper , & veterum
 omnium quum historicorum , tum
 poetarum lectioni pœne quotidianæ
 in maximis occupationibus assueverat .
 Et erat omnino tum mos , ut reliquis in
 rebus fortasse melior , sic in hoc ipso
 prudentior , ut principes in Ecclesia
 viri

viri maiore quodam essent erga optimas artes studio .

Sed nolite putare quemquam flagrantiore in literas animo fuisse Nicolao Quinto ; quo Pontificatum tenente , pulcherrimæ omnes disciplinæ maiorem assumisse vim , atque estimationem videntur. Hoc igitur Pontifice , & multi fuerunt ex iis , quos nominavimus , scriptores Pontificiarum epistolarum , & plures additi a Nicolao ipso , ad quem doctrinæ , & eloquentiæ fama præstantes certatim homines aut sponte , aut ab eo invitati confluxerant .

Hoc ex numero fuit Horatius ille Horatius
Romanus . Romanus , cuius græcæ latinæque facundix est auctor , & idoneus quidem Æneas Sylvius Piccolomineus is , qui Pontifex fuit . Narrat enim , hunc delectum cum multis fuisse , qui Homerum latine redderet : Et hunc unum , acri Nicolai iudicio satisfecisse , dicit : addit , ab Horatio id etiam perfectum esse perbonis versibus , & sane dignis ,
quos

quos *sua miraretur, prisca non impro-*
basset etas. Fuit etiam Rainutius Are-
 tinus, cuius græcis in literis erudi-
 tio laudatur a Valla, qui fuit eius au-
 ditor, in latinis facultas ex fabulis
 perspicitur Æsopi, quas vertit e græco
 accurate magis, quam eleganter.

Jannotius
 Mannetius: Adiungantur iis Jannotius Mannetius
 Florentinus, qui philosophiæ deditus,
 literarum scientiam non neglexit, &
 tam prompta fuit, & parata in loquen-
 do, scribendoque celeritate, ut, quæ ab
 aliis græce legerentur, latine ipse sta-
 tim redderet: Petrus Nucetanus, de
 quo nihil accepimus, nisi certum fuisse
 Nicolao Albergato Cardinali aucto-
 rem, ut in legatione illa sua nobili
 scriptorem epistolarum suarum in
 Galliam duceret Æneam Sylvium Pic-
 colomineum, quæ prima fuit homi-
 ni ad amplioris fortunæ spem com-
 mendatio. Atque ipse Æneas in eodem
 ante Pontificatum numero fuit, qui
 variis in Republica, atque in Ecclesia
 rebus, studiisque exercitatus & egit
 multa

multa sapienter, & scripsit multa præclare, atque ita scripsit tamen, ut eruditio summa appareat, elegantia mediocris. At iisdem temporibus Petrus Petrus Cædidus Decurabius. erat Candidus Decembrius, in quo elegantia fortasse maior, vis certe minor, nullus numerus; scribendi autem labor infinitus, quum libros (si elogio credimus, quod in eius sepulchro esse incisum accepimus) centum, & viginti septem aut scriptitaverit ipse, aut a græcis transtulerit.

Atque etiam fuerunt, eodem Pontifice Nicolao, Tortellius Aretinus, Tortollius Philolphus Tolentinae, Valla Placentinus Philolphus Valla. literati omnes, sed in latina lingua existimatores magis metuendi, quam scriptores mirabiles. Erant enim eorum verba latina fere omnia, quorum momenta fastidiose perpendebant; at succus deerat, & æquabiliter in omnes scriptionis partes diffusus vividæ latinitatis color. Hic ego, quis est, inquam, iste tandem latinitatis color? aut in quo reprehendendi homines

mines de latina lingua optime quidem meriti? Tum ille, color hic, inquit, facilius intelligi, quam explicari potest. Intelligitur enim, quum optimi latinitatis auctores cum reliquis legendo comparantur, qui sunt eorum dissimiles. Nam in illis apta quaedam forma orationis, & nitida, verba lecta, & propria, sententiæ non abiectæ, ex quo totum illud æquabile existit, quod legentium animos sine satietate delectat. Contra in his, quum se ipsi consulto ad minutam quandam verborum diligentiam limaverint, est nescio quæ macies, atque imbecillitas, quæ universam quasi deformat speciem orationis.

Georgius
Trapezuntius.

Et quoniam huius generis facta mentio est, Georgium Trapezuntium non relinquam. Eumne, inquit *Furietius*, de quo tam præclare in epistola quadam Franciscus Barbarus scribit? Istum ipsum, inquit ille, sed in quo a Barbaro laudatur, reprehenditur a Petavio Georgius, &, mea quidem sententia, verius. Nam & græcos,

eos , quos latinos reddidit , mire depravavit , & fuit , ut vita , sic oratione etiam turbulentus . Præfractus enim homo , arrogans , & grammaticis contentionibus assidue jactatus , aut petebatur ab aliis , aut petebat ipse alios , neque Latinos solum , sed Græcos etiam suos , veluti Gazam , & Bessarionem doctissimos viros . Erga hunc tamen hominem tam morosum , tamque difficilem comis fuit , atque humanus Pontifex Nicolaus , & ei quondam quum pecuniam daret sane grandem , isque verecunde , & dubitanter acciperet , *aufer* , inquit Pontifex , *aufer* ; *non enim semper Nicolaum habebis* . Ex quo , & multis aliis satis constat , singularem fuisse in literatos quoscunque Nicolai Pontificis benevolentiam , & liberalitatem . Quippe istuc , inquit *Fortius* , ab Eugenio fortasse didicerit , qui fuit ante eum Pontifex , eius hominum generis studiosissimus , & quem habuisse semper in ore ferunt illud Platonis : metuendam .
 magis

magis iis , qui rerum potiuntur , poetæ , vel oratoris iracundiam , quam armati exercitus vim . Tum *Lucchesinius* , recte , inquit , *Eugenius* , vel *Plato* . Nam vis interdum vi repelli potest ; stylo autem scriptoris inustæ Principibus notæ deleri nunquam possunt . Veruntamen non solum *Eugenius* , & *Nicolaus* , sed Pontifices ferme omnes prudentissimi hoc habuerunt omnino , ut doctorum hominum studia , quicunque ii tandem essent , ad suas , & Pontificatus rationes allicerent , atque excitarent ; & quod , ut sæpe iam diximus , latine scribendi elegantia , qui præstarent , maxime apti viderentur ad hoc munus , de quo quærimus , iccirco Pontifices lubentius illos in numerum aggregarunt eorum , qui Pontificias epistolas conscriberent .

Quum autem hinc fieret , ut opido plures essent interdum , quam aut Collegii utilitas , aut rei natura pateretur , *Callixtus* primum *Tertius* certum scriptorum constituit numerum ,

rum , ut essent sex . A quo autem , Pontifice Collegii initia repeterem , reperire neque sane potui , neque (vere ut dicam) magnopere curavi . Non enim vehementer ad rem nostram pertinere sum arbitratus , commemorare , quando hic ordo coeperit , quam ampli decreti fuerint eidem ordini a Pontificibus honores , quam multa attributa commoda ; quum Pontificum Diplomata aperte istuc ostendant , & iis peruestigandum lubentissime relinquam laboriosis hominibus , qui hæc perquam acute odorantur . Hoc ex me satis est intelligi , Collegium huiusmodi fuisse iam , & vero etiam seminarium quoddam Reipublicæ fuisse , unde (quod ex ipsorum Scriptorum enumeratione licet cognoscere) semper extiterunt magni , atque illustres viri , qui Legati , qui auctores publici consilii , qui regendæ Ecclesiæ duces , & domi , & foris , & agendo essent , & scribendo . Ita & a Scriptoribus nostris , quum docti essent , præ-

sidia

fidia petebantur Reipublicæ , & Scriptores , qui erant Pontificiarum epistolarum , eosdem doctos esse oportebat .

Jacobus
Ammanatus
Lucensis .

Tertio igitur Callixto Pontifice ex hoc numero Jacobus erat Ammanatus, doctissimus vir , & magnum Patriæ decus meæ ; & vestræ etiam , Forti; siquidem Lucæ natus , Piscia institutus est , eique fuit (ut ait ipse de se in epigrammate , quod sepulchro incidi suo iussit)

mens bona pro genere .

Mens autem bona non est (in quo Natalis Alexander vim carminis ignorans labitur) familiæ nomen , sed hominis laus . Romam igitur sine ulla commendatione maiorum homo per se cognitus quum venisset , facile a Dominico primum Cardinali Capranica , cuius etiam epistolas scripsisse dicitur , deinde ab Ænea Silvio Piccolomineo in amicitiam & familiaritatem receptus est . Atque huius Ammanatus

manatus fuisse videtur studiorum imitator, certe fuit fortunæ particeps. Nam Piccolomineus, Pontificatum ubi adeptus est, statim illum, qui Callixti fuerat, suum esse voluit scriptorem epistolarum. Neque ita multo post Papiensi Episcopatu auctum in senatum legit, in familiam, nomenque suum ascivit, maximis beneficiis ornavit; idque non sine causa: Doctrina, enim & scribendi laude, huic qui præstiterit ætate illa, non facile dixerim. Scripsit epistolas sane plurimas, Commentarios temporum suorum, nonnulla etiam carmina, quamquam in his plus est argutiarum, quam elegantiae. At mihi maxime placet, vel dicam minime displicet eius in epistolis oratio plena senatoriæ libertatis, quæ latina est toto fere genere verborum, sed fractis, & sententiosis adstricta periodis, nervis abundat, molitudine caret.

Eius & æqualis, & collega, & amicus Gaspar fuit, quem Marchio Mas-^{Gaspar Ve-} sæius, nimis fortasse Veronen-^{ronensis.}sibus suis

indulgens; magnum quendam virum facit; Ludovicus contra Muratorius ignotum hominem appellat. Et eius quidem scripta neque tam multa sunt, ut propter numerum, neque adeo accurata, ut propter elegantiam celebrari possint. Licet id facillime ex eo libro iudicare, quem de vita Pauli Secundi scripsit ipse verbis non admodum elegans, sententiis vero ita abiectus, ut hunc hominem a Jacobo Amanato nostro tantopere laudatum, atque adiutum magis mirer, quam desertum querar ab Roderico illo Borgia discipulo suo, qui Pontifex fuit, & sextus est Alexander dictus.

Cum hoc Gaspare Jacobi duo fuerunt ætate coniuncti, Passarellius Ariminensis, & Venierius Recinatenis, quorum nulla extant scripta, multa memorantur facta. Nam alter in Britanniam, alter in Hispaniam Legatus a Pontifice missus est, & amplis utrique honoribus usus; Venierius autem Cardinalis etiam fuit, quamquam natura

Jacobus
Passarellius.

Jacobus Venierius
Card.

tura vehementior, & oratione liberior haberetur. Magnos ergo viros res eorum gestæ, eruditos vero fuisse doctorum hominum testimonia declarant.

At Pii Secundi, Pauli item Secundi, & Sixti Quarti Pontificum epistolas qui conscripisse dicuntur, acervatim hic libet asserre: Neque enim ætate admodum disiunguntur, etsi in plures Pontificatus inciderint. Proferamus igitur Joannem Gobelenium, cuius Joann. Gobelenius, tanta est cum Pio Secundo in scribendo similitudo, ut quos ipse de Pii Secundi rebus gestis Commentarios edidit, ab eodem Pio profecti esse existimentur: Gorum Senensem, quem Gorus Senensis, bonum virum, innocentem, & sine cuiusquam querela divitem fuisse, sed scripsisse parum accepimus: Leonorum Bononiensem, qui græcas literas a Theodoro Thessalonicensi didicit, & latinarum fuit sane peritus: Baptista Baptista Reatinus, Reatinum, quem orate scripsisse Gaspar ait Veronenfis, scriptor ipse

Joan. Ant. non satis (ut paulo ante diximus) or-
 Buxius . natus : Joannem Antonium Buxium ,
 Episcopum Aleriensem , cuius merito
 est in emendando Strabone laudata di-
 ligentia : Benedictum Maffæium Ve-
 Benedi- ronensem summo genere natum , quem
 Maffæius . tamen , nisi ex sepulchro cognovisse-
 mus , in numero nostrorum scriptorum
 nesciremus fuisse : Veronensem item
 Domitius alterum Domitium Calderinum , in-
 Calderi- geniosum hominem , atque eruditum ,
 nus . sed nimis concitum ad rixam , atque
 ostentatorem (ut est fere semper natio
 Grammaticorum) : Denique Andream
 Andreas Trapezuntium , Franciscum Nozera-
 Trapezun- rium , Marcellum Rusticum , Gaspa-
 rium . rem Blondum , quos tametsi nulla in-
 Franc. No- genii monumenta reliquisse comperi-
 zeranus . mus ; tamen latine scribendo valuisse ,
 Marcellus Jacobus Volaterranus narrat , qui sci-
 Rusticus . re potuit . Cum illis enim erat iisdem
 Gaspar studiis , exercitationibusque coniun-
 Blondus . ctus . Nam Jacobi Volaterrani , qui
 Jacobus & ipse nostro e numero fuit , facul-
 Volterra- tas in scribendo notior . Commenta-
 nus : rios

rior enim reliquit rerum Urbanarum ,
qui latinarum literarum fuisse illum si-
gnificant & studiosum , & non impe-
ritum . Potuit etiam politioris aliquid
doctrinæ hauisse a Cardinali Amma-
nato , cuius familiaris fuit .

Qui vero latine magis , ac diligen-
ter scripserint, iidemque iisdem tempo-
ribus scriptores fuerint Pontificiarum
epistolarum , fuerunt Leonardus Da-
tus Florentinus , poeta non insuavis ,
& quum natura , tum etiam ipso ora-
tionis genere lenis : Et Mathias Pal-
merius Pisanus , qui sui temporis hi-
storiam scripsit , non rerum exornator
amplus , & magnificus , ut historicum
decet , sed tamen narrator nitidus , at-
que elegans...

Leonardus
Datus .

Mathias
Palmerius.

Jam autem commotis hominum
ingeniis , latiusque diffusis studiis ar-
tium pulcherrimarum , erat paullo
auctior quædam , & diligentior con-
suetudo latine scribendi . Sed scripto-
rum nostrorum hoc ipso in genere in-
dustriam , beneficio Pontificum exci-

tatam,repentina calamitas Reipublicæ pene pressit . Nam quum Innocentius Octavus Collegium scriptorum horum propter angustias ærarii , bello exhausti,venale habere instituisset, ampliavit illud quidem , ut essent viginti quatuor , multisque & commodis & ornamentis locupletavit ; at visus est doctrinæ quodammodo aditum illum obstruere, quem pecuniæ aperuerat . Verum , ne tam facile in præstantissimum Collegium neglectus irreperet literarum , primum obstitit scriptoris eius, qui domesticus dicebatur , reservata Pontifici creatio (hoc enim lege erat ipsius Innocentii sancitum) deinde reliquorum delectus , qui Collegio ita erat concessus, ut maxima cura fieret : tum demum communis illa , de qua supra diximus , iniecta hominibus ad optimas artes commotio . Nem Pontificis valde intererat,scriptorem habere doctum , atque idoneum , qui suo , non alieno lectus arbitrio , consilia graviora , atque abdita explicaret :

caret : & Collegii dignitas postulabat,
 ut eadem , quæ fuerat , maneret in eo
 fama doctrinæ . Tanta porro autem
 erat eo tempore ardor studiosorum ,
 ut licet alio distracta cura Pontificum,
 tamquam ventus , homines defecisse
 videretur , non flaccescerent tamen stu-
 dia liberalium disciplinarum . Itaque
 præclari ex hoc numero scriptores , &
 Pontifice hoc Innocentio Octavo , &
 Alexandro Sexto (mitto enim Pium
 Tertium , qui paucis diebus in Ponti-
 ficatu fuit) & ipso illo Julio Secundo,
 qui propter bellicas occupationes du-
 rior ad hæc studia videbatur , non de-
 fuerunt . Neque enim arbitror non
 aliqua floruisse scribendi laude , aut
 Augustinum Stacciolium Urbinatem , Augustinus
Stacciolius
Urbinas .
 quem a Guidone Feretrio (cuius domus
 cunctæ Italiæ quasi hospitium quod-
 dam patuit liberalium artium) Lega-
 tum ad se missum quum Innocentius
 Octavus summi hominem ingenii ,
 summæque solertiæ perspexisset , scri-
 ptorem epistolarum suarum esse voluit

Bartholo-
 mæus Flo-
 ridus Ar-
 chief. Cō-
 sentinus . aut Bartholomæum Floridum Archiep.
 illum Consentinum, quæcunq; eius in
 exitu vel fortuna, vel culpa fuit, qui ab
 Alexandro Sexto suas ad epistolas con-
 scribendas primo adhibitus, deinde
 ab eodem afflictus est miserandum in
 modum ; aut Sigismundum Fulgina-
 tem poetam, atque historicum non
 ignobilem, quem Bembus laudat, &
 Julio Secundo ab epistolis fuisse ait :
 aut denique Antonium Ursum Vene-
 tum, Episcopum Agiensem, quem scri-
 ptorem Pontificium eodem ferme tem-
 pore, & non indoctum fuisse statim ap-
 paret, simul ut Marcelli ædem ingres-
 sus, monumentum eius a læva aspexer-
 is, in quo insculptus est acervus libro-
 rum cum luculenta inscriptione. Nam
 quid ego dicam de Adriano Cornetano
 Card. qui Alexandri Sexti epistolas scri-
 psisse dicitur? Ut pene memoria excide-
 rat vir commemoratione dignus impri-
 mis ! Nam is & ipse scripsit elegantif-
 sime, & docuit alios. Libellus indi-
 cat, in quem excerptas, quas potuit,
 ab

Sigismun-
 dus de Co-
 mitibus
 Fulginas.

Antonius
 Ursus Ve-
 nectus .

Adrianus
 Card.

ab optimis auctoribus latine scribendi formas elegantiores congeffit; & carmen indicat, quod urbano, & propemodum Horatiano genere de itinere Iulii Secundi conscripsit. Huic homini eruditio honori, pecunia invidiæ, ambitio calamitati fuit.

Sed ecce Leonis Decimi Pontificatus, quem maxime bonis artibus utilem omnibus, vereque salutarem possumus dicere. Ipse enim Pontifex bene a puero institutus & Patris Laurentii diligentia, & Angeli Politiani eruditissimi hominis disciplina, acceptum a Maioribus suis, & Pontificio iam more traditum patrocinium, literarum mirifice auxit per sese insigni, & divina quadam liberalitate. Itaque uberrimus tum fuit latinorum poetarum, historicorum, oratorum foetus: Incredibilis factus ubique est ingeniorum motus, quum scholæ omnes, Academiæ, Urbes, Provinciæ, nationes latinæ facultatis cupiditate flagrare viderentur, quum illam certatim

tatim doctissimus quisque, aliisque alio studiosius excoleret: quum alii eruerent, emendarent, interpretarentur veterum pulcherrima monumenta: alii sua proferrent; omnes denique cum barbarie continenter bellum gererent: Qua depulsa tandem, & profligata, cum antiqua Romanorum gloria latine eo tempore scribendi elegantia, & copia æquata videbatur. Tum vero fuit Bembus in scriptorum nostrorum numero, cuius Bembi nomen vobis, o eruditi homines, erit in hoc ipso scriptio-
 nis genere instar maximæ laudis. Et nimirum is princeps ex nostris ornamenta illa, & lumina Ciceronis in Pontificias epistolas transtulit: vellem parcius, neque ita Ciceronem imitaretur, ut ea etiam (id quod antea diximus) ascisceret, quæ a Christiani hominis pietate abhorre-
 re videbantur; neque erant ad nostra tempora, nostrosque mores accommodata. In quo sicut a nonnullis reprehenditur, ita laudari in eo debet ab omnibus, quod magni-

Petrus Bē-
 bas Card.

magnificentius, quam antea, & ornatus scribendi genus sequutus, non verba solum, sed etiam vim, atque indolem Ciceronis, & primus, & fere unus omnium maxime expresserit. Quamquam non defuerunt, neque vero desint, qui hoc ipsum improbent, & Ciceronem vituperent tamquam verbum, atque elumbem. Vituperare quisquam eloquentiæ parentem audet, & tam loquaciter impudens esse, ut eum accuset, quem propter præstantiam nominis vereri deberet, etiam si minus propter ingenii, iudicii, quæ sui pravitatem imitari posset? Sed hos missos faciamus stultos vituperatores, & si quando se ad scribendum contulerint, ineptos sane scriptores; qui, si homines essent, Ciceronem potius legerent, quam literam scriberent ullam. Ad Bembum revertamur, in quo ingenium maximum, doctrina politissima, studium fuit acerrimum. Declarat multitudo librorum, varietas, elegantia. Epistolæ vero Pontificias

Jacobus
Sadoletus
Card.

cias ita breviter , & preſſe , & admodum ornatè , & pereleganter ſcripſit , ut nihil perfectius quærendum foret , ſi , ut ad dignitatem Principis , ita ad ſanctitatem Pontificis apte eſſent. ſcienterque conſcriptæ. Etiam in Jacobo Sadoletto , qui Bembi Collega fuit , & amicus , plurimæ erant literæ , viſ ſumma ingenii , ſcribendi autem ratio , ſi non ita limata , & nitida , ampla tamen ſatis , & copioſa , & in episto-
lis Pontificiis colore illo quodam Eccleſiaſtico , quo Bembus omnino caruit , leviter tincta . Ita Bembo Eccleſiaſtici ſermonis ſanctitas , Sadoletto perfectio illa , & latinæ dictionis veluti flos , quumque ſummus uterque fuerit ſcriptor Pontificiarum episto-
larum , duæ res maximæ altera alteri defuit . Hic *Furiettius* , etiamne his duobus , quos ego plane perfectos rebar eſſe , tantum , inquit , defuit ? Quamquam Sadoletto quod defuit , non quivis unus e turba illa , ut ita dicam , ſemilatina , ſed doctus tantummodo , quemadmodum ipſe
es ,

es, atque intelligens olfecerit latinitatis existimator. Et vellem equidem de unoquoque ita potuisses iudicare, ut prudens illa tua, atque acris animadversio in epistolis versaretur, quæ Pontificum nomine scriptæ sunt. Quod in Bembo, & Sadoletto fecisti. Nam, quum superiores commemorasti, videbare mihi potius generatim de eorum scribendi ratione, quam proprie de illa cognoscere, quæ usi sunt in conscribendis epistolis Pontificum Romanorum.

Tum ille, recte id quidem, & vellem, ut dicis, quantuscunque sum ad iudicandum, potuisse. Sed qui possumus, inquit, in reliquis fere omnibus? Quos quidem Pontificiarum epistolarum scriptores, eosdemque eruditionis fama præstantes fuisse constat, at quas ii nominatim epistolas conscripserint, non satis ex descriptione tabularum constat. Neque porro necessarium est, quum ad epistolas Pontificum conscribendas eandem fere scribendi ratio-

rationem ipsi attulerint , quæ in cæteris eorum scriptis statim occurrit , Quæ cognita , quales illi , & quam clari Pontificiarum epistolarum scriptores fuerint , cognosci etiam potest . Neque tamen , quum inciderit , ut id recte fieri possit , non interdum proprie ad ipsas Pontificias epistolas , quas scripserunt , referam iudicium , & orationem meam .

Angelus
Colotius.

Sed reliquorum scriptorum enumerationem persequamur . Eodem igitur Leone Pontifice fuit Angelus Colotius , quem latinis , quem græcis instructum literis ex disciplina legimus extitisse Joviani Pontani Umbri , eius , qui Neapolim ad Aragonios Reges studium attulit politioris doctrinæ , & quo auctore , & principe ora illa omnis beatissima elegantissimis & artibus , & hominibus frequentari coepta est , Fuerunt etiam Etrusci duo Franciscus Bracciolinus Poggii F. , & Æmilius Ferrettius , quos ut Jurisperitos (fuerunt enim & huic studio dediti) haud scio ,

Franciscus
Bracciolini
Poggii F.
Æmilius
Ferretius.

scio, quam tu, Forti, probes: latini quidem scriptores mediocres fuerunt. Eundem, inquit *Fortius*, apud nos locum obtinent, ut neque primis Jurisconsultis, neque postremis adnumerentur; elegantia tamen scribendi, quod tu melius intelliges, & iuris certe scientia Bracciolino præstitit *Ferretius*. Quamquam eiusmodi scriptores, & multo his etiam præstantiores, atque elegantiores, quod magis pigeat, vix jam comparent in hac turba novorum voluminum. Ut video, inquit *Lucchesinius*, nos inopia, vos copia laboratis.

Iam *Benedicti Accolti*, qui *Adriani Sexti* epistolas conscripsit, quam fuit *Benedictus Accoltus Card.* illustre nomen, quum *Cicero* vocitatus fuerit! Nimis id quidem; neque enim sunt eius scripta ad perfectam, omnino divini oratoris imitationem elaborata. Paullo tamen uberius laudatum puto, quod splendidus fuerit, atque apud doctos homines gratiosus. Neque inelegans sane orator, & poeta etiam

etiam elegantissimus visus est; ut minime mirer, eum maxima cum gratia, & gloria ad Cardinalatus amplitudinem pervenisse. Illud miror potius, cur in mentem Hieronymo Nigrò venerit, Accoltum hunc, Collega Sadoletò quum esset in eo scribendi munere a Clémente Septimo datus, ipsius Sadoleti Bibulum subadsurde, falseque nominare: quasi quemadmodum Cæsar nihil agere Bibulum suum in consulatu Collegam, sic nihil Accoltum scribere Sadoletus siverit. Tantum enim abest, ut Sadoletus vir optimus invidere cuiquam potuerit, ut ingenue fateri non dubitaverit, epistolas nonnullas, quæ suæ terebantur, fuisse Francisci Binii: quem hominem ingeniosum, atque industrium in Pontificiis epistolis conscribendis, ut ego, Bonamice, Te, asciverat adiutorem sibi. Atque ipsum Binium video, Sadoleti commendatione, in hunc scriptorum numerum pervenisse aliquot annis post, Iulio Tertio Pontifice.

Franciscus
Binus.

Cle-

Clemente autem Septimo Pontifice, Paulus Valrabarinus :
 in horum scriptorum numero habemus clarum virum, Paulum Valrabarinum, cui ad Pontificis gratiam, & famam eruditionis florescenti in direptione illa, & cæde indignissima, quum Germani, Hispanique in Urbem milites, Borbonio Duce, irruerunt, erepta ferro vita est. Habemus etiam Fabium Vigilem Spoletinum, & Blossium Palladium Sabinum, Fabius Vigili Spoletinus. elegantes auctores ita duntaxat, quum carmina scriberent, quæ pauca legimus, verum suavissima, atque optima. Nam soluta eorum oratio carminum gloriæ, Blossius Palladius Sabinus. atque elegantiae non respondet. Hoc autem nescio quo pacto contingere soleat, ut omnes fere, qui poeticæ studeant, & id arte faciant, iidem a verbis ad solutam traducti orationem, humiliores reperiantur. Neque hoc in Vigili, & Palladio solum, qui scripta, ex quibus iudicium fieri debet, pauca sane reliquerunt, sed multo etiam magis in Pontano, in Sannazario,

H in

in Præcastorio, in Flaminio, aliisque pluribus eiusdem ætatis poetis nobilissimis intelligi potest: nisi forte id aut naturæ sit, quæ nolit eundem pluribus rebus excellere, aut, quod magis verisimile est, consuetudinis; propterea quod poetæ carminum quasi effœminati dulcedine, laborem ferre non possunt, qui est in soluta oratione paullo profecto maior, quam forte quisquam putat. Nam poeta numeri necessitate adstrictus, non ita facile in scribendo titubat: orator contra, quum sine vinculis sibi ipse quodammodo moderari debeat, plus habet periculi, & laboris, ne corruat, Eos semper excipio, qui paucissimi fuerunt, & propter ingenii magnitudinem in utraque excellere facultate potuerunt. Quam laudem, ne a nostris recedamus, maximam in Bembo, ne in Sadoletto quidem mediocrem video fuisse. Aliqua etiam in Bernardino Massæo fuit, cuius carmina sunt aliquot, & epistolæ pari elegantia conscri-

Bernardinus Massæus Cardinalis.

scriptæ . Erat præterea gnarus Reipublicæ , antiquitatis peritus , omnibus denique studiis optimis deditus . Atque hic , quum in Pauli Tertii Pontificis epistolis conscribendis aliquot annos versatus esset , Cardinalis factus est , neque propterea , studiorum præmium assequutus , quicquam de studiorum assiduitate remisit . Nam Masæi æqualem Marcellum Cervinum Senensem vitæ gravitas , morumque severitas maxime illustravit , etsi ab eruditionis laude non deserebatur . Quod doctorum hominum amicitia declarant , quibus ille floruit . Utinam diutius in Pontificatu vixisset , neque tam breve ei tempus huius suæ erga literas voluntatis augendæ , & declarandæ fuisset . Romulus autem Amasæus græcarum , latinarumque literarum scientissimus fuit : quippe eas Romæ , Bononiæ , Patavique publice docuit . Eloquentiæ igitur famam scripta , & dicta præclare , prudentiæ , facta etiam confecerant . Neque Julium Tertium

Marcellus
Secundus
Pont.

Romulus
Amasæus ,

Pontificem pœnituit abducere a schola doctum hominem , atque in præsidiiis Reipublicæ collocare , quem Legatum misit ad Reges , quem scriptorem habuit epistolarum suarum . Copiose , & facile scribit , atque interdum etiam solute , ut minus nonnunquam pressus , neque satis fortis videri queat . Nam de Paulo Sadoletto , qui eodem Pontifice scriptor fuit , quoniam Jacobus Patruus Cardinalis qualis fuerit , audistis , nolite expectare , quid iudicem . In sinu enim Patruī educatus , eius quodammodo & morum , & studiorum imago fuit .

Angelus
Massarellus

Julius Cananius
Card.

Eodem etiam apud eundem Pontificem munere functi sunt Angelus Massarellus Septempedanus , & Julius Cananius Ferrariensis iisdem fere laudibus ornati : Et concilio uterque Tridentino interfuit , doctusque vir , & sanctus existimatus est . Maiorem tamen apud Pontificem privato obsequio gratiam consequutus Cananius est : scribendi laude illustrior fuit Massarellus .

farellius, quem Paulus Quartus, cuius etiam Pontificias scripsit epistolas, Telefinæ in Brutiis Ecclesiæ præfecit. At illum alterum Atestinorum Principum benevolentia commendatum, Gregorius Decimus tertius ad Cardinalatum extulit. Debet etiam non indoctus latinis literis videri Petrus ^{Petrus Paulus Gualterius.} Paulus Gualterius Aretinus, quem in conscribendis epistolis Marcello Secundo, intelligenti Pontifici, probatum constat fuisse.

Piorum autem Quarti, & Quinti Pontificum temporibus in nostro numero scriptores habendi sunt valde boni Cæsar Glorierius, & Antonius ^{Cæsar Glorierius.} Florebellus; & fuisse quidem scripta indicant eorum, quæ in manus hominum pervenerunt. Quamquam Glorierius, qui direptionem Urbis Bononiæ illam foedissimam latinis literis mandavit, rethorico potius more, quam historico scribere videtur. Et Florebellus, cuius liber est de vitæ Cardinalis Sadoleti accurate sane scri-

ptus, Cornelium ille quidem Nepotem sequitur, & assequutus videretur, si nitidissimi auctoris lenitatem quandam orationis exprimere omnino potuisset, quam mirari licet omnibus imitari ne paucis quidem. Tum etiam

Julius Rugerius.

Julius fuit Rugerius, cuius de Theologia scripta habent aliquid elegantiae. Nam Theologiae addiscendae rationem optimam, cuius se quasi inventorem facit, a Melchiore Cano accepisse videtur, quamvis dissimulet. Habenda tamen homini gratia, quod, in qua ipse non maxime excellit, scribendi elegantiam Theologo non esse repudiandam, edito libro, docuerit.

Julius Podianus.

Sed de Iulio Podiano, & Antonio Gratiano dicamus aliquid, quos idem muneris gradus, eademque & studiorum similitudo, & temporis aequalitas coniunxit; quamquam aetate paullo fuit inferior Gratianus, quo Sixtus Quintus epistolarum scriptore usus est: Podianus autem a Pio Quinto scriptor vix designatus interiit. Ergo illi

Antonius Gratianus.

ver-

verborum habent sine molestia delectum, & sententiarum sine satietatis copiam; totam denique orationis formam gravem, ornatam, illustrem: Et siquid utrique fortasse deest, quod Podianus parum interdum diligens, nimis Gratianus effervescens videatur, inde arbitror factum esse, quod ille alieno ingenio, hic suo indulserit plus etiam satis. Nam Podianus fortunæ pressus iniuria neque Patronum, qualem Gratianus Cardinalem Commendatum habuit, liberalem nactus, atque intelligentem, coactus est studia sua aliorum arbitrio, & tempori accommodare. Neque est quicquam scribenti magis adversarium, quam ingenii, ut ita dicam, servitus. Sed illorum pulcherrima eloquentiæ monumenta a nostris hominibus, insolenti quodam rerum domesticarum fastidio, neglecta in lucem revocat Hieronymus Lagomarsinus latini sermonis & amantissimus, & peritissimus, eiusque homo Societatis, quæ latinarum literarum

rum fugientem iam glòriam omni scriptorum genere retinere una quodammodo conatur .

Thomas
Aldebrandinus .

Podiano Thomas successit Aldebrandinus , Clementis Octavi Pontificis Maximi Frater ; neque ipse diu in hoc scribendi genere florere potuit . Eius enim ingenium simul aspectum , & desideratum est . Nam quum græcis , latinisque literis institutus Laertium vertisset e græco , magnamque propterea non solum laudem , sed etiam admirationem consequutus esset , admodum adolescens mortuus est . Nam Antonio Buccapadulio longior vita contigit , qui non uni Pontifici operam suam in conscribendis epistolis præbuit , fuitque vir integer , sed non tam ingeniosus scriptor , quam diligens , atque industrius imitator . Quæ enim Pontificum nomine scriptæ sunt ab illo epistolæ formam aliquam perfectæ imitationis , & quædam optimorum auctorum tamquam lineamenta servant . Hunc tamen (quæ plerumque est proborum

Antonius
Buccapadulius .

borum

borum hominum fortuna) Sixtus Quintus scriptoris loco depulit, & huius, quod magis miremur, dissimilem in scribendo, reliquaque omni vita Thomam Gualterutium subrogavit, perfidiosum hominem, atque indoctum, in eo tamen callidum, quod scribendi genus affectarit tenebricosum quoddam, a doctis nunquam probatum, vendibile autem apud imperitos, qui, quæ non intelligunt, admirari maxime consueverunt. Itaque & honoribus, & divitiis, quas unice amabat, processisset fortasse longius, nisi in facinore manifesto deprehensus poenas legibus dedisset.

Thomas
Gualteru-
tius.

In eius igitur deiectionis locum substitutus a Sixto est Joannes Baptista Canobius, & hoc etiam amoto, qui Francis-
Io. Bapt.
Canobius
cisci Patruis magis nomine, eius, qui Podiani amicissimus fuerat, quam ingenio nitebatur suo, Buccapadulium, restituit Gregorius Decimus quartus, qui Septimum Urbanum paucorum dierum Pontificem consequutus est. Sed
neque

neque Gregorius, neque qui Gregorio successit, Nonus Innocentius multo diutius in Pontificatu fuerunt, acciditque eo tempore, quod nunquam fortasse antea acciderat, ut uno vix anno Pontifices quatuor interirent. Itaque iisdem Pontificibus iisdem ferme fuerunt epistolarum scriptores, in quibus aliquod Marcelli etiam Vestrii nomen fuit, poetæ non insuavis, ut Mureti, sed iam deflorescentis discipulum possis agnoscere. Atque hic orationem habuit in Pontificiis Comitibus, cuius mediocritatem eloquentiæ actione occultavit, in qua excellens fuisse dicitur.

Marcellus
Vestrius.

Silvius Antonianus
Card.

Venio nunc ad Silvium Antonianum, qui Clementis Octavi epistolas conscripsit. Hic omnibus exemplo debet esse, quantum in hac Urbe polleat cum suavitate morum coniuncta vitæ probitas, doctrinæque præstantia. His enim rebus, infimo loco natus, tantam & gratiam, & famam nominis consequutus est, ut Bembis, & Sadoletis

letis par dignitate fieret, neque scribendi laude inferior videretur. Summa enim hominum expectationem concitavit admodum adolescens, ac pene puer, quum in clarissimorum virorum conventu latinorum versuum magnum numerum fudit ex tempore; eamque pulcherrime sustinuit; quum & Romæ optimas artes publice docuit, & ea accurate, cogitateque scripsit, ut ad superiorum scriptorum laudem pervenerint. In Pontificiis vero epistolis eius, quas legi, vel eo mihi maxime probatur, quod neque ita orationis ascivit ornatum, ut Bombus consuevit, qui profana quædam admiscuit, neque rursus eum totum, sicut plerique ante Bombum scriptores Pontificiarum epistolarum fecerunt; repudiavit. Medium quoddam tenuit, neque porro e sacris hinc, atque illinc petitis verbis opus quoddam contextit inconsultum, & plane alienum, sed quum prudenti meditatione orationem extuderis suam, tum illam ornamentis

mentis modicis sacrorum verborum aptissime distinguit . Itaque non sine causa accedere hunc diximus ad eam scribendi perfectionem , quam in Pontificiis epistolis quæſivimus , atque hunc maxime ad imitandum scriptori nostro proposuimus . Ceterum retinuit ille quidem latinitatis succum , qui Bembi tempore viguit , sed est paullo languidior , & , quo longius ætate processit , etiam remissior . Cœperant enim homines ab accurata illa scribendi elegantia iam deflectere , vel studio rerum novarum , vel maximi laboris tædio , vel denique humanarum rerum conversione quadam perpetua , quæ quum summum attigerunt , retro sensim labuntur . Itaque Silvius Antonianus nervoso , uti diximus , caret scribendi genere , minus ille tamen , quam posteriores , qui & nervis caruerunt , & , vitio ætatis in peius ruentis , longius etiam a forma veritatis , atque a Ciceronis regula abfuerunt ; Cuius quandiu mansit imitatio ,

tatio, tandiu perfectæ studium eloquentiæ vixit.

In hoc igitur quasi flexu eloquentiæ Pontificiarum epistolarum scriptores extiterunt Lanfrancus Margottius, Paulo Quinto Pontifici apprime carus, solers in agendo magis, quam in scribendo præstans, dilucidus tamen auctor, & quum italicè scriberet, etiam probatus: Scipio Cobellutius, bene latine scribens, Sirmondi Jesuitæ amicus, a quo per literas non inelegantes flagitat, ut homo Ecclesiasticæ antiquitatis peritissimus scribat aliquid de formulis epistolarum Pontificiarum. Decius Memmolus, qui de Templo Sanctorum quatuor Coronatorum scripsit, & poeta etiam Italicus fuit, ut ex Susanna Tragædia eius, non ita in vulgus nota, habemus cognitum: Porphirius Felicianus, quem Erithræus uberrimus laudator poetam clarissimum appellat: Gaspar Pallonius, cuius de Pauli Quinti morte oratio habet insignes iam latinæ tabescentis elo-

Lanfrancus Margottius Card.

Scipio Cobellutius Card.

Decius Memmolus.

Porphirius Felicianus.

Gaspar Pallonius.

Robertus
Ubaldi-
nus.

eloquentiæ notas : Robertus Ubaldinus, Leonis Undecimi sororis F., quem sapientem hominem, & tectum fuisse ferunt, & in culus epistolis gravitas summa, & Pontificia quædam inest auctoritas, atque etiam elegantia, si Erythræo credimus.

Petrus
Stroz-
zius.

Leonis autem Undecimi, qui septem, & viginti dies Pontifex vixit (ut ad paullo superiorem ætatem revehar) scriptor fuit epistolarum Petrus Strozzius, quem, ne in languorem illum scribendi incideret, de quo supra diximus, ne Lazari quidem Bonamici Gentilis tui, cuius fuit auditor, disciplina prohibuit. Ego vero, inquam, Bertio nostro e Sodalitate Matris Dei, homini probo, atque in illustrandis patriæ rebus perquam diligenti, habeo gratiam, quod eo libro, quem de scriptoribus Lucensibus aggressus est scribere, Bonamicum hunc in agro Tarvisino natum, coniectura nescio qua ductus, in meam familiam inferuerit. Fuit enim maxime ex omnibus, qui

qui sua ætate floruerunt , græcis , latinisque literis eruditus; & quamquam scribendi laborem non ferret , tantum tamen nominis assequutus est, ut Patavium , ubi publice docebat , concursus ad eum , audiendi causa , ex tota Europa fierent . Quin etiam accepi Clementem Septimum per Legatum suum Hieronymum Aleandrum egisse , cum Venetis , ad se ut Bonamicum venire sinerent , cuius in scribendo opera uteretur , idque præcise negatum esse ab Andrea Grittiò Reipublicæ Principe ; quum responderet , Venetam Rempublicam hominum excellentium , qualis Bonamicus esset , opera uti malle , quam aliis quibuscunque concedere . Me certe nominis similitudine adductum non negaverim paulo libentius latinis literis studuisse , si possem Gentilis , ut tu ais , mei elegantiam , & copiam aliquantulum assequi . Posse arbitror , ille inquit . Sed Petrus Strozzius a Præceptore suo plurimum absuit scribendi puritate , &

vi;

vi; cognitione tamen linguarum, & Peripateticæ Philosophiæ studio va-
luit (nondum enim regnare Aristoteles
desierat) Eius est etiam industria lau-
data, quum Ecclesiam Caldæorum ad
Romani Pontificis obsequium tradu-
xit; epistolamque in eam rem scripsit
gravem, atque Ecclesiastice eruditam.
Neque tamen obtrectantium Romæ
invidiam effugere potuit, coactus in
Etruriam se se ad Cosmum Medicem
conferre, a quo perhumaniter exce-
ptus est.

Erat etiam a philosophia, ab histo-
ria, a peritia rerum Ecclesiasticarum

 Joannes
Baptista
Agucchia.

 instructus Ioannes Baptista Agucchia
Bononiensis, qui Gregorii Decimi
quinti Pontificis epistolas scripsit; ne-
que fuit ceterorum sui temporis in-
scribendo dissimilis.

Iam vero increbuerat consuetudo
scribendi valde vitiosa, quæ totam
immutaverat latinæ formam eloquen-
tiæ. A Iusto autem Lipsio maxime
fluxerat, qui studio stoicæ disciplinæ
Sene-

Senecam mirifice adamarat , eius sequutus non tam doctrinæ severitatem immodicam , quam affectatum quoddam , & infractum orationis genus .

Lipsii vero subito plures imitatores extiterunt fama hominis , & rei novitate commoti , eoque ipso , quem imitabantur , multo , ut fit , vitiosiores. Inde incredibiles argutiæ , atque ineptissimæ , & immutatione literæ quæsitæ identidem pueriles venustates : inde turgens , atque inflata oratio , in qua multa erat luxuries verborum , nulla sententiarum gravitas .

Atque huiusmodi scribendi, sentiendique (ut ita loquar) insania , quæ Urbani Octavi Pontificis tempore in latinæ literas incubuit, expertes omnino fere fuissent epistolæ Pontificum Romanorum , nisi earum pervertere maiestatem furiosa quadam loquacitate ausus esset Ioannes Ciampolus, scriptor ventosissimus . Unde enim illud , quod in epistola quadam Pontificias execrationes *Tonitrua Vaticani* appellat ? Po-

Ioannes
Ciampo-
lus .

tuit quicquam dici vitiosius , insanius? Atqui omnia eius hisce sunt verborum, sententiarumque portentis cumulata . Neque ab hoc scribendi genere . (est enim animi index oratio) discrepabant hominis mores immoderati , arrogantes . Itaque quum neque ingegium ei deesset , neque Urbani gratia Pontificis, qui poeticis studiis delectabatur , non diu tamen iactare se potuit . Nam nimia dicacitate gravis omnibus , ipsique Pontifici factus invisus, per causam honoris in Picanos ablegatus est .

Franciscus
Herrera .

Decius
Azzolinus
Card.

Franciscus deinde Herrera Ligur eodem Urbano Pontifice , & inferioris ætatis proximus Decius Azzolinus Picenus saniores fuerunt , & antiquorum similes , eoque magis sunt mirabiles , quod in tanta , qua de loquutisumus , perversitate studiorum , longissime tamen ipsi a talibus deliciis , vel potius ineptiis abfuerunt . Alter placidus , ut erat moribus , fuit oratione , & elegantior est . Alter callidior

dior in illo scribendi genere elaboravit, quod est prudens, acutum, atque aulæ accommodatius; itaque plus & honoris habuit, & gratiæ, atque in senatum lectus illustrem tenuit locum.

His duobus interiecti fuerunt Iulius Rospiliosius Pistoriensis, cuius poetica scripta, quia genus habebant artificii, & locutionis temporibus illis, atque hominibus gratum, laudata admodum sunt; & uberius etiam, quum Pontifex fuit: Gaspar Simeonius Aquilanus, qui bene ea ætate scribere putabatur: multa certe scripsit, & homo erat non vulgaris doctrinæ, atque eruditionis: Franciscus Nerlius iuris civilis intelligens, sed scriptor tenuis, & latinæ elegantix non particeps, non expers. Atque hi, quamquam alius alio doctior, omnes tamen sui temporis quasi fuco illiti, iidemque ad Pontificias epistolas traducti non copiosi, non varii sunt, ut eadem omnes, eodemque efferre modo videantur.

Clemens
Nonus
Pont.

Franciscus
Nerlius
Card.

Natalis
Rondini-
nius.

tur . Natalis autem Rondinini , qui
Alexandri Septimi epistolas scripsit ,
& studia , & spes immatura nimium
mors interceptit . Qui si diutius vixis-
set , detraxisset ille quidem de iuvenili
illa ingenii licentia , quæ in eius ver-
sibus effervescit , sed haud scio , an
aliquid etiam vitii ad pravam eorum
temporum consuetudinem scribendi
adiiecisset . Nam Marius Spinula , qui
Clementi Decimo , Innocentio Unde-
cimo , Alexandro Octavo , & Inno-
centio etiam Duodecimo Pontificibus
diuturnam in conscribendis epistolis
operam præbuit , neque clari est no-
minis , neque ignoti , & satis ei videtur
fuisse non pessime scribere .

Marius
Spinula .

At Spinulæ huius tempore maxime
illud insigne accidit , quod Innocen-
tius Undecimus scriptorum horum
Collegium antiquissimum sustulit . Ne-
que iam reprehendo , quod præmium
olim eruditionis , & doctrinæ ad quæ-
stum hominum imperitorum transla-
tum noluerit esse Pontifex sapientissi-
mus ;

mus; illud queror, sublata nundinatione, cum ea simul & Collegium, & quod in retinendo Collegio boni fuisset, sublatum esse. Nam si res eo meliore statu, quo coeperat, stetit, pateret, ut vestris, Forti, Iurisconsultis, qui Collegium habetis amplissimum Consistorialium Advocatorum, studiosis item bonarum artium suum veluti curriculum, & præmium esset aliquod latinæ eloquentiæ. Quo iam erepto, & latinis propterea literis iacentibus, ipsa etiam nostræ imminuta videntur esse præsidia Reipublicæ.

Idem vero Innocentius reliquos esse duos voluit, quorum alter Pontificis Maximi nomine scriberet ad Reges, & Principes, eoque, quo nos, munere fungeretur, alter diplomata curaret, quibus, ut supra significavimus, consignantur beneficia Pontificum Romanorum. Horum autem diplomatum officio gravissimo præest nunc summa cum laude noster, Furi-

ti, amicissimus Cardinalis Dominicus
Passionæus, excellenti vir ingenio,
& exquisita quum librorum, tum eru-
ditionis copia abundans, qui legatio-
nibus obitis, rebusque gestis magno
sæpe fuit, & est usui Reipublicæ.

Ulysses
Gozzadi-
nius Card.

Sed, ut reliquos, qui iam paucis-
mi restant, persequar, Ulysses Goz-
zadinus Bononiensis, quem, Romam
quum nos venissemus, Pontificis In-
nocentii Duodecimi scribentem epi-
stolas cognovimus, studiis deditus
amœnioribus, & latinæ non ignarus
eloquentiæ fuit; ita tamen, ut ine-
ptam illam, & perversam scribendi ra-
tionem (resipiscere enim iam homines
incipiebant) abiicere velle potius,
quam posse videretur. Multis tamen
probabatur; at mihi, qui Hadrianum
Belgam, scriptorem latinum elegan-
tem, & eloquentiæ magistrum non
ignobilem Pisis audieram, omnino
placere non poterat. Hadrianus enim
mihi auctor fuit, ut, si speratam lati-
ne scribendi gloriam consequi vellem
Cice-

Ciceronem maxime sequeretur, neque ad ineptias abirem, quibus erat adhuc ætas infecta. Huius igitur hortatione excitatus, præceptisque imbutus, non, Romæ quum essem, quod Pisus acceperam, quantumcumque erat, augere desisti lectione, & stylo. Græca cum latinis coniunxi, utque Demosthenis vim, & fulmina in dicendo penitus cognoscerem, ea causâ mihi aliquot eius orationes latine reddendi fuit. Neque his contentus applicavi me ad amicitiam, & familiaritatem doctorum hominum, qui tum in Urbe florebant, & sanioris eloquentiæ disciplinam revocare se profitebantur. His autem domum suam, veluti musarum diversorium quoddam patefecerat iam Christina Svecorum Regina, celebrata carminibus omnium poetarum. Erat interim Arcadum Coetus institutus, & magna inde orta, æmulatio studiorum optimorum, creatusque Pontifex Clemens Undecimus magnum pulcherrimis artibus lumen, magnum præsidium attulerat. Ipse

enim doctus non poterat non fovere in aliis, quod sensu gustarat suo. Loquor, ut opinor : sed licet ex epistolis iudicare, atque orationibus etiam, quas, renovato veterum Pontificum instituto, habebat ad Populum. Quantum in his ornate, atque Ecclesiasticæ dictionis quantum gravitatis, atque prudentiæ Utebatur ille quidem (nam Gozzadinum Cardinalem fecerat) opera Christophori Battellii, sed scribebat ipse multum. Battellius autem Ecclesiasticarum rerum peritus, non erat ad latine scribendum imparatus. Cuius industria magis etiam tum & probata, & desiderata est, quum illum Innocentius Decimus tertius, mortuo Clemente Undecimo, Pontifex factus a Pontificiis conscribendis epistolis amovit, eique rei Mattheum Scallionium præfecit, ignotum hominem, & repentinum, neque, quod ad rem pertinet, suspicantem, quale esset ornate, & latine scribere. Igitur in huius locum a Benedicto Decimo tertio, qui
Inno-

Christo-
phorus Bat-
tellius.

Mattheus
Scallio-
nius.

Innocentio successerat , Carolus Majella Neapolitanus suffectus est .

Quid hunc censes? inquit *Furietius*, quem a multis audio laudari tam magnifice? At ego addo etiam vere , inquit ille. Neque enim is sum, qui, quod eius fuerim in glorioso labore successor, ideo quicquam de præstantis viri laude tam recenti detractum velim . Et sane fuit eruditissimus græcis literis, & latinis , Ecclesiasticæque disciplinæ valde peritus ; ingenio autem tanto , ut iam adolescens cum excellentibus scriptoribus latinis compararetur . Edidit enim nonnulla , inque his Commentarium prudentem , atque elegantem de seditione quadam Neapoli infœlici consilio a Gambacurtio homine nobilissimo concitata . Itaque quum celebratum nomen eius esset , & propugnator præterea haberetur Ecclesiasticæ libertatis , pro qua scripserat quædam accurate , intelligenter , & polite etiam , quantum rei natura patiebatur , Romamque Clementis Undecimi

Carolus
Maiella
Neapolitanus .

decimi invitatur, arcessituque venisset, magna erat apud omnes existimatione doctrinæ; præsertim quam vita, mores, vultus denique ad gravitatem quandam compositus augeret. Non mirum igitur, si eum Benedictus Tertius decimus statim ab initio Pontificatus ad epistolas conscribendas suas adhibere voluerit. Cui certe muneri satisfecit ille præclare. Rem enim prudenter videbat: omnia fere ad confirmandum argumenta hauriebat e sacris literis; eaque non humili sermone affligebat, neque indiligenter composito, sed oratione sustentabat, quæ rotunda erat, splendida, & perfacile currens; neque aberat gravitas, succus, vis. Sunt, qui maiorem in verbis latinitatis diligentiam requirant. Multa enim neglecta, sive potius consilio quodam adhibita, quod iis serviret, quibus nulla satis Ecclesiastica videtur oratio, nisi eadem barbara, & abiecta sit. Quin etiam memini, quum diceret, sibi quondam vitio datum esse ab uno quodam
ex

ex Aulæ primoribus , quod nimis latine scriberet , neque verbis uteretur interdum paullo negligentioribus ; quasi aut in recte scribendo quicquam nimium , aut ulla in re ulla possit esse negligentia laudabilis . Ceterum laudari nunquam satis eius epistolæ possunt , illæ potissimum , quæ Benedicti Decimi tertii nomine in ancipiti , ac lubrico negotio datæ sunt ad Cardinalem Noallensem , ut monerent hominem , atque hortarentur , in Pontificiam legem ut iuraret aliquando , neve diutius ea de re deliberaret , cuius turpis esset , atque indigna Episcopo , & Cardinali præsertim admodum sene deliberatio . Haberet rationem existimationis suæ , ne tam turpiter in extremo vitæ actu corrueret : Haberet salutis , quæ , Divina adventante animadversione , in propinquum esset adducta discrimen : Denique si non se , gregem respiceret suum , cui noceret exemplo magis , quam peccato . Ita fracta est senis octoginta annos nati pertina-

cia (tot enim annos Noallius habebat) eaque res eo gratior Benedicto Sanctissimo Pontifici accidit, quo difficilior, & vix speranda videbatur.

Hoc autem tempore omni, quo Maiella floruit, totus ego eram in literis; historiamque mei temporis latine scribebam, cuius primam iam partem perfeceram, tertioque decimo Benedicto inscriptam edideram; atque alteram, eo mortuo, quum absolvissem, Clementi Duodecimo Principi magnificentissimo obtuleram. Latino autem sermone libenter utebar, non solum illustriora ut essent apud omnes gentes, omnemque posteritatis memoriam, quæ literarum monumentis mandare institueram, sed ut exemplo meo, si tantum possem, excitarem etiam industriam nostrorum hominum, ut in eo scribendi genere elaborarent, quod ipsis magnificum, Ecclesiæque Romanæ gloriosum, atque utile videbam fore. Quum igitur opus acri urgerem animo, repente alio me

Ioannes
Vincentius
Luchefini-
us Lucenf.

me advocat gravis Maiellæ casus, & data mihi nova scribendi provincia. Ille enim subito morbi genere affectus Neapolim, ubi deinceps mortem obiit, conferre se se, susceptumque deferere munus coactus est. Ego autem nihil tale cogitans, quum alii peterent, gratiaque, & precibus pugnarent, ad Pontificias conscribendas epistolas vocatus sum. Itaque nostra in hoc cura, & cogitatio pœnenda fuit, & tantum historiæ relinquendum, quantum vacat ab officio. Etsi vero totum adhuc historiæ corpus perficere ea de causa non potuimus, tertiam tamen partem, subcessivis illis horis absolutam, emittere non negleximus, ut publicum quasi testimonium extaret grati animi mei erga Cardinalem Nerium Corsinium. Ipse enim Patruo Pontifici gravissimus auctor fuerat ad me ornandum, dignus profecto, qui non solum mea, sed omnium etiam testificatione celebretur, quum homo sit in amplissima fortuna

tuna moderatus , & probus , quod perraro evenit , & sine ulla ostentatione liberalitatis sane liberalis .

Nunc autem ne , qui visus fortasse sum nimis diligenter in aliena inquirere , mea ipse dissimulem , aperire ea vobis , amicissimi homines , non dubitabo , quæ in me ipso , quum ad Pontificias conscribendas epistolas accessi , desiderari posse intellexi . Eram ego ob assiduam historiæ tractationem , in qua mihi Thucydidem ad imitandum proposueram , genere imbutus scribendi aspero , & compresso , & tandem eiusmodi , quo uti ad epistolas nullo modo debeas . Sacrarum etiam literarum studium , a prima mihi ætate cultum , aliis rebus occupatus aliquantum remisera , minusque propterea facile occurrebant , quæ duccenda nobis ab illis sunt . Quid feci igitur ? omnibus posthabitis , Ciceroni me totum tradidi , eiusque præsertim epistolas ad Lentulum , Appium , Metellum , ceterosque Romanæ Principes

cipes Civitatis lectitabam ; eodemque tempore , Theologiæ studio acerrime renovato , in sacrorum librorum meditatione commorabar attentius . Ita & genus arripiebam orationis grave , perspicuum , sedatum , quod in Ciceronianis illis epistolis dominatur , nostræque est scriptioni maxime aptum , & onerabam , complebamque pectus rerum copia sanctissimarum , unde Pontificiæ ali epistolæ , atque illuminari debent . Nam quæ ad Reipublicæ scientiam pertinent , ea mihi græcis cognitis , latinisque historicis , satis videbar habere perspecta . Quibus in rebus quantum profecerim , illorum erit iudicium , qui mea legent . Certe nunquam sum in pulcherrima exercitatione defatigatus , neque me ætas , quam videtis , neque ambitio , cui nunquam servivi , ab optimis studiis avellere potuit . Facta etiam videtur esse labori meo maior accessio , Pontifex quum est nobis divinitus datus
BENEDICTUS Quartus decimus. Recte

cte enim intelligo ei me Pontifici operam navare, qui ita doctus est, ut plura ipse scripserit, quam alii legerint, ita sapiens, ut de aliorum scriptis vel subito possit, optimeque iudicare. Cuius quidem etiam si humanitatem, prope divinam amare debeo, tamen non possum non vereri exquisitum, intelligentisque iudicium. Sed huic tam docto, tamque sapienti Pontifici si omnino satisfacere me posse sperarem, non diffiderem equidem illam assequi scribendi perfectionem: ad quam, quum multi, quos nominavimus, doctissimi suæ quisque ætatis aspirarint, pauci accefferint, nemo adhuc pervenerit, desperanda mihi profecto est gloria tam excellens, & singularis. Unum hoc nobis satis erit, si, quod longo sermone investigavimus, cognosci, atque existimari possit, qualis esse debeat perfectus Pontificiarum scriptor epistolarum.

Quæ quum esset Luchefinius loquutus, veniamque a Furiettio, & Fortio,

145

tio petisset , quod nimia illos , & senili (ut ipse aiebat) loquacitate detinisset , inclinato iam in vespertinum tempus die , omnes surreximus . Et nos quidem , Ego , & Lucchesinius in villa (ibi enim diversabamur) remansimus : Illi autem ita discesserunt , ut vehementer se gavisos esse dicerent , quod tam variæ , tamque reconditæ eruditionis participes essent facti .



K

Quod



MONITUM.

Quod natura Dialogi minime patiebatur, ut de claris Pontificiarum Epistolarum Scriptoribus, nisi cursim, loqueremur, ideo optimum factum visum est, si diligentiorē quādam eorum descriptionem afferamus: & præterea, quo res esset explicatior, in extrema pagina eorundem seriem ad Pontifices illos referamus, quorum ipsi fuerunt, uti vocant, Secretarii.



S. HIE.

S. HIERONYMUS.

D Amasi Pontificis *Secretarium* fuisse Hieronymum, plerique existimant; idque maxime conficiunt ex epistola illius II. in qua scriptum reliquit: *Ante annos plurimos quum in chartis Ecclesiasticis iuvarem Damasum Romanæ Urbis Episcopum, & Orientis, & Occidentis consultationibus responderem:* Hoc autem ad aliquam coniecturam faciendam pertinere, non ad perspicuitatem, vel evidentiam rei dicimus. Tanta enim est in scribendo dissimilitudo Hieronymi cum Damaso, ut huius illum studiorum adiutorem potius, quam scriptorem epistolarum, fuisse arguamus. *Charta* enim *Ecclesiastica* significare videntur divinas literas, quarum Hieronymum peritissimum fuisse nemo ignorat.

S. PROSPER. AQUITANUS.

Prosperum Aquitanum S. Leonis Papæ *Secretarium* fuisse nonnulli tradunt, imprimisque Gennadius de *Scriptoribus Ecclesiasticis*, qui ait: *Epistola quoque Sancti Leonis adversus Eutychem de vera Christi Incarnatione ad diversos data ab ipso dictata creduntur. Id autem potissimum de celebri illa ad Flavianum epistola solet intelligi.*

Nos autem, ut epistola illa ad Flavianum Prosperi fuisse existimetur, & fuerit, tamen omnino adduci non possumus, ut Prosperum Leonis *Secretarium* fuisse arbitremur, propter diversam utriusque rationem scribendi. Quid enim tam dissimile, quam Prosper, & Leo? Præterea Prosperum non *clericum*, sed *laicum* fuisse accepimus; ut præteritis *clericis* illum ad tantum munus a Pontifice adhibitum fuisse, vix credibile sit. Nam qui Episcopum fuisse aiunt, ii quidem vehementer

menter errant, & Prosperum Aquitanum eundem putant esse, atque alterum Prosperum Regii in Gallia Cispalpina Episcopum.

S. GREGORIUS MAGNUS.

Primus igitur, quantum opinamur, qui sine ulla controversia *Papa Secretarius* dici possit, is est Gregorius Magnus; quem Pelagius Secundus Constantinopoli, quo illum ante ad Imperatorem legaverat, revertentem voluit esse scriptorem epistolarum suarum. Atque is, mortuo Pelagio, abstractus a solitudine, in quam confugerat, factus est Pontifex, magno Romanæ Ecclesiæ bono. Vix enim Pontificem alterum invenias, qui tam multa, & tam sancte conscripserit. Sunt tamen, qui Gregorium accusent, propterea quod latinos veteres optimos auctores aboleverit, & Bibliothecam ipsam Palatinam combusserit, quo, (ut ait Ioannes Saris-

berienſis de nugis Curialium) diuine
 pagina gravior eſſet locus , & maior aucto-
 ritas , & diligentia ſtudioſior . Hæc autem
 fortaſſe opinio fluxit ab epiſtola illa ,
 qua Archiepiſcopum Viennenſem
 acriter obiurgat, quod Grammaticam
 edocens latinis Poetas *Ethnicos* inter-
 pretaretur . Quia , inquit , in uno ſe-
 cre cum Iouis laudibus Chriſti laudes non
 capiunt : & quam grave, nefandumque ſit
 Episcopis canere , quod nec laico religioſo
 conueniat , ipſe conſidera . Sed hanc ab
 eo falſam criminationem depellunt
 auctores valde boni, imprimisque Pla-
 tina in vita ipſius Gregorii , & Sabiniani,
 qui Gregorio ſueceſſit . Ioannes
 certe Diaconus , qui Gregorii æqualis
 fuit , eiſque vitam conſcripſit ,
 teſtatur eum optimis diſciplinis im-
 butum , & Pithagoricæ Philoſophiæ
 a prima ætate deditum fuiſſe : tum
 etiam doctiſſimos clericos , & latina-
 rum literarum peritos ſibi conſiliarios ,
 familiaresque delegiſſe .

IOANNES ABBAS.

Honorii primi Secretarius fuit
 Ioannes Abbas, qui epistolam
 illam ad Sergium conscripisse dicitur,
 quæ eruditorum fama celebratur. Hu-
 ius Ioannis perhonorificam mentio-
 nem facit S. Maximus in *Dialogo cum*
Antiocho: Quis fide dignus istiusmodi epi-
stola interpret? Is, qui eam ex persona
 Honorii scripsit, cum et adhuc vita su-
 perstet sit, ac qui cum aliis suis virtuti-
 bus, præclaris dogmatibus omnem Occiden-
 tem illustrat.

PETRUS BENEVENTANUS

Petrus Beneventanus (nam quod
 Paulus in dialogo appellatur, er-
 ratum fuit) Petrus, inquam, Beneven-
 tanus Diaconus, & Secretarius Papæ
 Innocentii Tercii fuisse dicitur, neque
 sane indoctus, quum ipse unus dele-
 ctus a Romanis fuerit, qui eiusdem

Pontificis epistolas colligeret, atque Bernardo Compostellano Collectionem ipsam adornanti opponeretur. Nolebant enim tum Italia Transalpina hominibus vinci studio, & gloriæ doctrinæ.

RICARDUS POSIANUS.

IN Chisiana exquisitissima Bibliotheca extat perantiquus codex epistolarum Papæ Innocentii Quarti, quas Magistrum Ricardum Posianum *Secretarium* ipsius conscripsisse apparet. Et quidem perhonorifica *Magistri* appellatio hominem etiam doctum fuisse declarat; eo præsertim tempore, quo non ita vulgo tribui solebat.

MARINUS EBULENSIS.

Marinus Ebulensis *Secretarius* Gregorii Papæ Decimi fuit. Hoc facile intelligitur ex *Formulario* illo MS. quod in Vaticana Bibliotheca adser-

153

adſervatur, & quod toties citatur a
Rainaldo ad an. MCCLXXIV. n. v. ad
ann. MCCLVI. n. XVIII. XXVIII.

THOMAS CAMPANUS.

Eodem fere tempore *Secretarium*
Pontificium fuiſſe Thomam quen-
dam Campanum percipi poteſt ex ip-
ſius *Forma dictaminis*, quæ ms. in Biblio-
theca Ottoboniana extat. Huiusce rei
aliarumque plurimarum notitiam ad
me attulit amicus meus (quem hono-
ris, & grati animi cauſſa nomino) Con-
ſtantine Ruggerius, Bibliothecæ Re-
nati Imperiali Cardinalis Præſectus,
vir, in quo mira ſane eruditio, mira
antiquitatis memoria, &, quod ego
pluris quidem facio, mirus candor
animi, atque morum.

FRANCISCUS BRUNUS.

Hic eſt Franciſcus ille Brunus
rethor Florentinus, ad quem
Petrarcha Epistoſas conſcribit qua-
tuor,

tuor, in quibus eum appellat *honorabilem*, *insignem*, *egregium*. Atque hunc Romam Urbanus Quiatus evocavit, sibi ut esset ab epistolis: quod ex epistola potissimum constat Lini Colutii Salutati, in qua legimus: *De illo enim, Urbano Quinto scilicet, qui Te de Patria omnium admiratione vocavit ad sua secreta, de conjugali toro præter consuetum elegit, totque cumulatis honoribus exornavit.* Aliæ extant eiusdem Salutati epistolæ ad Franciscum inscriptæ *Summi Pontificis Secretarium*. Neque vero Urbani Quinti solum, sed & Gregorii Undecimi, & Urbani Sexti scriptor epistolarum fuit, quum an. mcccclxxx. ut apparet ex historia, ei adhuc muneris, atque officio præficeret. Male Nigerrus de Scriptoribus Florentinis eundem putat esse, atque Leonardum Brunum, de quo infra dicendum est.

COLUTIUS SALUTATUS.

Colutius Salutatus Petri Fr. Pisciensis Orator, & Poeta latinus, Pontificum Innocentii Sexti, Urbani Quinti, Gregorii Undecimi, ac demum Reipublicæ Florentinæ *Secretarius* fuit. Eius vitam quam diligentissime conscripsit Mehus homo antiquitatis valde peritus, qui libros etiam illius omnes recenset. Poggius Colutium parentem doctorum omnium appellat, propterea quod inter primos fuisse dicitur, qui latinas literas quasi ab interitu revocavit. Mortuus Florentinæ est an. mcccclv. eumque Leonardus Arctinus in funere publice laudavit.

THEODORICUS NIEMUS.

Theodoricus Niemus in Westphalia natus, Ecclesiæ Lucanæ Clericus, scriptor fuit Pontificiarum epistola.

stolarum an. MCCCCLXXII. vel , quæ aliorum opinio est , mortuo iam Gregorio Undecimo : Is autem mortuus est an. MCCCCLXXVIII. Scripsit de schismate inter Urbanum Sextum , & Clementem septimum Antipapam ; quod opus triginta & octo annorum historiam complectitur ; hoc est ab anno MCCCCLXXVIII. ad annum usque MCCCCX.

Vitam etiam Ioannis Vicesimi tertii Papæ conscripsit , aliaque plura *de potestate Imperiali & Papali ; de Reformatione Romana Curia : Exhortationem ad Rupertum Regem Romanorum , ut excitatus a somno diuturno , schisma Pontificum in Ecclesia extirpet , & Imperii iura reformet.* Laudatur , quod veritatis studium præseferens , rem aperte , ac simpliciter narret ; sed , ut Horatius ait , *est modus in rebus* . Ipse quidem certe adversus Romanam Ecclesiam non dissimulat virus acerbitalis suæ .

IOANNES BONONIENSIS.

DE hoc Ioanne Bononienſi nulla in Dialogo mentio; propterea quod quid hominis fuerit, invenire nunquam potui; ſed *Secretarium* Bonifacii Noni fuiſſe conſtat ex duplici *Inſtrumento*, quod habetur in Codice Bibliothecæ Vaticanæ, ubi ita ſcriptum eſt: *In regione Parionis in domo habitationis egregii viri, atque venerabilis Domini Ioannis de Bononia Secretarii D.N. Papa &c. die xi. Auguſti mccc. i. Alia multorum eiufmodi inania nomina in Dialogo prætereunda exiſtimavimus.*

POGGIUS BRACCIOLINUS.

POggius Bracciolinus, Florentinus dictus, ſed in agro Aretino natus an. D. mccc. lxxx. quum Florentiæ latinæ literas a Ioanne Ravennate, græcas ab Emmanuele Chryſolora didiciſſet, Romam venit, multorumque Pontificum, hoc eſt, Innocentii Septimi, Gregorii

gorii Duodecimi , Alexandri Quinti ,
 Ioannis Vicesimi tertii , Martini Quin-
 ti , Eugenii Quarti , Nicolai Quinti
 Epistolas conscripsit . Id enim mune-
 ris XL. ipsos annos, multa sua cum lau-
 de exercuit . Quum fere octoginta vi-
 xisset annos Florentiæ , quo admo-
 dum senex , factus Reipublicæ *Secre-*
tarius , venerat an. Dom. MCCCCLIX.
 mortuus est , Bene de literis meruisse
 dicitur , quod Tertulliani , Quintilia-
 ni , Asconii Pediani , Lucretii , Sili
 Italici , Ammiani Marcellini , Mani-
 lii , Probi , Frontini , aliorumque
 scriptorum libros invenisse primus exi-
 stimatur . Sed & ipse non omnino ine-
 legans scriptor fuit , de quo tamen
 Erasmi iudicium in Dialogo illo , qui
 Ciceronianus inscribitur , est eiusmodi :
Natura satis erat , artis & eruditio-
nis non ita multum ; interim impuro ser-
monis fluxu ; si Laurentio Valla credimus .
 Multa vertit e græco , multa etiam ipse
 scripsit , imprimisque Historiam Flo-
 rentinam , sed ambitiosius , quam unius
 veri-

veritatis cultorem Historicum deceat;
de quo est pulcherrimum illud Sanna-
zarii .

*Dum Patriam laudat , damnat dum
Poggius hostem*

*Nec malus est civis , nec bonus hi-
storicus .*

LEONARDUS ARETINUS .

Leonardus Brunus Francisci F. quod
Aretii an. D. mcccclxx. natus est.
Aretinus dictus , Romam quum venis-
set , ab Innocentio Septimo factus est
Pontificiarum Magister Epistolarum ,
ut ait Volaterranus l. 21. Quod munus
exercuit etiam Joanne vicesimo tertio
Pontifice , quem ille Constantiam us-
que ad Concilium prosequutus est .
Sed huius Pontificatum inclinatum , ac
prope iacentem quum vidisset , ad Flo-
rentinos sese contulit , a quibus Rei-
publicæ *Secretarius* factus est , Mor-
tuus Florentiæ est an. D. mccccliii .
vixit annos lxxiv. sepultusque est in
Tem-

Templo Sanctæ Crucis, ubi hoc ipſius
ſepulchro Elogium incifum eſt :

*Poſtquam Leonardus e vita migravit
Hiſtoria lūget , eloquentia muta eſt :*

*Ferturque muſaſtum gracaſtum latinaſ,
Lachrymas tenere non potuiſſe .*

Multa ſcripſit volumina epiſtolarum ,
quarum unam afferendam exiſtimavi-
mus , quæ eſt de controverſia orta in-
ter Collegium Secretariorum Apoſtolico-
rum , & Collegium Advocatorum Conſi-
ſtorialium , de qua Epiſtola in Dialogo
mentionem fecimus .

LEONARDUS PAPÆ . S.

NOVAM litem , Beatiffime Pater ,
Secretariis Beatitudinis tuæ per Ad-
vocatos Conſiſtoriales moveri audio in pro-
greſſione , pompæque ſolemni de coheren-
tia Pontificis contendentes . Ego igitur
tanquam clamore excitus accurro , ac lo-
cum defendere meum pro virili propero ,
rationes colligens , qua pro juſticia noſtra
contra

a Martino V. exſtat in Codd. mſſ.

contra illorum injuriam facere videntur .
 Primum igitur incipiam ab eo , quod ob-
 servatum conspexi . Memini me quidem
 tribus coronationibus Romanorum Pontifi-
 cum interfuisse , Gregorii , Alexandri ,
 Joannis . In quibus omnibus Advocati no-
 bis praere jussi sunt , quoniam in rema-
 nendo honos habebatur . Idem quoque ce-
 teris progressionibus servatum vidi . Quam-
 obrem magnopere quidem admiror , cum
 mos , & consuetudo haecenus ita fuerit ,
 quid nunc novi impellat ad illa tractanda .
 Neque enim illud ut credam adduci possum ,
 eos scilicet moveri , quod Secretariorum ,
 qui nunc sunt , personas contemnant . Ha-
 bet enim , quod sine arrogantia dictum ve-
 lim , officium hoc excellentissimos quos-
 dam viros , & scientia , & doctrina , &
 eloquentia praestantes ; de quibus etiam
 gloriari Sedes Romana possit , qui non
 recusabunt , si contemni se sentiant , in
 comparationem illorum devenire . Enim-
 vero personas Secretariorum nequaquam
 contemnunt , sed officii dignitate se pra-
 ferendos autumant , & de hoc uno controver-

fia est, non de scientia, nec de virtute ho-
 minum, sed de officiorum prestantia, at-
 que dignitate. Si ergo officiorum ipsorum
 inter se comparatio quædam, & quasi con-
 tentio facienda est, & utrum eorum sit
 dignius, quod Pontifici adhareat, qua-
 rendum, idque unum in iudicium venit.
 redeo ad id, quod primo loco posui. ut
 & consuetudine jampridem receptum esse,
 ut Secretarii preferantur, quod nec sine
 causa probabili factum existimare debemus.
 Deinde si omissa consuetudine officia per se
 considerare velimus, reperimus Secreta-
 rios de sui natura Pontifici adherere, Ad-
 vocatos autem longe disjunctos esse. Ne-
 que enim latere nos debet, quia Secretarii,
 Pontificis sunt Secretarii, Advocati au-
 tem non Pontificis sunt, sed litigantium
 Advocati. Atqui id permagnam quid-
 dam est, & quasi totum in presenti iudi-
 cio. Nam cuius quisque est, ei natura
 cohereat necesse est. Apparet autem Secre-
 tarios Pontificis esse, Advocatos vero li-
 tigantium, ex quo fit, ut alter sum Pont-
 ifici revera sit, alter extraneus, & im-
 per-

pertinens . Veritas ergo ipsa subtiliter in-
 tuenti ostendit , Secretarios e sinu quodam-
 modo Pontificis esse , illique velut mem-
 brum inhaerere ; Advocatos vero longe dis-
 junctos esse . Ego igitur in pompa progres-
 suque solemnium eum , cuius Secretarius sum ,
 Pontificem sequor , eique , ut ratio dicitur ,
 inhaereo ; tu vero eps , quorum es Advocatus ,
 litigantes sequare , illisque inhaereas ;
 qui cum nullum omnino locum in solemnium
 progressu obtineant , nec tu forsitan , si recte
 iudicatur , obtinere debes , & tecum bene
 agi putare , si non omnino repellaris . Me-
 dium autem interponere te inter Pontifi-
 cem , & Secretarios suos , nec rationabile
 sane , nec tolerabile est . Vis igitur , & na-
 tura utriusque officii alterum inherere ,
 alterum disjunctum esse ostendit . Quid
 autem nomina ? nonne hoc idem probant ?
 Et quis non videt Secretarii nomen pene-
 ralem quandam cognitionem rerum Pon-
 tificis dicere , maximeque conjunctam , &
 coherentem designare personam ? Advocati
 autem nomen longinquum hominem ,
 alienumque significat . Cum enim tres in

judicio persona necessario versentur Index, actor, & reus, horum nullus est Advocatus, sed est alienus quidam ab actore vel reo mercede conductus ad litigandum, qui, quod ab alio, cujus lis erat, vocatur, Advocatus appellatus est. Qua igitur huic homini conjunctio sit cum Pontifice, qui ad rem alienam, & privatam non a Pontifice adhibetur, sed a litigatore conducitur, cuius etiam munus hoc postulat, ut longinquo clamore Pontificem alloquatur, secreto autem affari suspiciosum sit. Quid ergo est aliud confundere ordines, perturbare officiorum munera, deicere a capite membra, quam postulare, ut Secretarii procul a Pontifice submoveantur? Advocati autem in propinquo consistant, ut quibus secreto loqui expediat, in longinquo sint, quibus clamore uti conveniat, hi lateri cohæreant? At dignitate praestabilius est Advocatorum officium. Immo nec Secretariorum dignitati par. Sic enim cogita: res curiae, ut mihi videtur, bifariam dividuntur, in litigiosas scilicet, & quietas. Cumque de sui natura quie-

quieta sint res litigiosis præferenda, litigamus enim, ut quietem nanciscamur, Advocatorum officium in his rebus versatur, quæ molestias, & lites, & odia continent: ex his enim pabulum querit, & quasi alitur Advocatorum opera. Secretariorum vero in pacatis, tranquillisque rebus magis versatur, quæ procul dubio litigiosis sunt digniores. Est igitur ratione subiecti Secretariorum officium dignius, ac præstabilius. Præterea lites omnes odibiles sunt, partibus tamen nonnunquam necessaria, Advocatis vero nunquam. Ex quo fit, ut sponte lites & odia sectari videantur, quod nec honestum sane, nec gloriosum est. Quod si Decretales epistolas, & Rescripta Pontificum Advocati allegent, & quod in illis cognoscendis, interpretandisque versentur, ideo se præferendos putent; meminertint quæso Decretales illas, atque Rescripta Secretariorum dictata esse, atque composita. Quæ enim tu, Advocate, legis, quæ interpretaris, ex quibus argumenta detorques, quorum sententiam admiraris, ea, inquam, verba omnia Se-

cretariorum sunt . De nostris vos manibus
 fundamenta ipsa officii vestri percepistis ,
 nos vero nihil a vobis percepimus . Utrum
 igitur officium dignitate præcellit ? Id ne,
 quod tradit alteri , atque præscribit ? An
 id , quod suscipit , atque observat ? Insu-
 per id officium dignius est existimandum ,
 quod cum majori congruit dignitate . Se-
 cretariatus autem officium cum Episcopalis
 dignitate concurrat , nec eam dedecere vi-
 detur . Fecerunt jampridem profectio &
 alii permulti , sed nostra ætate Franciscus
 Arretinus Episcopus , & Bartholomæus
 Cremonensis , & postquam Episcopi facti
 sunt , in officio Secretariatus persevera-
 runt . Advocacionis autem officium Epis-
 copalis dignitas despiciat , atque abhorret ,
 nec decere Episcopum ullo modo videtur .
 An igitur dubium est , quin Secretariatus
 officium & honestius , & dignius sit existi-
 mandum , cum Episcopalis excellentia ,
 qua maxima est , hoc non dedignetur , il-
 lud despiciat ? Diximus de præstantia di-
 gnitatis , qua præcui dubio præcellere Se-
 cretarios docuimus : nunc autem de com-
 modi-

moditate pauca dicenda sunt. Equidem
 sic existimo, multa interdum ita constituta
 fuisse, ut ad commoditatem haberetur
 respectus. Neque enim possunt res agende
 prefertim ingentes, & multe, nisi censis
 commoditatibus expediri. Est aliquis, qui
 secreta Pontificis excipere debeat? hic pro-
 pinquus adsit, vultum ejus intueatur,
 nec verba modo, sed nutum etiam presto-
 betur. Est aliquis, qui pro litigatoribus
 proponere, ac loqui ad Pontificem palam
 debeat? hic inter litigatores suos consistat,
 ab his rem crebro audiat, atque doceat-
 ur, neque Pontifici hereat, cum eius
 coherentia inutilis sit, & alias impediat,
 qui utiles esse possunt. Hac dispositio, at-
 que hic ordo in rebus constituendis semper
 valuit plurimum, & valere debet. Vido-
 mus Novarios Papa antiqua consuetudi-
 ne hoc uno respectu Episcopis esse prela-
 tos: non enim dignitate, ut antecessores
 Episcopos receptum est, sed commoditate,
 quod hi sacros Pontificis affatus excipere,
 illiusque jussa mandare lictis solerent,
 unde Novarios appellatos constat. Si ergo

horum officium, ut videmus, obsolevit; nihilque præter nomen inane illis relictum est; Secretarii autem illorum vicem subierunt, eaque apud Pontificem gerunt, qua ab illis gerebantur; eadem patientia ferant Advocati, Secretarios sibi honore anteferri, qua Episcopi Notarios dudum antelatos sibi pertulere, præsertim cum Episcopalis Ordo dignitate longe superet Notarios, Advocati autem dignitate non superent Secretarios, immo nec pares illis sint, & commoditatis ratione, ut probavimus, superentur.

BARTHOLOMÆUS CAPRA.

Bartholomæus Capra Mediolanensis Secretarius fuit Innocentii septimi, a quo Episcopatu Cremonensi xvi. Kal. Augusti anni D. mccccv. auctus est. Sed hoc Episcopatu illum privavit Ioannes vicesimus tertius, quod in tanta partium contentione Gregorio duodecimo favisse existimabatur. Qua tamen suspitione depolita

ta, Ioannes Pontifex Bartholomæum
 Archiepiscopum Mediolanensem crea-
 vit. Orator habitus est, & Postea eo tem-
 pore sat. bonus. Quæ autem multa
 egit prudenter in Concilio Constan-
 tiensi leguntur in Ughellio. Mortuus
 est Basileæ ann. D. mccccxxxiii. sive,
 quæ aliorum opinio est, mccccxxv.
 In ejus Epitaphio hi versiculi sunt.

*Vir rectus præerat populis, & jura
 ferebat*

*Divæ huic mens, divum iudicium
 quæ fuit.*

*Oratorque suo, vatesque insignis in ævo
 Insigni doctus auxit honore viros.*

*Extinctum hunc magni Reges flevēre,
 ducesque:*

Testata est fletus Patria mœsta suos.

DOMINICUS CARDINALIS CAPRANICA.

Dominicus Capranica, Romæ sum-
 mo genere natus, Patavii primum,
 deinde Bononiæ ab eximiis Præcepto-
 ribus

ribus eruditus fuit. A Martino Quinto factus est *Camera Clericus*, & postea ascitus in numerum *Secretariorum Apostolicorum*. Quibus honoribus condecoratus fuerit, quas legationes obiverit, quæ prudenter egerit, quæ fortiter tulerit, Giacconius tom. 2. alii-que tradunt. Quæ ad rem nostram pertinent, hæc sunt: hominem eruditum fuisse, ac Historicorum, & Poetarum omnium lectione ita esse delectatum, ut nemo magis. Scripsit aliqua pie, neque ineleganter: scilicet
Introductorium de Pontificatu gerendo
De arte pie in Christo moriendi:
Oratio ad Alphonsum Regem Neapolis
Traſſatum de contemptu mundi.

ANTONIUS LUSCUS.

ANtonius Luscus Vicentinus Romanam profectus in magna sui expectatione a Gregorio P. max. in *Secretariorum Collegium* admissus est. Quod ex Epistola etiam Philelphi constat, quæ

quæ ita inscripta est : *Antonio Lusco Secretario Apostolico* . Habuit tantam opinionem poeticæ laudis , ut magno Laurentio Vallæ estimari datum sit , quod Bartholomæum Politianum Antonio Lusco anteposuerit . Scripsit enim heroico versu Epistolas , atque Epigrammata complura , quæ postea collecta filius & ipse doctissimus in octo libros digessit . Solutæ quoque orationi adornata eloquentia operam dedit . Scripsit in undecim Ciceronis Orationes opus utile , ac vel doctis probatum . Scripsit item exempla quadam , & veluti formulas , quibus Romana Curia in scribendo uteretur , quæ etiam ab eruditissimis viris in usum recepta sunt . Ad multam senectutem vivit , nec unquam a Poetica studio cessavit . Ita Facius : sed de Antonio Lusco perhonorifica mentio est apud Poggium in lib. *de varietate fortune* , atque apud alios , præsertim vero apud Cardinalem Angelum QUIRINUM in *diatriba prelim. ad Francisci Barbari Epistolas* ; quem Cardinalem genere , doctrina , pietate libe-

liberalitate vere summum honoris
caussa nomino .

CINCIUS ROMANUS .

C Incius Rusticus Romanus *Secretarius Apostolicus* fuit . Id enim constat etiam ex Epistola Philelphi , quæ mense Aprili an. D. mccccxxxiii. inscripta est *Cincio Secretario Apostolico* . Scriptorem non inelegantem fuisse, intelligi potest ex Epistola ipsius edita ab Eminentissimo QUIRINO in eadem Diatriba ; & ex Oratione ad Imperatorem Sigismundum , & ex alia Epistola , quæ in fine est libri illius , qui *Poggiana* inscriptus est . In Vaticana Bibliotheca adservantur Epistolæ Æschinis a Cincio e græco ad latinum , sermonem traductæ : quod Fabricius ignoravit . Conservantur item aliquot ipsius Epistolæ ad amicos suos conscriptæ ; nempe ad Antonium Lucum Collegam : ad Fratrem Ioannem a Castilione Theologum Ordinis Præ-

Prædicatorum illustrem : ad Petrum de Lazandiere, atque ad Cosmum , & Laurentium Mediceos . Schraderus luculentam eius sepulchri inscriptionem affert, quæ hæc est :

*Cincio Rustico Secretario Apostolico ,
Græcæ Latinæque linguæ perito , quavis
virtute decorato, & Marcello Rustico Ur-
bis Cancellario , Secretario & scriptori A-
postolico , ac Breviatori frugi , literato-
que Antonius Rusticus Avo , & Fratri
bene merito P. anno a Nativitate Christi
MCCCCLXXXV. III. Idibus Martiis .*

BARTHOLOMÆUS POLITIANUS.

Bartholomæum Politianum ab epistolis Apostolicis fuisse quum Eugenio Quarto , tum Martino Quinto Pontificibus, narrat V. Cl. Dominicus Georgius in *disquisitione* illa sua erudita, ac non ineleganti de *Nicolai Quinti Pont. Max. erga litteras , & litteratos viros patrocinio* : & Poetam fuisse constat vel ex eo etiam , quod supra commemoravimus de Antonio Lusco .

FLA-

FLAVIUS BLONDUS.

Flavius Blondus Feroliviensis Secretarius fuit Eugenii Quarti, qui una cum Episcopo Recinatenſi eum, legavit primum ad Florentinos, deinde ad Venetos, qui Flavium (uti narrat Niger) civitate donarunt. Eodem munere functus eſt Nicolao Quinto, Callixto Tertio, & Pio Secundo Pontificibus. Romæ mortuus eſt, ac in Aracælitano Templo ſepultus cum hac inſcriptione, quæ Campani fuiſſe dicitur:

Blondo Flavio Feroliviensi

Historico celeberrimo

Mulcorum Pontt. Rom.

h. e. Eug. IV. Nicolai V. Callixti III Pii II

Secretario Fidelissimo

Blondi quinque Filij

Patri Bene Merenti unanimis poſuere

Vixit annos LXXV. ob. pridie Non. Jun.

An. Sal. Chriſtiana MCCCCLXIII.

Pio Pont. Max. ſibi Audiſq. favente.

Huic

Huic inscriptioni Schraderus hocce addit versiculos :

Fui non sum : estis non eritis : nemo immortalis.

Moriens ut viveres , vivit ut moriturus .

Scriptis Roma triumphans lib. x. Roma instaurata lib. 111. De origine & gestis Vespasianorum : Italia illustrata . Historiam ab inclinatione Romani Imperii ad annum MCCCXV. decades 111. lib. XXXI. In Bibliotheca Vaticana adservantur eius scripta de expeditione in Turcas ad Alphonsum Regem , & de eadem ad Duxem Genuæ . Brexius , aliique non pauci hominem accusant , quod sollicitior scriptoris fuerit , quam veritatis , & studuerit plura dicere , quam veriora . P. Mabillonius ait , Flavium P. Eugenio Quarto auctorem fuisse , ut epistolis Pontificiis a Christi incarnatione inscriberet . Quæ opinio fuit Pauli Middelburgii Episcopi Forosempronienfis , & Giacconii , & Papebrochii , aliorumque .

MAE-

MAFFÆUS VEGIUS.

Maffæus Vegius Laudensis natus est an. sal. mccccvi., sive ut auctori *Dictionary Critici* videtur, mccccvii. ab Eugenio Quarto *Magister Brevium*, a Martino autem Quinto *Datarius*, & *Basilica* Vaticanæ *Canonicus* factus est. Ita *Volaterranus* lib. xxi. pag. 490. nec non *Bullandistæ Præfat. lib. Maffei Vegii de præstantia Basilicæ Vaticanæ*: Orator, & Poeta fuit maxime insignis, & Nicolao apprime carus, cuius Nicolai Epitaphium scripsisse Vegium narrat *Torrigius Grotte Vaticanæ*; in quo res a Nicolao Quinto Pontifice gestæ fere omnes describuntur.

*Hic sita sunt quinti Nicolai antistitis ossa
Aurea qui dederat secula, Roma, tibi
Consilio illustris, virtute illustrior omni
Excoluit doctos doctior ipse viros
Abstulit errorem, quo schisma infecerat orbem*

*Restituit mores, moenia, Tempa, domos
Tum*

*Tum Bernardino statuit sua sacra Senenſi
Sancta Jubilei tempora dum celebrat .
Cinxit honore caput Federici ; coniugis
aureo .*

*Rex Italas , iſto foedere , composuit .
Attica Romana complura volumina lingua
Prodidit : ex tumulo fundite thura ſa-
cro .*

*Scriptit de ultimis Aeneae geſtis, & obitu:
Antoniados lib. IV. verſibus heroicis : de
morte Aſſyanaſtis librum unum . Neque
ſoluta oratione non multa ſcripſit; h. e.
Terra, Solis, & auri altercatio . De perſe-
verantia in Religione lib. VI. De quatuor
noviſſimis librum unum . Philalethen ,
ſeu dialogum de veritatis amore . De Pue-
rorum inſtitutione lib. VI. de vita & obitu
Beatae Monica . Vitam S. Nicolai Tolen-
tinatis : De ſoelicitate , & miſeria Pali-
nuri & Charonis . Vitam B. Petri Caleſti-
ni : De rebus antiquis memorabilibus Ba-
ſilica S. Petri Roma . Vitam S. Bernardini
Senenſis .*

*Dicitur fuiſſe maxime pius erga
memoriam S. Auguſtini , in cuius Ro-*

M

mano

mano Templo Sacellum exædificandum curavit . Mortuus est an. sal. MCCCCLVII. uti autem antedicto dist. crit. auctori videtur . MCCCCLXX.

JOANNES AURISPA .

Ioannes Aurispa Siculus apud Nicolaum Pontificem Secretarius in bo-
vove fuit . Ingentem librorum tum Graecorum tum latinorum numerum congregavit . Epistolarum librum edidit , Opuscula nonnulla Luciani , & Xenophontis librum , qui Oeconomicus inscribitur , in latinum traduxit , quem Cicero adolescens , ut scriptum reliquit , e græco in latinum converterat . Ita Facius . Hieroclem in Pithagoræ carmina , quæ aurea appellant , latinum reddidit , Phil lelphi amicissimus fuit . Laurentius Valla , & Antonius Panormita eum collaudant . At Giralduſ Dialog. i. de Poetis suorum temporum ita de Aurispa loquitur. *Joannes Aurispa Siculus orator in aliqua Poetarum ordine reponi potest , quip-*

quippe qui *græce & latine probe doctus* esset. Carmina tamen eius, quæ ipse legi, nescio quid *Sicidarum gerrarum habere* videntur. Fuit enim eo tempore, quo nondum *exquisita literæ in lucem redierant*. Mortuus Romæ est an. sal. mccccxix. annum prope nonagesimum agens. Quod constat ex lib. ii. *commentariorum Pii Secundi*; qui *Commentarii Ioannis Gobelenii* nomen præferunt.

NICOLAUS PEROTTUS.

Nicolaus Perottus, quem *Facius lib. de viris illustribus* Senensem, at *Niceronius Saxoferratensem* appellat, latinis, ac græcis literis eruditus fuit. Hunc *Secretarium Apostolicum* fuisse, quum multa alia, tum illud declarat, quod in *Brevi Callixti III.* legitur, quæ data est an. sal. mccccxvi. Cum *necesso sit Nos interdum pro nostris, & Romana Ecclesia negotiis mittere ad diversas mundi partes dilectum filium nobilem virum Nicolaum Perottum, Poetam*

laureatum, Secretarium nostrum, & nostri
Sacri Lateranensis Palatii Comitem &c.

Cardinalis Bessarionis amicissimus
fuit; atque an. sal. mccccclvi. Ar-
chiepiscopus Sipontinus creatus est.
Obiit an. sal. mccccclxxx. Quæ scri-
psit, quæque e græco in latinum ver-
tit, affert idem Facius, nec non Ni-
ceronius, Iovius, Ughellius &c.

HORATIUS ROMANUS.

DE Horatio Romano mentionem
facit Pius Secundus Europæ cap
lviii. pag. 459. In Homeri vero Poe-
mate, quod heroico carmine latinum fieri
magnopere cupiebat, (Nicolaus) quum
plurimi ei morem gerere conarentur,
unus tantum inventus est, qui acri eius iu-
dicio satisfaceret, Horatius Romanus.
SCRIBATUM APOSTOLICUM ea de re conse-
quutus, magnisque pollicitationibus ille-
ctus, Iliadem aggressus, nonnullos ex ea li-
bros latinos fecit, dignos, quos nostra mi-
raretur, prisca non improbasset ætas.

RAI-

RAINUTIUS ARETINUS.

HIC Rainutius, quem male Ioannes Albertus Fabricius *Rimitium* vocat, Patria Aretinus Laurentii Vallæ Præceptor fuit; atque inter Apostolicos Nicolai Pontificis *Secretarius* adlectus. Quod ex eodem Valla facile intelligitur, qui adversus Poggium quum scriberet, hæc ait. *Et Tu (Poggi) me Secretariis invisum dicere audes? quorum duo Aurispa, atque RAINUTIUS, ut suo in græcis literis discipulo gloriantur, ita ego invicem Præceptoribus.* Fuit fabularum Æsopi interpres; quæ fabulæ prodierunt Mediolani anno mccccclxxx. Sed & Hippocratis *CoiMedici* epistolas in latinum vertit, atque Nicolao Pontifici inscripsit, ut ex Vaticano Codice perspicuum esse narrat V. CL. Dominicus Georgius in eadem *Disquisit.*

IANNOTIUS MANETTUS.

DE Iannotio Manetto Florentino, Græcæ, Latinæ, ac Syriacæ linguæ perito ita idem Dominicus Georgius ib: *Manettus in reditu a legatione Neapolitana, quam pro Florentinorum Republica obierat, Nicolaum Pontificem adiit, a quo inscius omnino in eorum ordinem principe loco lectus est, quibus arcana traduntur, & quos vulgo Apostolicos Secretarios appellabant, & liberaliter eidem Manetto ad se accedenti Pontificium eius muneris diploma tradidit: qui, a Florentinis licentia impetrata, ad Nicolaum Pontificem venit, a quo tanti fuit, ut sexcentos aureos quotannis, præter eam pecunie summam, quam ex præfectura secretorum capiebat, ex Apostolico arario ei assignarit. Multa scripsit, quæ refert Naldus in eius vita, & Bartholomæus Facius, aliique.*

PETRUS NUCETANUS.

Hunc Petrum Nucetanum, sive Noxetanum *Secretarium Apostolicum* fuisse testatur Philadelphus sua Epistola, quæ inscribitur *Petro Nucetano Apostolico Secretario*: Quam Epistolam hisce verbis concludit *vale, & me sanctissimo Domino nostro commenda*. Hunc Pius Secundus in *Commentar. lib. 1. pag. 111.* testatur sibi favisse, ut Nicolai S. Crucis Cardinalis, & Apostolicæ Sedis Legati *Secretarius* fieret.

PETRUS CANDIDUS
DECEMBRIUS.

Petrus Candidus Decembrius Magister Brevium fuit Nicolai Quinti, ad quem confugerat, quum Mediolani adversa fortuna uteretur. Eiusdem Nicolai Pontificis auspiciis Appiani Alexandrini libros latinos ab eo factos fuisse accepimas. Vertit etiam e Græco Platonis *Politicorum libros x.* eiusdem

dem de amicitia librum unum : denique libros supra CXXVII. vulgaribus exceptis, conscripsit, uti in Epitaphio eius legitur. Horum plerique perierunt. Mortuus est Mediolani an: sal. MCCCCLXVII. quum annos vixisset octo, & septuaginta. De hoc loquuntur Volaterranus, Bartholomæus Facius, Cotta in Musæo Novariensi, Mabilonius, Muratorius, Dominicus Georgius &c.

PIUS SECUNDUS PONT.

Æneas Sylvius Piccolomineus, qui Pontifex factus Pius Secundus dictus est, natus est an. sal. MCCCcv. in Corfiniano loco ignobili agri Senensis, qui locus deinceps, a Pio accepto nomine, Pientia dicitur, & est civitas. *Secretarius trium Pontificum* (ut ait Bartholomæus Facius) *Felicis*, (Pseudo Pontificis) *Eugenii*, ac deinde *Nicolai a Friderico Imperatore Romanorum in Secretarium, & Consiliarium receptus est.*
Cal-

Callixtus Tertius eum Cardinalem creavit ann. sal. mccccclvi. quo facto magnam ab Alphonso Aragoniæ Rege, ab Imperatore, ceterisque Germaniæ Principibus gratiam inivit. Pontifex eligitur an. mccccclviii. statimque de bello Turcis inferendo cogitat. Huic tanto bello, quod magnis impensis, magnisque laboribus compararat, ut interesset ipse, & præesset, Anconam profectus, ibi diem supremum obiit an. mccccclxiv. Poeta, Orator, Philosophus, Theologus insignis fuit, multa-
 que scripsit, quæ ab eruditis hominibus collaudantur: videlicet *Epigrammata nonnulla: de potestate Concilii Basiliensis: de ortu Nili: de studio venandi: de Fato: de Prasentia Dei: de Haresi Bohemorum: de Institutione Artis Grammatica: Historiam Bohemicam: Orationes triginta, & duas ad Reges, & Principes de Clade Universalis Ecclesiæ: de Erratis Basileensium: de Defensione Poeticæ: de dictis & factis clarorum virorum ad Alphonsum Regem: Cosmographia: de*
 pra-

pravis Mulieribus, remedium amoris, Epistolas &c. Floridus tamen Sabinus ita de eo scriptum reliquit: *In historia est nonnullis ex recentioribus ordine postponendus, orator argutus, vebemens, candidus, Poeta itidem non vulgaris.* Pii Secundi vitam conscripsit Ioannes Antonius Campanus, quæ edita est tomo 111. *Rerum Italicarum part. 11. pagina DCCCCLXX.*

IOANNES TORTELLIUS.

Ioannes Tortellius, patria Aretinus, ob præclaram doctrinam inter Apostolicos Cubicularios, Subdiaconos, ac Secretarios a Nicolao Pontifice adscitus est: quem etiam Æneas Sylvius *de Europa cap. viii.* ait consiliorum, & curarum Pontificis omnium participem fuisse. Scripsit *Commentariorum de Orthographia dictionum e Grecis tractatum opus*, ac Nicolao Pont. Max. dedicavit; quod opus prodiit primum Venetiis an. MCCCCLXI. Lau-

Laurentius Valla summus cum laude hominem appellat *Præfat. in libros Elegantiarum*. Habuit ab eodem Pontif. Nicolao, cui apprime carus fuit, Præfecturam Bibliothecæ Vaticanæ. Philelpus huius rei testis est ea epistola, quæ scripta est ad Leodrisium Cribellium; & in qua dolet eandem Bibliothecam antea fuisse foedum in modum expilatam. Vide Volaterranum *lib. xxi. Anthiop.* & Philelpum in *epist.*

FRANCISCUS PHILELPHUS.

Franciscus Philelphus Tolentinus Chrysoloræ Byzanthini Auditor, & Gener, & græcarum, latinarumque literarum apud Venetos, Florentinos, Senenses, Bononienses, Mediolanenses doctor eximius, quum Romam forte venisset, Neapolim profecturus, neque Pontificem adire cogitaret, a Petro Nocetano ad Nicolaum adducitur; a quo benigne exceptus, aureis nummis quingentis donatus est,

est, & in *Secretariorum* Apostolicorum numerum honoris causa relatus. Extat eius epistola ad Nicolaum Arcimboldum data id. Sept. MCCCCLIII. huius rei testis :

Hasce ad Te literas dedi ex Tolentino , unde post octiduum arripiam ad Vos iterum equestribus insignibus , & poetica laurea ornatus , tum Secretarius Apostolicus &c. &c.

Huic Philelpho promiserat Nicolaus , *edes in Urbe Roma pulcherrimas , lautissimum pradium in Agro Romano , quod satis esset ad opipare , & pro dignitate alendam universam familiam , & preterea aureorum nummum decem millia , quæ deponerentur apud quem Philelphus ex omnibus mensarium delegisset , quæ illi continuo numerarentur , si duo illa carmina Homeri Iliada , atque Ulyssæam latine reddidisset . At nunc immanes hi sumtus (si Deo placet ,) in musicorum greges fiunt , atque oblectamenta otiosorum .*

LAURENTIUS VALLA.

DE Laurentio Valla Placentino hoc accepimus ex Codice quodam Vaticano, qui a Dominico Georgio, quem sæpe antea commemoravimus, in append. Monumentorum ad vitam Nicolai V. affertur: *Illum fuisse inter Grammaticos ætatis suæ exquisitum & diligentem adeo, ut unius fere puritatis latinæ observator vellent censerî: multis in Urbibus Italiæ Rethoricam ac Grammaticam docuisse, Genuæ, Papiæ, Mediolani, Neapoli, ubi propter contentionem ortam inter ipsum, & Bartholomæum Fatium Spediensem, qui Antonii Panormitæ fovebatur patrocinio, sub Alphonso Aragonum, ac Siculorum Rege diutius esse non potuisse; ob quam emulationem Romam ad Nicolaum Pontificem accessisse, a quo quum propter alia, tum propter elegantiarum, quem scripsit librum, honeste exceptum fuisse, & muneribus donatum amplius, inter quæ officio SCRIPTORIÆ APOSTOLICÆ.*

LICE . Ob Thucydidem ex Græco latinum factum a Nicolao quingentos aureos accepisse : Fuisse ei cum omnibus non agrestem, neque inhumanam contentionem, præterquam cum Poggio Florentino, in quem invectivam rescripisse : Summe omnium Quintilianam amavisse, eamque etiam Ciceroni anteposuisse (Vides dignam Grammatico sententiam) Canonicum factum esse Ecclesie Lateranensis, denique studiosum fuisse, & linguæ veteris latinæ defensorem : Ita Vigerius Abbas in eodem Cod. Hunc tamen non ita eleganter scripsisse testantur non pauci, & Jovius ait, res Ferdinandi ab eo perinde esse conscriptas, quasi auctor non fuisset libri elegantiarum . De eo mortuo dictum est, quod apud Inferos iam amplius

Non audeat Pluto verba latina loqui .

GEORGIUS TRAPEZUNTIUS .

G eorgium Trapezuntium in Secretariorum Apostolicorum numerum a Nicolao Quinto relatum fuisse narrant

rant Aneas Sylvius *de Europa* cap. LVIII.
 & Volaterranus *Commentar. lib. XXI.*
pag. 497. Multa e græco in latinum
 vertit, eodem iubente Pontifice, cui
 omnino quidem non satisfecit. Quæ
 de liberalitate Nicolai erga Georgium
 commemorantur in Dialogo, ea scrip-
 ta reliquit Angelus Colotius in qui-
 busdam Adversariis, quæ in Vaticana
 Bibliotheca adservantur. Ceterum
 Franciscus Barbarus hominem magno-
 pere collaudat: non ita plerique alii:
 At Leo Allatius *in diatriba de Georgiis*
 I. L. & seq. de latinis illius versionibus
 sermonem instituens, quid in his
 laude, quidve reprehensione dignum
 sit, docet. Nemini autem dubium
 est, quin Trapezuntius homo fuerit
 natura importunus, difficilis, & ira-
 cundus adeo, ut palam in Theatro
 Pompeii, in conventu omnium colle-
 garum, Poggium verberibus a Georgio
 male mulcatum narret Iovius. Quod
 certe Laurentius Valla in sua invecti-
 va Poggio exprobravit. Quare non
 mi-

mirum est, si Pontifice a se abalienato, ab Alphonsum Regem Neapolim se contulerit, unde rediens, & Pontifici a Philelpho reconciliatus, Romæ tandem decessit an. sal. mccccLxxxv, quum vixisset annos xc. sepultusque est in Templo S. Mariæ ad Minervam. Christianus Fridericus Boernerius in libello satis erudito, quem *De doctis hominibus Græcis in Italia literarum Græcarum instauratoribus* Lipsiæ edidit anno c1010cccl. hos epitaphii eius versiculos affert:

Hac urna Trapezuntii quiescunt

Georgii ossa, parum Diis amici

Quod acri, & nimium procaci lingua

Platonem, superis parem, petivit.

Qui tamen versiculi non extant in sepulcro, cuius inscriptionem præter nomen Trapezuntii, totam esse vetustate attritam Leo Allatius narrat.

IACOBUS AMMANATUS

LUCENSIS CARD.

Jacobus Ammanatus , Cardinalis Papiensis dictus , Lucæ natus obscuris parentibus , sed *mente bona* præditus Romam venit , & Cardinali Firmano primum fuit ab epistolis : deinde factus est *Secretarius Apostolicus* a Callixto Tertio , sed aut nullo , aut tam tenui stipendio , ut ipse ante Pontificatum Pii Secundi in sua quadam epistola fateatur , vix , & ne vix quidem habuisse , *unde tondentur* . Sed a Pio Secundo Pontifice summa omnia est assequutus , quæ in dialogo commemorantur ; idque quatuor annorum spatio . Multa scripsit tum ligata , tum soluta oratione : Commentarios præsertim , & epistolas vere , plenas Senatoriæ cuiusdam & libertatis , & dignitatis . Paucis annis , antequam moreretur , etiam Episcopatu Lucano auctus est . Vixit annos LVII.

N

& mor-

& mortuus est in oppido Laurento
apud Vulfinienses diē x. Sept. anno
fal. mccccxcix, quod ab ignobili Pi-
ceno medico potionem acceperat,
quæ illum occidit miserandum in mo-
dum; sepultus est in Templo S. Augu-
stini. Nunc in atrio Coenobii Augu-
stiniani sepulcrum eius extat, quo se-
pulchro hæc incisa inscriptio legitur.

*Luca ortu, Sena lege fuit mihi Patria,
nomen,*

*Dum vixi, Iacobus, mens bona pro
genere.*

*Papa Pius sedem Papiensem detulit,
idem*

*Cardineo ornavit munere, gente,
domo.*

*Vivite qui legitis: caelestia quarite:
nostra*

*Hæc tandem in cineres gloria tota
redit.*

Prope sepulcrum Iacobi Cardinalis
extat eodem in atrio alterum, quod
ille Matri suæ ponendum curavit, &
in quo versiculos hosce suos incidi
iussit,

Viva

*Viva Deo, defuncta mihi, Constantia
Mater,*

*Quos posui hic elegos, quæ monu-
menta tibi,*

*Ultima sunt Fili Papiensis munera:
Testor*

*Defuncta, & viva, quod potui, id
tribui.*

Vitam Cardinalis Ammanati con-
scripsit Iacobus Volaterranus, qui ei
fuit ab epistolis: nec non V. Cl. Seba-
stianus Pauli Lucensis Cong. Matris Dei
Clericus Regularis: in *Disquisitione
historica de Patria, & rebus gestis Jacobi
Ammanati*, quæ etrusco sermone con-
scripta Lucæ prodiit an. sal. MDCCXII.

GASPAR VERONENSIS.

Gaspar Veronensis a Callixto Ter-
tio in *Secretariorum Apostolico-*
rum ordinem ascitus est; id quod ipse
testatur in vita Pauli Secundi ab eodem
conscripta. Muratorius vir sane ipse
clarus in *Præf. in vitam ejusdem Pontifi-*

cis p. 2. t. 3. *Rerum Italic.* pag. 1023. Gasparem appellat *Virum obscuri nominis*. At contra doctissimus vir Scipio Massæus lib. 111. *de Scriptoribus Veronensibus* hominem magnopere col- laudat. Præceptor fuit Roderici Cardinalis Borgiæ, eius, qui postea Pontifex fuit, de cuius minus grato erga se animo conqueritur. Sic enim scriptum reliquit: *Hic (scilicet Cardinal. Borgia) in benemeritos gratissimus pernoscitur, præter quam Gasparem Veronensem, quem saepe negligere videtur, & parvi facere, qua in re non parum a recta via recedit.* At Cardinalem Papiensem nostrum laudat, quod curaverit, ut Pius Secundus, apud quem ille auctoritate, & gratia valebat plurimum, sibi publice docendi munus daret, annuo centum nummum aureorum stipendio decreto. Ait enim: *Gratissimus in amicos veteres Iacobus Amanatus, præsertim in Gasparem Veronensem, quum ambo Callixti Tertii Secretarii fuissent, & summa benevolentia iuncti,*

Hi, curavit, ut publice conductus Gaspar aureos centum quotannis assequeretur, tum Poetas, tum Oratores lectitans. In Bibliotheca Casanatensi adservatur commentarius Gasparis in Juvenalem.

JACOBUS PASSARELLIUS.

Iacobum Passarellium *Secretarium Apostolicum* fuisse ex eo constat, quod Iacobus Volaterranus in *diario Romano* ad an. *mcccclxxix.* pag. 101. scriptum reliquit: *Ad sextum & vicesimum diem Novembris cooptatus sum in ordinem Secretariorum Pontificis, & apostolica Sedis de numero senario participantium in loco Iacobi Casenatis, qui ad Imolensem Ecclesiam licet absens designatus fuit. Innocentius Octavus Iacobum ad Henricum Septimum Britanniae Regem Legatum misit, a quo tantam gratiam iniit, ut Consiliarius Regius factus fuerit, & regiae gentis insignibus ornatus: Quae causa fuit, quamobrem ille hosce sepulcro suo versiculos incidi iusserit.*

*Est Rosa , sunt parvæ , sunt lilia , mu-
nera Regis*

*Brittanni ; meruit hoc mea magna
fides .*

Mortuus est mense Augusto an-
no mccccxcvi. Marsilius Ficinus eum
eruditissimum hominem appellat ; de
quo legendus etiam Ughellius .

ANTONIUS IACOBUS
VENIERIUS .

DE Antonio Iacobo Venierio Re-
cinatensi afferimus testimonium
Iacobi Volaterrani , qui in *Diario Ro-
mano* ad an. mccccclxxix. ita scripsit .
*Obierat per eos dies Augusto mense Comen-
sis Cardinalis S. Clementis apud Recane-
tum , ortus sui , & agri Piceni Civita-
tem , quo per æstatem diverterat . Anto-
nius Iacobus ei nomen fuit gente Veniera .
Fuerat hic Romæ Apostolicorum Di-
plomatæ Scriptor ; inde Syracusanus
Antistes , a Pio Secundo in Hispaniam mis-
sus , ubi ab Hispania Rege honore est au-
ctus ,*

Etus, & ad Ecclesiam Legionensem transfatus, atque ab eodem Rege orator ad Pontificem Paulum Secundum, qui Pio successerat, destinatus. Defuncto Paulo, Sixtus Quartus successor eundem Comensis Ecclesie uberiori praececit; ac postea secundo Pontificatus anno Cardinalem creavit. Vir erat acris ingenii, magna solertia, lingua libera, & intrepidi animi, ideoque Pontifici, & Macenati parum gratus.

IOANNES GOBELENIUS.

IN eo Dupenii libro, qui *Nouvelle Bibliotheque des auteurs Ecclesiastiques* inscriptus est, legimus Pii Secundi Secretarium fuisse Ioannem Gobenium, & ipsius Pii Secundi historiam, in libros tributam duodecim, conscripsisse, sive potius, quod plerique opinantur, a Pio Secundo conscriptam emisisse veluti suam, non eodem ignaro Pontifice. Editam autem Romae fuit an. MDLXXXIV. & MDLXXXIX., nec non Francofurti an. MDCLXIV.

GORUS SENENSIS.

Huius Gori, sive Gregorii Senensis meminit Gaspar Veronensis, qui eum in *Apostolici Secretarii munere* quinquaginta millia nummum aureorum sibi lucratum esse narrat *sine cuiusquam querimonia, aut aliquo suo crimine. Secretarius* fuit Pii Secundi, & eundem esse opinor, cui Philelphus epistolam suam quandam inscripsit: *Gregorio Lollio Secretario Apostolico.*

LEONORUS BONONIENSIS.

DE Leonoro Bononiensi ita Gaspar idem Veronensis in *vita Pauli Secundi* pag. 1025. *Latinis literis græcas Bononiensis adiecit, atque adeo probe eas, pulchreque novit. . . ut æque græce loquatur, ac latine: quod paucos inter Italos novimus esse assequutos. Audit enim Leonorus Theodorum Thessalonicensem eius lingue peritissimum, & non ignobilem.*
Phi-

Philosophum, . . . Post Pii Secundi obitum apud benignissimum Paulum Secundum vivere statuit, non tamen, quemadmodum prius in Brevibus Pontificiis conscribendis, quæ formam epistolarem habent, sed Cubicularius iam evasit. Extant etiamnum aliquot Leonori epistolæ quum græcæ, tum latinæ, quæ MS. in Bibliotheca Vaticana adservantur.

BAPTISTA REATINUS.

IN *Secretariorum Apostolicorum numero fuisse Baptistam quendam Reatinum idem tradit Gaspar Veronensis in vita Pauli Secundi pag. 1048., ubi ait: Scribit & ornatè Baptista Reatinus Scriptor Apostolicus.*

IO. ANTONIUS DE BUXIS.

S*ecretarius is fuit Sixti Quarti, & Bibliothecarius, ac demum Episcopus Alerienfis, de quo Volaterranus ita scribit. Joannes Antonius Pra-*
sub

ful Aleriensis in librorum locis emendandis iure laudatur . Strabonem autem quam diligentissime emendavit . Mortuus est Romæ an. MCCCCLXXVI. uti ex inscriptione eius sepulcri constat , quod in Templo S. Petri ad vincula positum est . En inscriptionem .

Jo. Ant. Episcopo Alerienfi Jen. Gēne De Buxis Patria . Viglevanen. Sixti Quarti Pont. Max. Ref. Bibliot. Secretarioque. Venerando Senatui . ac toti. Ecclesia caro ; Qui fuit . pietate . fide . litteris insignis. De Patria. parentibus. amicis. & omnibus . benemeritus . Iacobus Fr. Germ. pientissime. vixit an. LVII. m. VI. d. XII. obiit an. Jobelei MCCCCLXXV. prid. non. Feb.

BENEDICTUS MAFFÆIUS .

Hunc Benedictum Maffæium , Veronæ summo genere natum , Secretarium Sixti Quarti fuisse , ab eoque dictandis Apostolicis literis præpositum accepimus ex Schradero , qui eius inscriptionem sepulcri affert .

Bene-

*Benedicto clara Familia Patricio-
rum Veronensium Maffea genito A-
postolic. literar. maior. præs. Diſtan.
virtutis ergo a Sixto IV. XII. viro
creato, qui vixit annos LXV. menses
XI. dies XIX. XV. Cal. Julii.*

DOMITIUS CALDERINUS.

Domitium Calderinum, in Cal-
deria natum, qui locus est igno-
bilis in agro Veronensi, a Volaterrano
*Commentar. lib. xx. pag. 777. Secreta-
rius Apostolicus* appellatur; & propter
singularem eruditionem dignus fuit,
qui in eo numero reponeretur. Nam,
ut ait Barthius in Statium fuit *primus*,
*qui hoc tempore Poetas duriusculos dili-
gentius coeperit enarrare, & in eos com-
mentarios edere admodum iuvenis.* Hoc
declarat commentarius ipsius elegans
in Papinium Statium, de quo ipse in
*Præfat. ait: Incidi in libros v. Sylvarum
Papinii Statii, opus granditate heroica
sublime, argumento varium, doctrina re-*
motif=

mostissimum, quod nemo ante nos aut ausus est, aut posuit attingere. Hominem arrogantem fuisse, & maledicum omnium obrectatorem narrat Volateranus ib: Huius ego, quamquam eram familiaris, vitium unicum livoris, atque obrectationis in omnes doctos non prateribo, dignus propterea, ut de Lelio Quintilianus ait, vita longiore, ac ingenio meliore. Mortuus est Romæ admodum iuvenis an. MCCCCLXXVI. hoc est, Eugenio Quarto Pontifice. Solemne illi factum funus, quo Academici omnes Romani pulla veste convenere ad exequias cohonestandas. Inter Angeli Politiani carmina habes illius Epitaphium, quod est.

*Hunc Domiti tumulum siccis qui
transit ocellis,*

*Vel Phœbo ignarus, vel male gratus
homo est.*

*Intulit hic varum cœcis pia lumina
chartis*

Obstructum ad musas hic patefecit iter

Hunc Verona tulit docti Patria illa

Catulli

Huic

*Huic lethum , atque urnam Roma
dedit iuveni .*

ANDREAS TRAPEZUNTIUS .

FRANCISCUS NOZERANUS .

MARCELLUS RUSTICUS .

GASPAR BLONDUS .

HOs omnes fuisse *Secretarios Apostolicos* luculentus eius temporis testis , Iacobus Volaterranus in Diar. ad annum mccccclxxix. confirmat. Andream vero Trapezuntium Georgii filium fuisse , & filiam præterea hunc habuisse , quæ nuptui data est Fausto Magdalensæ Poetæ illi Romano, quem Leo Decimus dilexit plurimum , Iovius testatur . De Marcello autem Rustico (nam de Francisco Nozerano nihil invenimus præterea) habemus inscriptionem , quam supra attulimus , quum de Cincio ageremus ; & Gasparem Blondum facile existimamus unum esse ex iis quinque filiis , qui Flavio

vio Patri sepulchrum posuerunt, & quos Leander Albertus doctissimos fuisse ait.

IACOBUS VOLATERRANUS.

DE huius familia varia est opinio, quem alii Maffæia e gente, alii e Gherarda, idque probabilius, Volaterris natum esse ajunt. Illud constat, fuisse ab epistolis Iacobi Ammanati Cardinalis Papiensis, in quo error est Vossii palmaris, qui Iacobum Volaterranum eundem facit, atque Iacobum Ammanatum. Mortuo Cardinali Papiensi a Sixto Quarto in *Secretariorum* ordinem cooptatum se esse ait ipse, & ex Codice Vaticano 3912. brevem eruimus Orationem, quam ipse Iacobus ad Collegas habuit, quo die cooptatus est; quæ affertur. *Amplissimi & spectatissimi viri, Patres & Domini mei. Voluit Sanctissimus Dominus Noster pro sua clementia, designare me Secretarium Sua Sanctitatis, & Sanctæ*

Et Apostolicæ Sedis , ac in vestram Collegium & ordinem cooptare , in locum Reverendi Patris D. Iacobi de Casena electi ad Imolensem Ecclesiam . Licet autem virtus , & merita mea non sint eiusmodi , propter quæ sim meritis assumi ad amplissimum munus , tam propter vestras virtutes , quam Collegii majestatem ; tamen confisus in Deo , a quo bona cuncta procedunt , & qui dat affluenter speranti in se sapientiam , & doctrinam : confisus in clementia Sanctissimi Domini Nostri , quæ immensa est , ut scitis : confisus quoque in vestra humanitate , quam intellexi hætenus , nunc gratum est experiri ; Spero ita me habiturum , ut Pontificem non poeniteat designationis : Illas etiam admissionis . Et ex hoc tempore , Patres Amplissimi , non modo ut collegam , sed ut filium obsequentissimum me , salva muneris dignitate , trado & offero Vestris Paternitatibus , a quibus peso cum omni humilitate & reverentia , qua decet , in Collegium admittant & recipiant , juxta seriem & decretum literarum Apostolicarum , &
Pro-

Processus inde sequuti, ad laudem Dei omnipotentis, & exaltationem, & honorem sacri huius Collegii.

Alia tamen stylo scripsit minus elegantia. Hunc etiam fuisse ab Innocentio Octavo ad Mediolani Ducem, ad Rempubicam Florentinam, Regemque Neapolis Ferdinandum legatum; a Leone deinde Decimo Episcopum factum Aquinatem, Concilioque Lateranensi quinto propterea interfuisse, & nonaginta prope annos natum Romæ obisse. CXCXVI. Ughellius testatur.

LEONARDUS DATHUS
FLORENTINUS.

Fuit hic *Secretarius* Pauli Secundi, & Sixti Quarti Pontificum, eiusque Leonardi Fratris filius, qui Martino Quinto Pontifice, Magister fuit Generalis Ordinis Prædicatorum. Multa scripsit tum versu tum prosa, homo ingenii præstantia, & morum

rum suavitatem commendatus, de quo
Verrinus lib. 2. ita ait :

*Transferam imprudens Leonardi Carmina
Dathi,*

*Qui pede Romano, numerisque ligavit
etruscis*

*Heroas, Lyricosque modos sub pondere
rerum,*

*Dum sacra Pontificis tractat mysteria
Pauli.*

Mortuus est Romæ ann. mccccclxxii.
sepultusque est in Æde S. Mariæ ad
Minervam cum hac Inscriptione :

Leonardo Datho Civi Florentino

Viro doctissimo optimoque

Pauli II. & Sixti IV. Secretario.

Episcopo Massano. Vixit ann. lxiiv.

Mens. duos cccccclxxii.

Qua ex Inscriptione, & ex Ughellio
fuisse illum constat Populoniæ & Mas-
sæ Episcopum. Michael Angelus Mon-
sacratum Abbas in ordine Canonicor-
um Regularium S. Salvatoris, Civis,
& affinis meus, sacra, profanaque
eruditione præstans, Leonardi vitam

O

fuisse

fuisse ait scriptam a Vespasiano Florentino, & ms. adservari in Bibliotheca, quæ Prosperi Muti fuit Secretarii Sacra Consulta, uti vocant, Innocentio Decimo Pontifice.

MATHIAS PALMERIUS

Hunc Secretarium fuisse Sixti Quarti Iacobus ait Volaterranus in *Diar. ad ann. mccccclxxxiii*. & Martinellius confirmat in *Roma ex ethnico sacra pag. 224.* qui hanc eius etiam attulit Inscriptionem:

Mathia Palmerio Pisano

Abbreviatori, & Secretario Apostolico

*Qui eloquentia eruditione græca
latinaque claruit*

*Et vita probitate innocentia
frugalitateque*

Prestitit: Vixit annos LX.

Skester Frater P.

Aristæam, nonnullaque alia e græco in latinum opera transtulit: De bello etiam Italico scripsit, & mortuus est die xix. Sept. mccccclxxxiii.

AU-

AUGUSTINUS STACCIOLUS,
five STACCOLUS URBINAS.

QUÆ de hoc Augustino Seraphini filio e nobili Staccolorum familia in Dialogo attulimus, habemus ex Præfat. Io. Francisci Magini, qui curavit edenda eius Carmina thulscæ conscripta ann. MDCCLX. Bononiæ, neque præterea est, quod addamus.

BARTHOLOMÆUS FLORIDUS
ARCHIEP. CONSENTINUS.

Huius infœlicis Secretarii historiam scripsit Ioannes Burchardus in *Diario Curia Romana sub Alexandro VI.* qui ait: *Feria v. XIV. Septembris circa horam quintam noctis Sanctissimus Dominus Noster vocato R. P. D. Bartholomæo Florido Archiepiscopo Consentino Secretario suo, eum capi facie, & carceribus Sancti Angeli mancipari &c. &c. Et deinceps: Feria 2. Octobr. fuit secretum*

Consistoriam, in quo lectus est Processus contra D. Archiepiscopum Cusentinum Sanctissimi D. N. Secretarium habitus, & confessio per eum facta: Eodem die in sero Bartholomaeus Floridus, olim Archiepiscopus Cusentinus, depositus est omni habitu, & vestibus suis, & indutus gonella loco diploidis de panno albo grossissimo, duplicata longa ad medium palmum supra genua, uno pari caligarum albarum de panno grosso, uno pari calceorum coraminis grossissimi, gabbano de panno viridi longo ad terram, & bireto duplo albo, & data sibi in manus imago Crucifixi. Sicque vestitus ductus est ad locum sepulturae Adriani, Somaiocho nuncupatum, pro perpetuis carceribus sibi deputatum, in quo parata sibi fuit lectica ex tabulis more solito composita, & desuper positus paleritiis, & materatium cum duabus Sclavinis, & dati sibi Breviarium, Biblia, & Epistola. Item unum Barrile aquae, tres cachiate panis, unum boccale olei, & lucerna pro lumine. Mandatum fuit per Papam, quod singulis diebus duobus vel sribus

tribus debeat idem inclusus per Castellatum eius nomine visitari, & panem, & aquam pro eius victu, & oleum pro lumine sibi ministrare. Relatum fuit, singulis diebus Sanctissimum D. N. misisse ad praedictum Cusentinum electum Tullensem, & alios familiares suos, qui secum in scacchis luderent, ac ipsum convenientes persuasionibus inducerent ad consuecendum se plura Brevia sine Pontificis jussu expedivisse, ut Pontifex per id se de aliis suo jussu expeditis, quae Regem Hispaniarum irritaverant, excusaret, ac si etiam eo inscio expedita essent. Quod si ipse Cusentinus faceret, eum exaltaturum, & maioribus beneficiis remuneraturum, & huiusmodi persuasionibus Cusentinum praemissa confessum esse, & eo facto dictos Tullensem, & alios ad eum nunquam rediisse. Et deinceps FERIA XIII. Iul. obiit Bartholomaeus Floridus, olim Archiep. Cusentinus,, & Sanctissimi D. N. Secretarius in Castro S. Angeli, & in sero portatus fuit ad Ecclesiam B. Mariae Traspontinae sine lumine aliquo, & ibidem sepul-

tus sine aliqua ordinatione Ecclesiæ . Hanc historiam barbare quidem , sed simpliciter enarratam damus legentium curiositati .

HADRIANUS CARDINALIS CORNETANUS .

Secretarium fuisse Hadrianum Alexandri Sexti narrat idem Burchardus in eodem Diario ; ubi ait : *Sabbato XIV. Octobris Sanctissimus D.N. recepit in Secretarium suum secretum in locum Cusentini R. P. D. Adrianum Castellensem de Corneto Clericum Camera &c.*

Hunc Pierius Valerianus in *Dialog. de litteratorum infelicitate* , emunctissimæ latinis auctorem , appellat , de quo etiam ita scribit : *Beneficio Alexandri Sexti Pontificis Maximi , cui fuerat a secretis ad id honoris (Cardinalatus) erectus , sub Iulio Secundo Pontifice Maximo , mox exul factus , & acerbissimis percussus edictis , annos aliquot in Germanicis Rhætorum alpibus obscuræ , & sordida*

sordida peregrinatione delituit. Defuncto mox Iulio, eique Leone successore, profanissima in talem Principem conjurationis conscius fuit, qua patefacta, veniamque ab humanissimo Pontifice impetrata, diplomateque absolutionis accepto, sua stimulo conscientia exulceratus, noctu clam fugam arripuit, neque quo abierit, neque ubi sit, quatuordecim iam annorum spatio quisquam potuit explorare. Constans autem opinio est, eum insuto in interiorum thoracem auro oneratum, comitis famuli perfidia oppressum, auroque surrepto, cadaver in solitarium aliquem locum abiectum occultari. Locus autem, ubi exulavit, Ripa est oppidum ad Benacum in agro Tridentino, ibique in Templo Mariæ Assumptæ inscriptio legitur Polidoro cuidam Caramico familiari suo ab eodem Hadriano posita.

*Exulat Hadrianus: Tu iam Polidore
re quiescis*

*Aeternumque vales: nobis dira omnia
restant.*

Iovius narrat certam hominem spem adi-

*piscendi Pontificatus concepisse ex oraculo
 fatidica mulieris . Quod semen ipsi fuit
 malorum omnium . Scripsit, dum exu-
 laret, de sermone latino, in cuius libri
 præfat. ad Carolum Principem Hispa-
 niæ ita ait: erat in animo prosequi coeptum
 iam pridem opus sacros veteris instrumenti
 libros ex Hebræo ad verbum in latinum ser-
 monem vertendi, sed quum me procella
 temporis in Tridentinas rupes, quo Iudæi
 ob Simonis cadem ne aspirare quidem au-
 dent, detruferit, atque animus inquiet
 nihil agere non posset, hac sum adgressus .
 Scripsit etiam carmina de venatione &
 de itinere Iulii II. necnon descriptio-
 nem ædium suarum, quas prope Vati-
 canum exædificandas curavit .*

**SIGISMUNDUS DE COMITIBUS
 FULGINAS .**

IS Pauli Secundi, Sixti Quarti, Inno-
 centii Octavi, & Iulii Secundi Se-
 cretarius fuit, a quibus etiam ad varios
 Principes legatus missus est . Et qui-
 dem

dem Cardinalis futurus omnino erat, nisi conjugium impedimento homini fuisset. Poeta fuit, atque orator insignis, scripsitque historiam sui temporis, in decem & novem libros tributam, quæ tamen nunquam in vulgus prodiit. Sigismundum plerique auctores laudant, sed instar maximæ laudis illud est, quod Petrus Bembus in *lib. de Guido Ubaldo Feretrio, deque Elisabetha Gonzagia Urbini Ducibus ad Nicolaum Theopulum* scriptum reliquit: *Nam is (hoc est Iulius II. Pont. Max.) & Sigismundum unice diligit, apud seque habet, atque in scribendis Epistolis præclara eius opera utitur: in quo difficile dictu est, quantum unus omnes excellat, quum scriptionis elegantia, & candore styli, tum plane diligentia, & fide. Sepultus est in Aracælitano templo, ubi hæc inscriptio extat.*

Gismundo de Comitibus

Fulcinati nostri temporis

Historiographo celeberrimo Iulii II. Pontif. Max.

Secre-

Secretario merito ac unanimiter Ludovico Nepoti

Adolescenti vita fuitis an. D. MDXLVII.

d. XXII. August.

*Monumentum piissime sorores posuere
cumque ex Concilii*

*Decreto licitum foret Hoc parvum ob
memoriam Restaurarunt*

An. sal. MDLXV. Idib. Aprilis.

ANTONIUS URSUS VENETUS.

Hunc *Secretarium Apostolicum* fuisse accepimus ex inscriptione sepulchri, quod in Templo S. Marcelli positum est quum illi, tum Ioanni Michaelio Patritio Veneto S. Angeli Cardinali, cuius Antonius familiaris fuit. Huic homini aliquam inscientia juris Pontificii laudem tribuunt Sansovinus, eo libro, qui inscribitur. *Venetia illustrata*, & Fuscarenus, vir nobilitate, atque eruditione præstantissimus, eo libro, quem de literatis Venetis nuper edidit.

En

En Inscriptionis pars, quæ ad ipsum
pertinet.

Ioann. Michaelio Patritio Veneto

Card. S. Angeli &c. &c. &c.

*Antonius Ursus Venetus Secretarius
Apostolic. Episcopus Agiensis familia-
ris Pientiss. sicuti fide ac singulari
amore totius sue vita tempore adsti-
tit ita & in morte ab hac sua gratiss.
subiectione inseparatum videri cu-
piens conditorium Domino suo se-
que sub illo tumulari testamento man-
davit. Qui Innoc. VIII. Alexan-
dro VI. Pii III. Iulii II. Pontif. Re-
ferendarius summa integritate, do-
ctrina, religione, iustitia, vixit an-
nos LXXII. XXVIII. Sept. an. MDXI.*

Iacobus Fr. Benemerentibus Pos.

PETRUS CARD. BEMBUS.

Petri Cardinalis Bembi nomen adeo
clarum in literaria Republica est;
ut quid tantus vir ad restituendas lati-
nas literas egerit, quid scripserit, &
quam

quam eleganter , sapienterque scripserit , nemo ignoret , nisi qui in optimis studiis hospes omnino , ac peregrinus inveniatur ; præsertim quum vitam eius multi auctores , imprimisque disertissimus ipse scriptor Ioannes Casa monumentis literarum mandaverit. Legenda etiam vita Bembi. ab Aloysio Beccatellio Archiepiscopo Ragusino conscripta , quam pulcherrimis animadversionibus illustravit V. Cl. Apostolus Zenus.

De sua Pontificias Epistolas conscribendi ratione quid ipse & senserit , & dixerit , legitur in Epistola nuncupatoria ad Paulum III. librorum duodecim Epistolarum , quas nomine Leon. X. scripsit , quæ data est Patavii idib. Ianuarii MDXXXV. sic enim ait : *Qui etiam eo iustius ad te libri veniunt omnibus politioribus literis , & doctrinis perornatum , quo magis ipsi ea latine loquuntur , quæ adhuc quidem satis vel inepte , vel etiam perperam , nulla quidem certe cum dignitate , more exemploque Urbani & foren-*

forensis disciplina solita sunt scribi ab Epistolarum Pontificalium Magistris, qui triginta esse consueverunt. Hæ quoniam Epistola multas ad exteras per sæpe nationes perferuntur, esse usui nostra hæc diligentia poterit, non hominibus solum nostris, sed illis etiam, ad quos ea non Romane scribendi consuetudo, quod a R. Pontificibus proficiscitur, contagionem quandam affert tradentium maiestate fultam, & comprobata, ut errare se sic scribentes non existiment. Fuerunt tamen, qui hanc ipsam ob causam, quod superstitiosam quandam latine scribendi rationem adhibuerit, illum, neque fortasse inepte, reprehenderint. Inter quos Ubaldinus Bandinellius, qui de hoc iudicio in Epistola ad ipsum Bembum data purgat sese.

Ubaldinus Bandinellius

Petro Bembo.

Iacobus Sadoletus Cardinalis quum mihi caput quoddam literarum tuarum legisset, quo capite ad ea rescriptum erat, qua

quæ is tecum meo rogata, de meo non modo virtutum tuarum honorificentissimo iudicio, verum etiam perpetuo erga te studio egerat, eîs iisdem literis satisfactionem nostram accipere, teque mihi placatum esse affirmabas, tamen, quod a principio altius hæssse tibi obrectatorum meorum criminationes declarabas, quodque eas magis amici gratia condonabas, quam tibi satis purgatas significabas, faciendum mihi visum est pro animi mei conscientia, proque eo quanti te facio, ut aliquid iisdem de rebus ad te literarum darem, quibus aut voluntatem meam tibi vere planeque probarem, aut illam apud ceteros certe testatam relinquerem. Et quoniam omnis offensio orta est ex epistola quadam Nigri, qua illa cum ad te de iudiciis hominum urbanorum de tuis epistolis Pontificiis perscriberet, me illas vehementer vituperare criminatus est, quomodo omnis hæc res acta sit; breviter simpliciterque narrabo. Ego cum in taberna libraria sorte adessem, adessetque Molsa noster, aliique nonnulli: Niger autem, ut opinor, & certe non adesset, ortus est de
 his

his ipsis epistolis tuis sermo, quidamque ex
 iis, quid de illis sentirem, ex me quaesivit:
 cui ego sine ulla cunctatione respondi, satis
 eas sua praescriptione laudatas videri debe-
 re, quid enim, inquam, a Bembo profici-
 sci, nisi doctum, atque elegans potest? Tum
 hoc addidi, me illos libros tamen vendibi-
 liores putare fuisse futuros, nisi a certis
 verbis obsoletis illis quidem, sed tamen
 huic scripturae pene necessariis, tantopere
 refugisses. Cum enim tantum tuum nomen
 esset, nemo non solum harum liberaliorum,
 humanarumque artium studiis deditus, sed
 ne scriba quidem ullus, aut librarius eos
 habere nolisset, praesertim cum eius gene-
 ris epistolae sint, quae in maxima parte in
 ceterarum formularum libris non extant.
 Itaque me illas arbitrari pro dictatis, at-
 que exemplis esse potuisse: sic vero cum
 tantum abhorreant ab forensi verborum
 consuetudine, horum dico nostratium, ne-
 minem illos nisi doctum in manus sumptu-
 rum, eosque ipsos magis ut, quomodo ve-
 teres illi Coss. aut Praetores locuti sunt,
 agnoscant, quam quomodo nostri Pontifices
 loquan-

*loquantur , addiscant . Atque hac summa
sententia mea , sive ut verius dicam , ser-
monis fuit &c. &c.*

Paulus Tertius Pont. Max. Bembum
Cardinalem creavit an. MDXXXIX. com-
mendatione præsertim Cardinalis Ia-
cobi Sadoleti , qui negabat sibi iu-
cundam eam dignitatem futuram , nisi
Bembum studiis , amicitiaque sibi con-
iunctissimum in ea collegam haberet .
Mortuus est Romæ , sepultusque in
Templo S. Mariæ ad Minervam in-
ter monumenta Leonis Decimi , &
Clementis Septimi cum hac inscri-
ptione .

Petro Bembo Patricio Veneto

Ob eius singulares virtutes

A Paulo III. Pons. Max.

In sacrum Collegium cooptato

Torquatus Bembus posuit

Obiit xv. Kal. Febr. MDXLVII.

Vixit annos LXXV I. mens. VII. dies XVII.

IACO-

IACOBUS SADOLETUS CARD.

DE Iacobo Sadoletto Mutinensi eadem fere, quæ de Bembo, fama doctrinæ. Quibus Pontificibus, quandiuque *Secretarius* fuerit Apostolicus, ipse narrat in Epistola, cuius partem, quæ ad illustrandam hominis notitiam valet, afferimus. Hæc Epistola lecta est a nobis manuscripta, atque haud scimus, an unquam antea in lucem prodierit.

Cupienti mihi agere semper aliquid, quod esset dignum iis studiis, in quibus a puero non modo liberaliter, verum etiam magna cum spe fueram educatus, multa sæpe obstiterunt, quæ non tam interromperent quidem hunc omnino meæ voluntatis cursum, quam retardarent. Nam quum mearum initio actionum, quas in media ipsa adolescentia, consiliis postera & consequentis vitæ capiendis susceperam; claris in urbe & potentibus viris observandis me dedissem, quod is fere ad lucem, & ad cogni-

gnitionem hominum omnibus ingenuis, & praestantibus animis aditus primus, atque introitus esse videbatur; usus illorum auctoritate & consilio ad eam vitae rationem me consuli, quae soluta & coelebs, ac Sacerdotum ordini legibus nostris praescripta, magis etiam cum meis optimarum artium studiis, & occupationibus congruebat. Quarum ego artium amore inflammatus cetera omnia valia, & mihi posthabenda esse ducebam. Itaque quantum mihi ab observantia officiis vacui, & liberi temporis relinquebatur, quod erat tum quidem plurimum, totum in Philosophia, & in volutandis summorum auctorum libris, monumentisque terebam, dieque, ac noctu & Graecis & Latinis insudabam literis, semper id mihi, quod illaetas tum ferebat, praecipue habens propositum, ut eis imitandis, quos assidue legebam, immortalitatem assequerer eandem, si possem, quam illos videbam esse consequutos; & in cognitione quidem rerum, atque doctrina ad omnem excellentiam, in parandis vero rei familiaris copiis
ad

ad mediocritatem aliquam pervenirem. Sequuta sunt tempora, quum a Leone X. primum, deinde a Clem. VII. PP. MM. ad negotia publica vocatus, factusque Epistolarum Principalium, h. e. earum, quae, vel ad Reges a Pontifice summis de rebus mitterentur, vel a Regibus eisdem ad Pontificem afferrentur, & lucubrador & custos. Quod munus magni sane in urbe & honoris & nominis superioribus temporibus Magisterium scrinii, nunc a Populo Romano Secretarium Domesticum appellari video. Gratam illam admodum, & mihi non inopportunam occasionem accepi, quae mihi datura eas exercitationes videretur, ex quibus ad ea doctrinae studia, quae colueram, maximarum quoque rerum usum adiungerem. Igitur XIII. annis in eo negotio versatus, quum ita & fidem meam Pontificibus, & ceteris comitatem, liberalitatemque probassem, ut omnibus perspicuum factum esset, nihil a me neque in uberrima re illiberalis compendii, neque in illo honore fastus, sed tantum integritatis fructum & bonam existimationem esse quaesitam &c. &c.

Multa, quæ reliquit, ingenii monumenta doctis omnibus & nota & probata sunt. Vitam Sadoleti Florellus, qui fuit eius familiaris, scripsit eleganter, in qua specimen mihi videtur esse docti, atque integri Cardinalis. Hanc ei dignitatem contulit Paulus III. Pontifex sapientissimus, quum doctos viros, etiam latentes, etiam nolentes, ad Rempublicam vocavit. Mortuus est Romæ an. MDXLVII. quum vixisset annos LXX. menses III. dies VI. sepultusque est in Templo S. Petri ad Vincula, cum hac inscriptione, quæ vitio vel hominum, vel temporum nusquam apparet.

D. C. M. S.

Iacobo Sadoleta Episcopo Carpentractensi S. R. E. Presb. Card. viro morum gravitate prudentia & vite integritate præstantissimo doctrina & eloquentia cum iis quos mirata est antiquitas comparando Paulus Sadoletus Episcopus Carpentoractis, & Camillus Sadoletus Fratrum filii
moesti-

moestissimi multis cum lachrymis Patruo benemerenti pro tempore posuerunt. Vixit ann. LXX. menses III. dies VI.

ANGELUS COLOTIUS.

INter Leonis Decimi Secretarios hic est annumerandus, quem Pierius Valerianus lib. I. de infelicitate literatorum incomparabili probitate virum, & græce latineque doctissimum appellat. Neapoli quum esset, Academiæ celeberrimæ, quam Pontanus instituerat, ascriptus est. Literatorum amicissimus omnium fuit, quippe cui Ælius Calentius, Poeta insignis, suos quatuor Elegiarum libros, & Antonius Mancinellius Sermonum Decadem, ipse denique Pontanus de Magnanimitate librum inscripserit. Romæ domum suam patere voluit doctis quibusque viris, cuius splendor non ineptis deliciis, sed veteris Romæ eruditis monumentis, & lectissi-

morum librorum copia constabat. Aliqua eius venustissima carmina in Coryciana elegantissimorum Poetarum collectione leguntur. Eum Clemens Septimus Episcopum Nucerinum fecit, atque Asculo præesse cum imperio voluit, quam provinciam sancte, prudenterque administravit. Mortuus est ann. MDXLIX. Eius vita a Federico Ubaldino conscripta typis Romanis vulgata est an. MDCLXXII.

FRANCISCUS BRACCIOLINUS.

Hunc non tam suo, quam Poggii Patris nomine clarum dilexit plurimum Leo Decimus, quem, Canonicus quum esset Ecclesiæ Florentinæ, præmiis propositis Romam evocavit, & *Secretarium* esse suum voluit. Intelligentem fuisse Iuris Canonici ex libro apparet, quem *de Potestate Papa*, & *Concillii* conscripsit. Annos natus undeoctoginta Romæ obiit sexto Kal. Iulii MDXXII. & sepultus est in Templo S. Gregorii. Æmi-

ÆMILIUS FERRETTIUS.

Huius hominis , qui in Castro Franco in Etruria natus est ann. MCCCCLXXXIX. varium fuit & vitæ , & eruditionis genus . Cum literis enim humanioribus Canonici , & Civilis Iuris scientiam coniunxit. Adolefcen-
tulus quum effet , *Secretarius* fuit Car-
dinalis Salviati , deinde Ius civile do-
cuit , propterque ingenii elegantiam
a Leone Decimo locum habuit inter
Apostolicos Secretarios : Quo non mul-
tos post annos relicto , in Patriam re-
dit , unde , quum biennium illic fuif-
set , vim adverfariorum fugiens , qui
Patrem eius interfecerant , Neapolim
militatum abiit; fed profligato exerci-
tu Lautrechii,quo ipfe Imperatore me-
rebat , captus est ab Hispanis militi-
bus , grandique pecunia redemptus in
Galliam proficifcitur , ubi benigniore
fortuna ufus est . A Francisco enim
Primo Confiliarius in Curia Parifiensi
factus ad Venetos , & Florentinos le-

gatur. Postremo ad Ius Civile docendum relapsus Cathedram Avenionensem constituit. In huius autem Cathedrae veluti lemmate hoc est inscriptum:

Peritum orno, imperitum dedecoro.

Huius auctoris in scribendo elegantiam ita Muretus elevat in Orat. XII.

Qui (Ferretius v.) si ipse tam bene latine scripsisset, quam sibi videbatur, nonnihil fortasse nos illius commoveret auctoritas. Nunc quum nonnulla quidem ita scripserit, ut eadem venus, eadem suadela, quae in Bartoli labris sessitaverat, huius quoque libris insedisse videatur: In quibus autem cultior, ac comitior esse voluit, ostenderit tamen, ne quid gravius dicam, se deliciarum rerum, quam deliciarum latini sermonis intelligentiorem fuisse

Bonus Iurisconsultus fuerit, nihil enim impedio: latinitatis certe non admodum idoneus existimator fuit. Contra tanta valuit in Iure Civili vel doctrina, vel opinione doctrinae, ut, quum eius in docendi munere successor Simon Cravetta aliquid de hominis fama detraxerit

here velle videretur, statim ab auditoribus exhibitus, & deinde etiam Avenione exterminatus fuerit. Multa de Iure scripsit, sexagintaque tres annos natus Avenione obiit an. MDLXXII. Vide Niceronium tom. v.

BENEDICTUS ACCOLTUS
CARDINALIS.

Hunc Florentiæ natum ex familia, unde multi extiterunt docti viri, adolescentem admodum Leo Decimus Gaditanum Episcopum fecit; Cremonensem Adrianus Sextus, cuius etiam *Secretarius* fuit. Quo in munere quum Clemente VII. Pont. una cum Sadoleto versatus aliquantum esset, Cardinalis factus est; adversaque in Pauli tertii Pontificatu fortuna conflictatus, in Arcem Adrianam detrusus est. Denique Florentiæ obiit anno MDLXIX. Nonnulla & versu & prosa scripsit, ab omnibusque eius temporis viris & dilectus & laudatus est. Extat
Epi-

Epistola etrusce scripta Hieronymi Nigri, in qua illum *Sadoleri Bibulum* appellat, id quod in Dialogo memoravimus.

PAULUS VALDARABINUS.

INterfectum hunc fuisse in direptione Borbonia, & *Secretarium* præterea fuisse Clementis Septimi, qui tum erat Pontifex, ex Torrigio. novimus *Grotte Vaticane part. 2. cap. 8. pag. 262.* Nos autem Fratrem, vel agnatum fuisse suspicamur Gerii illius, quem Valdambrinium, atque Aretinum domo virumque in literarum studiis toto vitæ tempore versatum, & Clementi Septimo percarum narrat Pierius Valerianus lib. 2. *de literatorum infelicitate*; cuius etiam repentinam, atque immaturam mortem altero eiusdem Clementis Septimi Pontificatus anno accidisse commemorat. Certe nominis similitudo, benevolentia Pontificis, multaque alia concurrunt, quare hæc mea

235
mea suspicio non omnino inanis videri possit.

FABIUS VIGIL SPOLETINUS.

HIC quoque in claris habitus est *Secretariis Pontificiis*, eiusque opera usus est Paulus Tertius. Poeta fuit elegantissimi ingenii. In libello, cuius supra mentionem fecimus, qui Coryciana inscribitur, & est admodum rarus, nonnulla eius leguntur carmina. Nonnullaque alia ab eo scripta esse Ughellius affirmat. Eundem hunc esse arbitrör, atque illum, quem Sadoletus in Italica quadam Epistola *Messer Fabiano da Spolei* appellat, & *Secretarium* esse ait Pontificis. *Lett. de XIII. Uomini illustri lib. 6.* Ughellio teste, Episcopus primum Fulginas, deinde Spoletinus fuit. Romæ demum obiit singulari eruditionis fama.

BLOSIUS PALLADIUS SABINUS .

Castro veteri in Sabinis ortus Palladius Poetica facultate maxime valuit, suisque carminibus Suburbanum Augustini Chisii illustravit. Præterea habet Coryciana aliquot eius Hendecasyllabos, atque epigrammata. A Paulo III. cuius fuit *Secretarius*, Episcopatu Fulginati auctus est; quo abdicato, Romam se contulit, ubi obiit ann. MDLVII I. sepultusque est in Templo S. Mariæ in Aquiro, uti constat ex Inscriptione, quæ consequitur.

D. O. M.

Blosio Palladio Sabino Prasuli Fulginat. Clementis VII. Pauli III. Iul. III. Pontif. a secretis, viro in omni vita probatissimo Incurabiliū, Orphanorumque socii heredes posuerit MDL.

BERNARDINO MAFFÆUS CARD.

Romæ natus Romanæ hic antiquitatis amator fuit, quam adeo diligenter habuit cognitam, ut eam valde illustraverit eo volumine, quod *de Inscriptionibus & imaginibus antiquorum numismatum* scripsit. Quam vero fuerit veterum & oratorum & poetarum excellens imitator, ex epistolis, orationibus, & carminibus cognoscimus; iisque animadversionibus, quibus explicavit Ciceronem, exemplum in scribendo unicum suum. In Biblioth. Vatic. ms. elogium extat, ex quo multa possunt percipi, quæ ad diligentiore huiusce Cardinalis notitiam pertinent. Quum aliquot annos Alexandro Farnesio Cardinali, Pauli Tertii Pontificis Nepoti, operam suam in conscribendis epistolis probasset, ab eodem Paulo Tertio Canonicus S. Petri, Episcopus Massensis, Secretarius suus, ac demum Cardinalis factus

ctus est . Morum sanctitatis nullum
 afferre maius testimonium possumus ,
 quam quod S. Ignatii amicissimus fue-
 rit . Magnum denique sui desiderium
 reliquit , quum quadraginta nondum
 annos natus Romæ obiit xvii. Kal.
 Augusti an. MDLIII. Sepultus est in
 Templo S. Mariæ ad Minervam, atque
 in monumento hoc extat elogium .

D. O. M.

*Bernardino Hieronymi Filio Maffæo
 S. R. E. Presbytero Cardinali vixit
 annos xxxix. menses v. dies xx.
 obiit xvii. Kal. Augusti MDLII.*

MARCELLUS SECUNDUS PONTIFEX ,

M Arcellum Cervinum Senenses
 suum , Politiani suum , Montis
 item Fani homines in Piceno suum di-
 cunt esse . Et illi , quod apud se edu-
 catus fuerit in nobilissima Spannoc-
 chiorum domo, eamque ob causam di-
 ci ipse voluerit *Cervinus de Spannoc-*
chiis ;

chiis : Alteri , quod Cervinorum familia antiquissima in ea Civitate sit : Postremi autem , quod eo in loco natus fuerit . Sed illum Pontificiarum Epistolarum Scriptorem constat fuisse ; idque potissimum habemus ex Oratione Iulii Podiani in eius funere : *Hunc (ait enim) tum quatuor & triginta annos natum excitatum a doctrina studiis PONTIFICIÆ SCRIPTIONI , & Reipublicæ Pontifex præfecit . Quibus in actionibus ita se gessit , ut quum cetera Paulus laudaret , prudentiam , & auctoritatem obstupesceret . Ab eodem Pontifice Cardinalis factus , Pontificatum ipse , mortuo Iulio Tertio , adeptus est , nimis quidem brevem , quippe dierum XXI . sed in quo magna spes , & prope explorata rerum optimarum ostendebatur . Erit etiam non vulgare Cerviniæ gentis ornamentum , quod non solum Marcellum protulerit Pontificem tam insignem , sed Pontificis sororem Cynthiam , quæ Robertum Bellarminum peperit . sanctissimum doctil-*

doctissimumque Cardinalem, magnum
illud Romanæ Ecclesiæ lumen, & de-
cus. Marcelli vitam nuper accurate
scripsit Petrus Pollidorus. Mortuus
Romæ est, sepultusque in Templo
Vaticano cum hac Inscriptione :

Marcellus II. Cervinus

Politianus

Pontifex Maximus

Sedit dies XXII.

Vixit annos LIV.

Obiit Kal. Maii MDLIV.

ROMULUS AMASÆUS
UTINENSIS.

HIC græcas, latinasque literas pu-
plice docuit Patavii, & Bono-
niæ, qua in Urbe *Secretarius* etiam
Senatus fuit. Erat enim Bononia
oriundus. Romam deinde a Paulo
Tertio evocatus eloquentiam docuit,
annuo sexcentum nummum aureorum
stipendio decreto, ab eodemque Pon-
tifice

tifice Alexandro Farnesio Præceptor
 datus est . Qua ex re crevit adeo non
 solum fama doctrinæ , sed etiam au-
 ctoritate , & prudentia , ut ad Impe-
 ratorem, Germaniæque Principes, at-
 que ad Poloniæ Regem magnis de re-
 bus a Pontifice mitteretur . Hunc au-
 tem *Secretarium* suum fecit Iulius Ter-
 tius an. MDL. Quem locum tenuit an-
 nos duos . Mortuus est enim MDLII.
 uti constat ex Epistola Antonii Sero-
 nis , quæ extat in Collectione Epi-
 stolarum Italicarum , quam emisit
 Franciscus Turchius . In quo error
 prehenditur Thuani, qui eum mor-
 tuum esse narrat ann. MDLVIII. Vixit
 autem annos LXIII. scripsit *orationum*
volumen , & *scholas duas de ratione in-*
stituendi . Pausaniæ *descriptionem Græciæ*
 latine vertit . Quod tamen maiore
 elegantia præstitisse existimatur, quam
 fide . Xenophontis etiam *de Expeditione*
Cyri libros septem latinos fecit . De-
 nique inter Epistolas clarorum viro-
 rum selectas , quæ in lucem prodie-
 runt ,

Q

runt Colonie m^ol^oxix. nonnullæ etiam Romuli Amasæi annumerantur .

PAULUS SADOLETUS .

HIC acceptam a Patruo Iacobo Cardinali Sadoleto gloriam auxit virtute , atque industria sua . Neque enim illi solum in Episcopatu Carpentoractensi successor fuit , sed in munere etiam scribendi Pontificias Epistolas , ad quod munus Romam est a Iulio Tertio Pontifice evocatus . Id facile intelligitur ex iis literis , quas italice conscriptas an. m^ol^oi r. Paulus Sadoletus hac de re ad Hieronymum Cardinalem Dandinum dedit , & nos afferendas existimavimus .

A Mons. Girolamo Card. Dandino .

PER la lettera di V. S. R. di xxv. del passato scritta di man sua, e con la sua rara , & incomparabile gentilezza & dolcezza , veggio l' onorato peso , ch' è piaciuto a
to a

so a N. S. d' imponermi , chiamandomi al
 luogo di suo Secretario. Del qual' honora-
 to giudicio , oltra l' infinita & principale
 obligazione , ch' io mi sento haver' alla be-
 nignità , & beneficenzia sua , io so bene ,
 quanta parte io ne riconosca dallo amore &
 affezione fraterna di V. S. R. verso di me
 & dal suo desiderio del ben mio . Io accetto
 tutto per bene , & voglio credere , & spe-
 rare , che sia per nostra salute quello , che
 senza alcuna opera nostra è ordinato dal
 Sig. Dio , massimamente col mezzo di coo-
 peratori sì degni , & di sì buona mente .
 Ben dico a V. S. R. che s' ella avesse una
 volta gustato , quali sieno i piaceri , e le
 sincere dilettazioni , & dolcezze di que-
 sta vita , libera da i negozi , & dalle ser-
 vitù humane , & serva di Dio , & del
 proprio , & principale officio della vocation
 nostra , il che tanto più poi sentono coloro ,
 che sono di più pura vita , che non sono io .
 ella saria forse andata più ritenuta in tur-
 bare questo stato a un suo sì caro amico .
 Ma di questo parleremo più lungamente in
 presenza . Vegga pur V. S. R. di non ha-

vere per soverchio amore ampliato troppo il suo testimonio di me, perciò che s'io m'accorgo, che ella habbia promesso per me di troppo gran somma, sarà forza per poterla pagare, che io mi rivolti ad improntar da lei della sufficienzia, & eloquenzia sua. V. S. R. vedrà per la mia risposta al Breve di Sua Santità, come io m'inclino a fare la obediienza, tratto in vero più dall' amor di Sua Beatitudine, ond' io son preso, per così amorevole sua dimostrazione verso me, che da alcun' altro obietto, non essendo mai i disegni, & desiderj miei usciti de' termini della mediocrità, parendomi, che in quella consista la vita più felice. Desidero, & così commetto al mio M. Giacopo Sacrato, che la detta mia lettera sia presentata a Sua Santità per mano di V. S. R. acciò col mezzo della destra maniera sua le sia tanto più grata, & ancora acciocchè V. S. R. possa fare la scusa della tardanza d' essa mia risposta, la quale è stata causata dal ritenimento del Breve, che da Lione infin quì è stato per via XIV. giorni, come ella potrà vedere per

per l' inclusa fede di chi me l' ha dato . Et
 perchè io vengo con disegno di accostarmi
 quanto più mi sarà lecito , & di star fisso
 al lato di Sua Santità per lo gran deside-
 rio , ch'io ho di mostrarmele grato, mi faria
 caro , d' haver qualche stanza in Palaz-
 zo , dove potessi habitare non incomoda-
 mente , & con qualche poco di decoro , vo-
 lendo io nel resto non perdonare a spesa se-
 condo le facoltà mie , per fare honore . In
 questo se vostra Signoria Reverend. mi po-
 trà aiutare , con usare però ogni modestia ,
 & pudore a mio nome nel domandare , ha-
 vendo ricorso ancora al parrocinio del Re-
 verend. & Illustriss. Card. di Monte , mio
 Signore così humanamente , & spontanea-
 mente con lettere da sua Sig. Reveren. of-
 fertomi , certo ella mi farà cosa somma-
 mente desiderata , & cara . In buona gra-
 zia della quale con tutto il cuore mi racco-
 mando sempre . Di Carpentras , a' xxx.
 d' Agosto MDLII.

Ad hæc Abbas Nicolaus Rosflus ,
 quicum pervetus mihi amicitia , &
 consuetudo est, Excellentissimæ Cor-

finiæ Familiæ *Secretarius*, & propter singularem eruditionem, atque elegans tum latine tum etrusce scribendi genus dignus sane, qui cum iis Epistolarum scriptoribus conferatur, quos sæculo xvi. floruisse accepimus: Is, inquam, narravit mihi: se legisse, quondam Epistolas aliquot a Paulo Sadoletto Pontificis nomine conscriptas, atque unam præsertim accuratam, & copiosam datam ad Reginaldum Cardinalem Polum de Angliæ Regno ad Catholicam Religionem reducendo. Illud certe constat, Paulum Sadoletum fuisse hominem divinarum humanarumque rerum peritum, doctum, eloquentem; nec non in paucis, quæ scripsit, disciplinam omnem, & quasi imaginem Patruï expressisse.

IOANNES FRANCISCUS BINIUS.

HIC etiam extitit ex eadem Card. Sadoleti disciplina, cui in munere conscribendi Pontificias Epistolas succ-

successit. Ad hanc rem apertissime declarandam, nec non ad magnam hominis laudem valet Epistola, quam Iacobus Sadoletus ad Cardinalem Trivultium de Binio Italice scripsit, & hæc est.

Al Cardinal Trivultio.

Penso, che vostra Signoria Reverendissima sappia la stretta familiarità, che hebbe meco M. Gio. Francesco Bini, mentre io era in Roma, & l'amore, ch'io li portava, & la stima, ch'io faceva di lui per la sua virtù, sufficienza, & integrità; le quali cose erano in lui tali, che io in tutto quel tempo, che stetti nell'ufficio del Segretario sotto Clemente, felice memoria, mi valse molto, con mia gran comodità, & honore, dell'opera, & industria sua in quello essercizio, essendo lo stil di lui accettato per mio, & quando partj di là, essse meritò d'esser nel detto ufficio in gran parte mio successore, essendo chiamato al servizio più secreto, & più familiare di Sua Santità. Nel qual luogo con quanta

fede , & diligenza si sia sempre portato , non dubito che vostra Sig. Reverendissima, che è stata presente , lo sappia ancor meglio di me . Ora essendo egli per la morte di Sua Santità rimasto senza patrone , & quel che più m'incresce , senza premio della servitù sua pari alla sua virtù , non posso fare di non ripigliar pensiero di lui & delle cose sue , & di non cercare con ogni mia opera d' aiutarlo , dove io ne vegga l' occasione . Et però credendosi , per la elezione fatta hora da N. Sig. di M. Fabiano da Spoleti per suo Secretario , che il vostro sacro Collegio vorrà in luogo di lui provveder d' un' altro nell' officio del Chericato , che il detto M. Fabiano teneva prima , ho voluto raccomandare in questo a vostra Signoria Reverendissima il mio sopradetto M. Bino , & pregarla con ogni mia affezione , & studio , che accadendo , che si faccia elezione d' alcuno , ella voglia per amor mio , con l' autorità , & favor suo , fare opera , ch' ei sia preferito & eletto a quello officio , al quale è attissimo , & sufficiente .

*Ceterum Binius homo prompto
inge-*

ingenio fuit , & non inexercitatus ad latine scribendum . Poeta etiam etruscus habitus est elegans , & facetus .

Ex inscriptione sepulchri , quod positum illi fuit in Templo S. Mariæ Maioris, colligimus & eiusdem Basilicæ Canonicum , & trium Pontificum Iulii Tertii , Marcelli Secundi , Pauli Quarti, nec non sacri Cardinalium Senatus *Secretarium* fuisse . Inscriptionem legimus in Schradero fol. 150.

Ioanni Francisco Bino Florentino Civ Romano huius adis Sacerdoti Canonico , viro bono docto atque urbano ob probatos mores puramque orationem Summorum trium Pontificum Iulii III. Marcelli II. Pauli IIII.

ac sacri Senatus scribe

Margarita Soror Fratri Optimo .

ANGELUS MASSARELLUS.

A Paulo Quarto Pont. Max. hic *Secretarius* delectus est , atque Episcopus factus Telefinus . Ita de illo Ughel-

Ughellius : *Angelus Massarellus Septempedanus Picenus Patriam illustravit gloria doctrina , & eruditionis fere omnigena commendatione . Ex Priore Collegiata Ecclesie sua Patria adlectus est Episcopus Telfinus a Paulo Quarto , CUIUS ERAT A SECRETIS die XV. Decembris MDLVI. Sub Pio Quarto Concilii Tridentini Secretarius fuit , cuius acta stylo facundo , & nobili conscripsit..*

Angeli Massarelli ms. *Diarium* ab obitu Iulii Tertii usque ad an. MDLXI. de rebus Concilii Tridentini adservatur in Tabulario Vaticano ; eiusque exemplum unum in Burghesiana Bibliotheca extare dicitur . Sed Ughellii testimonium persequamur .

Tandem fama, ac laboribus onustus Roma mortalitatem explevit anno MDLXVI. honorifice tumulatus in ade aracoelana, hoc ad sepulchrum habet Epitaphium :

D. O. M.

*Angelo Massarello Sanseverinati in
Picentibus iuris utriusque Doct. Epi-
scopo Telfino Christiana pietate ac do-
ctrina*

Strina insigni, qui cum Iulii III. Marcelli II. & Pauli III. Summarum Pont. a secretis fuisset, eodem Secretarii munere in sacro Concilio Tridentino functus est, in quo ita se gessit, ut nihil eorum, quæ in ipso Concilio acta sunt vel minimum desideretur. Michael Angelus, & Cynthus Pamphilus sororis filius fratri & avunculo de se optime merito merentes posuere vixit an. LVI. ob. XVII.

Kal. Augusti MDLVI.

Neque tamen prætereundum est per honorificum testimonium Panvinii. Magna post hæc habenda est gratia ab omnibus Historiæ Ecclesiastica studiosis Angelo Massarello Sanseverinati Piceno Romani Pontificis a secretis, cuius beneficio, & singulari caritate, ut est vir omnium humanissimus, adiutus sum, quum in omni hoc opere conficiendo, tum præsertim in hac parte, quæ eorum Pontificum & Cardinalium seriem continet, qui absentes ab Urbe in Galliis Avenione commorati sunt; me enim benigne, & amice iuvit, mihiq;
multa,

multa, quæ ipse in hac materia congregaverat, libenter tribuit. Nam inter cæteras Urbani V. Gregorii XI. Clem. VI. & Benedicti XI. dicti XIII. creationes mihi accommodavit, quarum ita distinctam notitiam antea non habebam.

IULIUS CANANIUS CARD.

TOtam huius Secretarii quasi vitam intueri licet in Epitaphio bene longo, quod Ferrariæ in eius sepulchro inscriptum est:

D. I.

*Iulio Canano nobili Ferrarien. S. R. E.
Tit. S. Anastasia Presbyt. Card. Ex
Cananorum Bizanthii stirpe Paleologis
Imperatoribus una propagata.
Qui Iulio III. Pont. Max. iuvenis
admodum a SECRETIS adeo acceptus
inservivit, ut in eum Pontificiam
auctoritatem, supplicationes quas-
cunque, scripturasque signandi fidenter
effuderit. Qui Adria & Mutine
Episcopatus beneficia cohibendo He-
reses*

*reses extirpando ac templa restituen-
do vigilanter rexit . Qui a Grego-
rio XIII. postrema illa promotione in-
ter Cardinales cooptatus fuit . Qui
denique Sixti V. Legatus Æmiliam
tam æquè iusteque est moderatus , ut
nomen eius perpetuo gloriosum sit per-
mansurum . Alexander S. Iacobi E-
ques, & Sapientum iudex fratri opti-
mo grata testificationis ergo P. I. vi-
xit annos LXVIII. obiit v. Kal. De-
cembris MDXCII.*

Nos addimus , quod Elogii auctor
prætermisit, Cananii fortunæ initium
ex eo peti debere , quod ab epistolis
fuerit primum Balduino de Monte, de-
inde Balduini fratri Ioanni Mariæ de
Monte Cardinali , qui summus Ponti-
fex fuit . Tantum privati obsequii fru-
ctum tulit.

PETRUS PAULUS GUALTERIUS .

Hunc Marcello Secundo ab Epi-
stolis latinis fuisse liquido ap-
paret ex inscriptione , quæ in Templo
S. Ma-

S. Mariæ ad Viam , quæ lata dicitur , sepulchro eius incisa est , quæque affertur a Martinellio eo libro , qui primo trionfo della Santa Croce inscribitur .

D. O. M.

*Petro Paulo Gualterio Presbytero Civi
& Archidiacono Aretino huiusce Ec-
clesiæ Canonico, & S. Card. Ordinis a
secretis, qui cum Marcello II. P.M.*

*IN LATINIS EPISTOLIS SCRIBENDIS
egregiam operam navasset , ac aliis
Pontificibus ob vitæ probitatem , di-
sciplinarum peritiam , & linguarum
varietatem gratus fuisset vel degens
Romæ annos LV. ibidem in omnibus
fortuna eventibus , totus ex se pen-
dens, aureaque mediocritate contentus
suos non minus virtutum suarum
exemplo , quam beneficiis honestavit
Stephanus & Raphael fratres moest.
poss. vixit an. LXXI. mens. V. dies VII.*

obiit d. MDLXXII.

CÆSAR.

CÆSAR GLORIERIUS GALLUS.

Hunc fuisse multis summis Pontificibus earum Epistolarum a secretis, qua Brevia vocant, ait Erythræus, qui addit etiam, quod Gregorius XIII. Pontifex Cæsarem Brevium conficiendorum munere ac loco deiecerit, caussatus, nescio quid de re admodum gravi ab eo esse conscriptum, quod non ipse inisset. Sed huius calamitatis Cæsari causa fuit Alexander filius, qui Clericus Cameræ quum esset, pro iure sui Collegii libere nimis, adeoque contendit adversus Philippum Guastavillanum Cardinalem, & S. R. E. Camerarium, ut graviter offenderit apud Pontificem, cuius Cardinalis erat Sororis filius. Scripsit historiam direptionis Borboniæ, cuius in Dialogo mentionem fecimus.

ANTO-

ANTONIUS FLOREBELLUS
MUTINENSIS.

S. **P** II Quinti Pont. Max. hunc *Secretarium* fuisse constat ex libris quinque Epistolarum eiusdem Pontificis, quos Franciscus Goubau Antwerpæ emisit in manus hominum ann. MDCXL. Quarum Epistolarum pleræque a Florebello conscriptæ deprehenduntur. Lavellinum Episcopum factum esse die XXVIII. Augusti ann. MDLVIII. narrat Ughellius, qui cum *eruditione singulari virum, omniumque scientiarum genere illustrem appellat*. Neque immerito: scripsit enim vitam Cardinalis Sadoleti, cuius fuit familiaris: Orationes item tres: *ac de auctoritate summi Pontificis Ecclesie capitis librum*. Obiit Mutinæ, quæ ipsius Patria fuit, ann. MDLXXIV.

IULIUS

Clarum alterum S. Pii Quinti Secretarium nominat Possevinus l. i. *sua Bibliotheca* ubi ait : *Iulius Rogerius Protonotarius , & Secretarius Apostolicus , Abbas Lamularum , & Theologus , qui nostra vixit aetate , quique in Polonia Legatione apud eum Regem est functus pro S. A. Sede .* Huius Polonicæ Legationis Acta ms. habet sua in exquisitissima Bibliotheca Marefuschius Præsul amplissimus , ac eruditissimus , quem honoris causa nomino . At Rugerium Theologum fuisse non ignobilem , & vero etiam elegantem scripta eius ostendunt Venetiis divulgata anno MDLXXXI . Illum certe Dupenius inter Scriptores Ecclesiasticos sæculi XVI. connumerat .

IULIUS POGIANUS .

Abeodem Possevino hic in Novariensi natus agro collaudatus est : ait enim in *sua Bibliotheca* : *Iulius Pogianus*

R

gianus

gianus S. Iohannis Chrysostomi librum de
virginitate e græco bene latinum reddidit,
quam versionem Plantinus Antuerpiæ
protulit in lucem. Feruntur eius *Lectiones*
Historice Breuiarii Romani sub Pio Quin-
to Pontifice Maximo. Eius etiam opus est
ultimum caput Romani Catechismi. Hæc
autem omnia scripta optime sunt.
Quamquam de sua scribendi ratione,
Romæ quum esset, in sua quadam Epi-
stola ita Paulum Manutium alloquitur.

Nec vero scitio, quid me non aminino
languentem ocio, aut, quando etiam ita
vis, non tardum ingenio magnopere in stu-
dio unquam adiuvet cœli, aut loqi huius
opportunitas, contra potius, quantum mihi
Roma obfuerit, intelligo: nam cuicumq. hic
operam dederim, ea adhuc officii conditione
dedi, ut eius, apud quem essem, non meo
arbitrio & studere, & scribere cogerem.
Quæris, quæ sit hac in Urbe ratio scriptio-
nis, & lectionis mea? horrida, inculta,
& plane dissimilis eius artis, in qua ipse
singulari honore versaris; quin etiam coe-
lum hoc, cuius affectio, te olim incolam huius
Ur-

*Urbis, eloquentiam vobis ingenerabas, ne-
 scio quo modo est immutatum, & vim il-
 lam suam dimisit; ne summorum quidem
 virorum imagines consuetudinem servant
 in admonendo suam: prorsus mutæ sunt,
 ut aliis quibusdam loquentibus modo ima-
 ginibus silentio gratificari videantur. Re-
 liqui sunt Gulielmus Sirletus, & Octa-
 vius Pantagathus, duo eruditissimi, ac san-
 ctissimi viri, quos, si, quod mihi esset opta-
 tissimum, quamquam mihi facultatem eo-
 rum concedit humanitas, frequens possem
 convenire, non me mea fortuna poeniteret.
 Sed tanti, tamque propinqui boni fructum
 necessaria assiduitas opera mea capere non
 finit. Ita mecum actum est, & agitar in-
 commodius, qui quum praeclara alia multa
 Romæ cum multis desidero, tum istam or-
 nato dicentem, non solum pure loquentem
 prudentiam, cuius cupiditate sum incensus
 a puero, in his eius sedibus dolenter inter-
 dum requiro cum paucis, ac lustratis ani-
 mo terris omnibus, in unis fere tuis adibus,
 id est in scriptis conclusam Romana oratio-
 nis dignitatem & amo, & admiror.*

Omnium sui temporis doctorum,
 virorum amicitia floruit, Sirletoque
 imprimis, Seripando, Commendono,
 Ofio Cardinalibus sapientissimis usus
 est familiariter. Multas, easque ele-
 gantes ad eos epistolas dedit, quæ ma-
 nu scriptæ in Bibliotheca Barberinia
 adservantur, dignissimæ quidem, quæ
 aliquando in lucem proferantur. Ve-
 rum audio Epistolas eius, & eas præ-
 fertim, quas Congregationis Concilii
 Tridentini nomine Pogianus ipse con-
 scripsit, a Hieronymo Lagomarsinio
 S.I. omnium viro elegantiarum studio-
 sissimo, propediem evulgatum iri, &
 quidem eruditissimis collustratas ani-
 madversionibus. Quum igitur Pogia-
 nus & ingenio bono, & studio singula-
 ri, moribus etiam esset suavissimis, mul-
 torum primum Cardinalium, & (quod
 in ipsius maxima laude ponendum est)
 S. Caroli Borromæi: deinde Congre-
 gationis Concilii Tridentini; postre-
 mo vero S. Pii V. Pont. Max. *Secreta-
 rius* fuit. Quo in munere Romæ obiit,
 se-

sepultusque est in Templo S. Petri in
Ianiculo, ubi hoc eius legitur elogium.

Julio Pogiano Novarien. Honestis moribus

Ingenio & eloquentia Præstanti

Pontificum Max. Piorum IIII. & V.

Ab epistolis latinis

Io. Antonius & Bartholomæus Fratri

Charissimo fecerunt . Vixit Ann. XLVI

M.I.D. XXIII. Decessit non. Nov. MDLXVIII.

ANTONIUS GRATIANUS.

SI præclarum est laudatissimis viris
placere , magna est certe Antonio
Gratiano laus tribuenda , quod ita
celebratissimo Cardinali Commendo-
no placuerit , ut hoc eodem & magi-
stro , & Patrono, & amico, & demum
quasi parente Gratianus uteretur. Qui
eius *scripta* legerit *invita minerva* , quæ
non ita pridem edenda curavit Lago-
marfinius , quem supra laudavimus ,
nihil ille quidem desiderabit eorum ,
quæ ad Gratiani vitam pertinent , &
multa etiam intelliget, quæ ad Reipu-
blicæ , illorumque temporum cogni-

tionem pertinent. Libri sunt sane utiles, quos tamen nemo fere legit: at Transalpinorum ineptias quasunque conquirunt, & legunt plerique avidissime. Ex iisdem scriptis *Secretarium* illum fuisse Sixti V.prehendimus. Perhonorificam eius mentionem Ianus Nycius Erythræus facit in Pinacotheca pag. 484. Plura scripsit velut *de casibus virorum illustrium: vitam Commendoni: de Bello Cyprio*. Sed nihil tam eius prudentiam, atque eloquentiam civilem declarat, quam epistolæ illæ, quas, quum Legatus esset Pontificis apud Venetos, italice scripsit, quasque legi in Bibliotheca Cardinalis Portocarreri, qui nunc Regis Hispani ad Pontificem Legatus, & Principis viri, & Ecclesiastici hominis virtutes, non ita sæpe inter se congruentes, mirifice coniungit. Episcopus Gratianus factus Amerinus, & tam tenui suorum laborum, studio-rumque præmio remuneratus, eam in Urbem post Venetam Legationem libe-

libenter concessit, aulam pertæsus,
 quæ magnos, & doctos viros admi-
 rari magis, quam ornare solet. Obiit
 Ameriæ xvii. Kal. Aprilis mdcxi.
 annum agens lxxv.

THOMAS ALDOBRANDINUS.

Thomas Aldobrandinus Silvestri F.
 Clementis Octavi Pontificis Fr.
 S. Pii V. *Secretarius* admodum iuvenis
 factus est, in eoque munere eius ope-
 ra pluris etiam fuisset, si diutius vi-
 xisset. Fuit enim græce, latineque
 scientissimus. Laertium vertit e græ-
 co, eamque versionem Henricus Ste-
 phanus, & Isacius Casaubonus viri
 doctissimi suis animadversionibus non
 dubitarunt illustrare. Ioannes Serin-
 gu in *Præfat. ad vitam Clem. VIII.* eum
 mirifice laudat, & quum *Secretarius*
 S. Pii V. esset, nimis cito obiisse com-
 memorat. Nos Epistolam existimavi-
 mus afferendam, quæ Commendoni
 nomine a Gratiano ad eum scripta est.

Molto magnifico, & Reverendo Signor come Fratello. Veramente che il dolore, che ho sentito de la perdita di Messer Giulio Poggiano si è molto ben consolato dalla nuova, che hebbi dipoi de l' electione, che haveva fatto N. Signore de la persona di V.S. per suo SECRETARIO de Breui. Di che io ho sentito singular contento, così per l' onore, che ne viene a V.S. & per il testimonio, che ha dato Sua Santità de l' opinione, che tiene de la molta virtù sua, come per servizio DI QUEL LOCO IMPORTANTISSIMO A LA DIGNITÀ DI COTESTA SANTA SEDE. Me ne rallegro con V.S. & con i fratelli suoi: a i quali ho sempre & desiderato & sperato ogni grandezza per il valore & meriti loro; & Lei ringrazio de l' amorevole lettera sua, & de l' avviso, che ha voluto essa stessa darmi di ciò, & me le offero & raccomando. Di Vienna alli 23. di Dicembre 1568.

ANTO-

ANTONIUS BUCCAPADULIUS
ROMANUS,
ET THOMAS GUALTERUTIUS
FANENSIS.

Magna in his duobus *Secretariis* Pontificiis morum, atque ingenii dissimilitudo fuit, quorum, quum accurate historiam exprefferit Ianus Nicius Erythræus, satis nobis visum est eam afferre, neque præterea quicquam; nisi illud de Antonio Buccapadulio velimus animadvertere, quod nonnulla eius ingenii monumenta divulgata sunt, imprimisque Oratio ab eo habita in funere S. Pii Quinti, in qua apparet, quam egregius fuerit veterum imitator; sic tamen, ut a sacrarum literarum usu nunquam discederet.

Si Romanis hominibus in sua civitate, ubi sita est arx vera germanæque Religionis, ubi Latini ritus maiestas, tanquam in suo regno, sedem ac domicilium habet, laudi daretur, quod Latine, pure, dilucide,

lucide, eleganterque loquerentur ac scriberent, SI MUNERA ILLA, QUE ELOQUENTIS CUIUSPIAM HOMINIS REQUIRUNT INDUSTRIAM, IIS DEFERRENTUR, QUI ELOQUENTIA CETERIS ANTESTARENT; quis dubitat, quin multi semper existerent, qui cum veteribus scriptoribus conferri dicendi gloria possent? Verum, quum videamus, nihil fere iis esse contemtius, qui totos se in hoc studiorum genere collocarant, ut etiam, contumelie causa, pedagogi nomine afficiantur; quum in eorum honores, ac pramidia cernantur invadere, qui nondum, ne suspitione quidem, assequi potuerunt, quam sit ratio pari, dilucidi, Latiniq; sermonis, immo qui vix primoribus labris gustarunt Latina Grammatices studia, & extremis, ut dicitur, digitis attigerunt, quumque, ut ea, qua scriberent, & casibus, & temporibus, & genere, & numero conserverent, multis egeant pedagogis: quid mirum, si Romanorum hominum, quod ad eloquentiam laudem arinet, spes infringatur, & languescat industria? Honos, inquit ille, alit

aliter artes, omnesque incendimur ad studia gloria; iacentque ea semper, quæ apud quosque improbantur. Quod si nostra ætate unus, aut alter homo Romanus, Latine scribendi laude perspicuus, eo est in loco conspectus, qui huic præsertim arti studioque debetur, hic non tam sui artificii meritis, quasi viribus, ad eum pervenit, quam potentioris cuiuspiam auctoritate & gratia, quæ ad honores etiam eos, qui industria debentur, consequendos plurimum valet, tamquam machinatione aliqua, est ad eundem attractus. Sylvium Antonianum in Urbe natum Clemens VIII, magis recte scribendi laude & celeritate, qua superior erat cæteris, quam longo cum ipso amicitia & consuetudinis usu; ad Latinas litteras scribendas adhibuit: similiter Gregorius VIII. hanc eandem provinciam Antonio Buccapadulio demandavit, amicitia, quæ cum ipso intercedebat, impulsus. Atque hic Antonius, ab origine ultima stirpis Romana, nobili inter suos ortus est loco (etenim Buccapaduliorum familia non in-

postre-

postremis Urbis Romæ numeratur) patre
 usus est diligente in ipso erudiendo, eoque
 magis, quod ille summam in puero inge-
 nii docilitatem, & in percipiendis iis, quæ
 tradebantur, celeritatem, agnoscebat,
 cuius ingenii magnitudinis erant indicio
 quidam eloquentiæ quasi igniculi, qui in
 eo, etiam tum puero, elucebant: ut enim,
 quemadmodum probe inquit Cicerō, homi-
 nis decus, ingenium, sic ingenii ipsius lu-
 men est eloquentia: ad quam cum se a na-
 tura ferri sentiret, simul ac doctrinis illis,
 quibus puerilis ætas impertiri solet, eru-
 ditus, excessit ex ephebis, quum sibi elo-
 quentiam, quasi sponsam despondisset, no-
 luit eam indotatam habere, sed ad magi-
 stros Philosophiæ, ac Theologiæ se contulit,
 ut eam ab iis sponsæ, quam sibi delegerat,
 dotem arcefferet: a quibus satis
 habuit, earum scientiarum fontes & capi-
 ta noscere; ut inde postea hauriret tantum,
 quantum esset necesse ad suam eloquentiam
 ornandam, instruendamque: quæ eloquen-
 tia, cum a parvis initiis orta, maturita-
 tem suam adeptæ esset, non eam ille dome-
 sticis

ficis parietibus inclusam aluit, sed foras
 eduxit, ac sæpe multis audientibus, quan-
 ta ea esset, aperuit. Sed cito intervenit
 Gregorius XIII., qui illum, ab omnibus
 aliis exercitationibus abductum, ad con-
 ficiendas Pontificias epistolas, quibus
 Brevium est nomen, adduxit, quarum
 concinnator Secretarii domestici nomine
 insignitur. Ad quas scribendas tantam
 primum eloquentiam attulit, quantam
 nemo alius ante ipsum, qui in eodem mu-
 nere versatus sit; tum magnum sacrarum
 literarum usum, quarum verba, atque
 sententias ita scite in suis epistolis illiga-
 bat, ita apte iis locis, quibus opus erat,
 includebat, ut ea ad illam rem nata vi-
 derentur; tum singularem prudentiam,
 qua nullum in illis verbum collocabat;
 nullum dictum ex ipsius dictantis ore exi-
 bat, quod iure reprehendi posset; postre-
 mo illud orationis genus adhibebat, quod
 Pontificiam maiestatem, eorumque, ad
 quos litera dabantur, conditionem, ac di-
 gnitatem deceret. Nec fuit illi magnopere
 desiderandum in eo munere, ut insignis
 aliqua

aliqua ingenii ; prudentiaque sibi sua de-
 claranda occasio , atque materia obicere-
 tur . Nam Gregorio Pontifice , qui trede-
 cim annis Ecclesia navis in puppi sedens ,
 eiusque gubernacula retinens , e multis
 eam scapulis auctoritate , sapientiaque eri-
 puit , multa ac graves sese dederunt : ut ,
 quum magnus militia Hierosolymitana Ma-
 gister , pluribus maximis criminibus ac-
 cusatus , Romam fuit evocandus , ut cau-
 sam diceret : qua de re multa ad Reges ,
 ad Respub. ad Dynastas Brevia scriben-
 da ac mittenda fuerunt : qua ego , Mar-
 celli Vestrii opera , ex Sedis Apostolica ta-
 bulariis accepta , ita legi , ut neminem
 unquam de rebus , ad summam Reipub.
 spectantibus , scribentem , magis sum ad-
 miratus . Qui magnus Magister , me pue-
 rulo , utpote non amplius quinque annos
 nato , Romam venit , regali prorsus appa-
 ratu , ab Hippolyto Card. Estensi hospitio
 exceptus ; apud quem etiam , sive agritu-
 dine , sive alia vi morbi oppressus , vi ven-
 di finem fecit , atque delatus est in adem
 D. Ludovici , nationis Gallicana , ea fu-
 neris

neris pompa magnificentiaque , qua nulla
postea Roma maior, neque amplior est visa:
nam , quantum inuenis illius ætatis reti-
nere memoria valuit , quantumque memi-
nisse possum , præter omnes Laicorum So-
dalitates , præter omnes religiosorum Or-
dinum e mendicato victitantium familias,
præter Sacerdotes , superpelliciosis indutos ,
quorum incredibilis erat numerus , longius
atratis in equis sedentium ordo conspice-
batur , quorum partim tibis dissonis acque
discordibus , ac luctum maxime præfere-
ntibus , caneant , alii longissima ex serico
vexilla trahabant ; hos subsequabantur
non minus multi pedites atrati , qui tym-
pana , fractum ac discordem sonum eden-
tia , pulsabant ; plerique vexilla item alia
ex serico post se trahentes , lugubrem oculo-
rum afferebant aspectum : & quoniam eo
die lutulenta erant , ac corruptæ imbribus
vie , erat mihi ægre , ut puero , tantam
vim serice vestis inficere , lutoque corrumpi:
accedebant deinde , si recte memini , omnes
illi Hierosolymitani equites , qui Magi-
strum suum ac ducem , honoris officique
gratia ,

gratta, Romam comitati fuerant, quorum non parvus erat numerus, longis sylvatibus, quacunque incedebant, humana infectam ceno verrebant: funalium vero, quae defuncti lectum, aure tectum, hac illac complectebantur, ea vis erat, ut via, quibus funeris pompae iter erat, non collucere, sed ardere viderentur. Sed quid frustra tempus in his rebus referendis conterimus, quae nihil ad rem, de qua agimus, pertinent? Redeo ad Antonium, cui, Gregorio extincto, Sixtus V. qui illi in Pontificatu successerat; scribendarum epistolarum munus, quod tanta eloquentia fidelitatisque cum laude obeundo administraverat, abrogavit, ac Thoma Gualterutio, qui omnium Brevium conscribendorum provinciam acquiserat, mandavit; homini elato, ac pertinaciter suo iuri sententiaeque addicto, cuius eorum, quae diceret (nam saepius eum in Sodalitibus verba facientem audiivi,) quamvis admodum attenderem, quaque scriberet, nunquam potui quidquam intelligere; ita confusa erat oratio, ita perturbata, nihil ut esset primum.

primum, nihil secundum: Sed hic non diu iactare se potuit; etenim non ita multo post gravi in crimine, quo Pontificis summi maiestas ladebatur, deprehensus, poenas legibus dedit, ac tum munere, tum pecuniis, quibus illud comparaverat, quæ erant magna, eversus perivit; & in eius locum subrogatus est Io. Baptista Canobius. Sed Sixto morte sublato, rursus Antonius a Gregorio XIV. est revocatus in cursum, ac tenuit locum, unde fuerat depulsus, fere tamdiu, quam vixit. Fuit etiam Basilica Apostolorum Principis Canonicus; eique muneri assiduitate ac diligentia, quoties per occupationes publicas licebat, non defuit: præterea moribus integerrimis, atque mitissimis.

IOANNES BAPTISTA CANO-
BIUS BONONIENSIS.

HIC Bononiæ nobili genere natus, fratris filius fuit Francisci illius, qui erat Iulii Pogiani amicissimus, & quem comperimus missum ad Poloniæ Reginam fuisse a Pio Quinto.

S

Rosæ

Rosæ aureæ deferendæ cāussa . *Secretarium* fuisse Pontificium constat ex Bulla Sixti Quinti , qua *Secretariorum Apostolicorum* iura amplificantur .

MARCELLUS VESTRIUS
BARBIANUS .

POeta hic , atque orator fuit non inelegans, quippe qui Mureti auditor . Eius nonnulla leguntur carmina , & Oratio , quam habuit (ut ait Brythræus) ad S. R. E. Cardinales , quum subrogandi Pontificis cāussa Conclavē ingressuri essent , quæ extat , eaque non tam verborum , sententiarumque luminibus , quibus enitebat , placuit , quam actione , quæ fuit in eo singularis .

Uxorem duxit foeminam Romanam e familia Rustica ., ex qua filium suscepit : Ea mortua a Gregorio XIV. Pont. Max. scribendarum Epistolarum , quæ Brevia vocant, muneri præfectus est . *Quod munus* (ita enim idem scribit Brythræus) ei illi gratus accidit , quod eloquentiæ declaranda facultas obtingeret .

geret. Nunquam enim, quamvis re uxoria implicitus, latine scribendi usum, exercitationemque dimiserat. QUI USUS EST ILLI NECESSARIUS IN PRIMIS, QUI RECTE TUERI ID MUNUS EFFLAGITAT. *Secretarius* autem fuit Gregorii XIV., Clementis VIII., & Pauli etiam V. cuius initio Pontificatus obiit.

SYLVIUS ANTONIANUS GARD.

Huius historia magis nota est, quam ut a nobis fusius hic explicanda esse videatur. Multa ipse scripsit, & de eo multi scripserunt. *Secretarius* fuit Clementis VIII. Cardinalis Bentivolus in *Commentariis* suis pag. 109. de eius *Epistolis Pontificiis* iudicium illud tulit non satis quidem æquum, quod in *Dialogo* animadversum est. Scripsit: *De obscuritate solis in morte Christi: de Primatu S. Petri: de successione Apostolica: de stylo Ecclesiastico, seu de conscribenda Ecclesiastica Historia: Lucubrationes in Rhetoricam Aristotelis, & in Oraciones Ciceronis.*

nis . Eius meminerunt *Ciacconius* , *Mor-
rerus* , *Auſtor Dictionarii Critici* , *Ery-
thæus* , *Caſtelvetrius* , *Auguſtinus Vale-
rius* : eiſque vitam accurate ſcripſit
Joſeph Caſtaleo .

Cardinalis factus a Clemente VIII.
an. MDXCVIII. obiit quinquennio poſt,
quum annos natus eſſet ſexaginta tres.

PETRUS STROZZIUS .

HIC Florentiæ nobili genere na-
tus Lazarum Bonamicum audi-
vit . Ariſtoteliciæ Philoſophiæ , & lin-
guarum cognitione clariffimus fuit .
Nam librum edidit de dogmatibus
Chaldæorum . In architectura etiam
excelluit . Romam venit , Leone XI.
Pontifice creato , cuius *Secretarius*
fuit ; eiſque ſe muneris ſumme ſe
cupidum fuiſſe narrabat , quod præ-
ter exiſtimationem , & decus , quod
habebat adiunctum , magnam pruden-
tiæ oſtendendæ , ingeniique declaran-
di facultatem afferret . Quum Pauli
Quinti

Quinti Pont. cuius etiam *Secretarius* fuit, gratia excidisset, communes aulæ pestes invidiam, atque inscitiam, pertæsus, in Etruriam se contulit, uxore ducta puella elegantissima.

LANFRANCUS MARGOTTUS
CARDINALIS.

Magna nobis habenda gratia est Nicio Erythræo, quod multorum clarorum virorum, qui sæculo superiore floruerunt, imaginem vitæ, atque ingenii in Pinacotheca sua nobis repræsentaverit. Ecce Margotius, de quo ita ait.

Lanfrancus Margotius, magis ex se, quam ex maioribus suis cognitus, sine multis literis, in scribendis epistolis longe doctissimorum hominum industria antecevit. Etenim rem, de qua scribendum esset, videbat acute, explicabat dilucide, sententias adhibebat illustres, quæque non tam haberent venustatem, quam dignitatem ac pondus: verba erant, non illa quidem

elegantissimo sermone, sed quærenti maxime
 explicarent. Omnia scribendi generatio-
 verat; eoque utebatur, quod cum eius
 qui scriberet, eorumque, ad quos scribe-
 batur, personis congrueret. Ne multa;
 nulla in eo virtus desiderabatur, illi neces-
 saria, cui arcana summorum Principum
 negocia, per literas, tractanda mandan-
 tur; ut verum in eo apparuerit, quod di-
 citur, sapius ad laudem atque virtutem
 naturam sine doctrina, quam sane natura
 omisisse doctrinam. Magne fuit animo,
 ac potestate superiori; tum etiam, quæ
 una cum summis viris, genere, divitiis,
 ac dignitate præstantibus, ad aliquam au-
 di remissionem ludumque descenderet:
 adeo ut ceteris largius sumtus faceret,
 eosdemque liberalius, atque animosius pro-
 vocaret in aleam. Quod, quamquam non
 sit magnopere per se laudandum, eius sa-
 rum magnitudinem animi indicabat, per-
 ficiturque, ut illi, quibus cum una erat,
 quamvis nobilissimi, præ eo, humili; ab-
 isto, contemtuque orti loco, ipse turba co-
 gnatione, sibi curiam regis annexam vi-
 deretur.

deretur. Duobus summis Pont. Clementi VIII. & Paulo V. in scribendis epistolis egregiam narravit operam, atque fidelem; ob quam, praesertim a Paulo V. in amplissimum Cardinalium ordinem est cooptatus, summumque in eius gratia tenuit locum; ac tam multo magis, quam eius, qui illi obtestabatur, invidia atque malignitas facta est palam. Sed mortis celeritas, ne tanto Pontificis beneficio, eiusdemque egregia in se voluntate, diutius frueretur, obstitit. Nam paucis post annis, an mensibus? A lethali pestula, in dextera, ut aiunt, brachio oborto, pene subito est ad interitum datus: neque quidquam moriens de solita magnitudine animi amisit. Nam rogatus a Pont. qui, ut eum in tam grati causa consolaretur, adiecit, numquidnam vellet? Nihil, inquit ille, nisi praerita mihi. vixit. homo, auctoritate tibi divinitus concessa, dimittit. Obiit insigni epistolarum volumine edito.

Sepultus est in Templo S. Petri ad Vincula cum hoc Elogio, quod in sepulchro magnifice exstructo insculptum est.

D. O. M.

*Lanfranco Margotio Parmensi
S. R. E. Presb. Card. Tit. S. Petri
ad Vinc. qui duor. Pontiff. Maxx.
Clem. VIII. & Pauli IV. negociis
cum Orbis Principibus summa Pru-
dentia siloq. aptissimo candidissimoq.
pertractatis in eoq. unus omnem ætate
sua laudem promeritus a Paulo V.
in sacr. Cardd. C.M. cooptatus prius
vitæ, quam gloria cursum visus est
obïisse Octavio Margotius Fr.
M. P. vixit annos LII. mens. II.
obiit ann. MDCKI. Prid. Kal. Decemb.*

SCIPIO COBELLUTIIUS CARD.

HIC Viterbii natus, & mortuus
Marcello Vestrio Secretarius fa-
ctus Pontificius a Paulo Quinto pro-
pter doctrinæ, atque integritatis opi-
nionem in Cardinalium Collegium
cooptatus est. Eius sunt Epistolæ ali-
quot latinæ, neque inelegantes, ad Sir-
mondum datæ lesuitam eruditissimum,
cuius

cuius is fuerat amicissimus. Diligebat ipse doctos quosque viros, & ab iis colebatur. Huic Pignorius libros suos *de servis, & Patavinis originibus*: librum item suum *de Capitolio* Ricquius inscripsit. Obiit Romæ MDCXXVI I. sexagesimo secundo ætatis suæ. Morientem hæc illi multis audientibus dixisse ait Erythræus: *Duobus se plurimum debere; Paulo Quinto, quicum Purpura honore ipsum cohonestaret, ex reliquorum hominum numero exemerat; & cuidam alteri, cuius artibus de summi Pontificatus spe fuerat deiectus.*

DEGIUS MEMMOLUS.

Huius mentionem facit Franciscus Xaverius Quadrius is, qui Poeticam omnem facultatem libris eruditissimis complexus est. Scripsit enim italico sermone Tragediam, quæ *Susanna* inscribitur, & librum præterea de Ecclesia SS. Quatuor Coronatorum. Ariani natus est in Regno

gno Neapolitano; fuitque Pauli V. *Secretarius*, & *Canonius* *Liberiana* Basilicæ. Mortuus est an. *mdcxxxix*. ætatis suæ quinquagesimo primo.

PORPHYRIUS FELIGIANUS.

Hunc elegantissimum & Poetam, & Scriptorem Epistolarum omnes fere eius temporis auctores laudant. Pauli Quinti primum *Secretarius*, deinde Episcopus fuit Fulginas, quæ in Urbe natus est. In *Passionæ* Bibliotheca luculentissima m. s. est copia ingens epistolarum eius. Ioannes Baptista Laurus Perusinus in *Dialogo*, qui dicitur *Theatri Romani Orchestra*, hæc de eo scribit: *Porphyrius Felicianus Episcopus Fulginas diu est, quum in ea concubaret senex incendissimus, & disertissimus, dignus utique, qui una cum Lanfranco Margasio aequali olim Pugile palam purpuream indueret. Obiit Fulgini postridie Kal. Octobr. mdcxxxi. ætatis suæ septuagesima.*

GASPAR PALLONIUS.

Huius ingenii experimentum habemus in Oratione, quam habuit in funere Pauli Quinti. *Secretarium* vero fuisse Pontificis Laurus Perusinus, quem supra commemoravimus, affirmat.

ROBERTUS UBALDINUS
CARDINALIS:

Florentiæ is Leonis XI. Sororis Filia natus, Pontificis affinitate, fretus certam in spem honorum, atque opum venit. Qua, intra septem & viginti dies extincto Leone, quum subito excidisset, relevatus est. a Paulo Quinto, qui Leoni successit, eumque *Secretarium* suum fecit; neque alium se invenire dicebat, qui maiori sententiarum gravitate, ac verborum splendore animi sui sensa complecteretur. Id scribit Erythræus sibi narrare solitum

tum fuisse Marcellum Vestrium, qui
*testam eius in scribendo prudentiam, &
 singularem latini sermonis elegantiam,
 miris in Cælum laudibus efferebat; ac se
 dei facienda gratia ostendisse sibi aliquot
 eius Brevia, quibus etiam, eiusdem Ery-
 thræi sententia, nihil poterat esse præ-
 stantius. Legatus in Galliam missus,
 prudentiæ præmium Cardinalatum
 accepit; quo in honore nihil habuit
 antiquius, quam pietatem in Deum,
 liberalitatem in literatos, etiam eos,
 qui non satis honorifice de se lo-
 quebantur. Augustinum enim Mas-
 cardum obrectatorem suum, gravi
 affectum morbo non dubitavit invise-
 re, neque consolari solum, sed etiam
 ingenti pecunia sublevare. Obiit die
 xxiii. Octobris ann. mdcxxxv. non
 ann. mdcxxxii. in quo labitur Ughel-
 lius.*

IOANNES BAPTISTA AGUCCHIA
BONONIENSIS.

Sine dubio doctus hic vir extitit .
 Multa enim & varia scripsit , fuit .
 que & Theologus , & Mathematicus ,
 & Philosophus , & antiquitatis pe-
 ritus . Neque minus est in Republi-
 ca versatus ; quum & Gregorii Deci-
 miquinti *Secretarius* fuerit , ut ait Phi-
 lippus Thomassinus in *Vitis illustrium*
Virorum . & ab Urbano VIII. Lega-
 tus ad Venetos sit ; quo in munere
 quum Apostolicæ Sedis iura tueretur ,
 magni atque invicti animi laudem tu-
 lit . Denique quum in Forum Iulium ,
 pestilentiae vitandæ causâ , concess-
 fisset , ibi decessit ann. MDCXXXI . Eum
 Erythræus , ut ingenio ad literas bo-
 no laudat , ut animo in amicos non
 satis bono reprehendit . Scripsit *Vi-*
tas Philippi Segæ , & Hieronymi Fra-
tris sui , qui Cardinales ambo fuerunt :
De Cometis : De antiquitatibus Bono-
nien-

nienſibus : *de Piſtura* , cuius etiam
 artis intelligens fuit , quippe Anni-
 balis Caraccii amicus , eique ad Hi-
 ſtorias , fabulaſque pingendas auctor ,
 & dux . Multas præterea ſcripſit E-
 piſtolas , quas maxime commendat
 Erythræus . Item opuscula , quæ ad
 Philoſophiam moralem pertinent : ve-
 luti *de ambitione* : *de Amore muliebri* :
de Vita privata : *de ingrati animi vi-*
sio &c.

IOANNES CIAMPOLUS
 FLORENTINUS .

Magno hic ingenio , ſed non be-
 ne exculto fuit . Veterum enim
 Auſtorum contemtor , dum his ſupe-
 riorem ſe facit , multo eſt etiam re-
 centioribus inventus inferior . Poeti-
 cæ quum inprimis facultati operam
 daret , valebat ille quidem impetu ,
 ſed a ratione , & prudentia deſereba-
 tur . Virgilium , Horatium , Petrarcam
 infectatus eſt veluti imperitos , ine-
 ptoſ ,

ptos, & minime dignos, qui Poetae appellarentur. Famam tamen comparavit novitate rei, adeo ut ad Epistolas conscribendas suas Gregorius XV. illum evocaverit. Latinas nunquam literas attigerat, & quum muneris necessitate compelleretur ad latine scribendum, statim visus est aliquid posse. Neque tamen ab ingenio suo discessit, quum Epistolas ipsas turbulenta scribendi ratione infuscaverit. Id quod ex eius Epistolis constat, quæ nunc extant in Tabulario Vaticano. Urbano etiam Octavo primum placuit, cuius etiam & *Secretarius* & *Cubicularius* fuit: deinde quum elatius se se gereret, ipsique non dubitaret detrahere Pontifici, qui erat Poeticæ gloriæ cupidissimus, Aula detrusus spes omnes suas corruptit, atque in Picenum, ut oppido cuidam præficeret, ablegatus, mærens, atque inglorius decessit. Multa de hoc Erythraeus in Pinacotheca sua. Item Laurentius Crassus in Elogiis, & Crescimbenus

benus *Tom. IV. suorum commentariorum*
pag. 189. & Leo Allatius in *Apibus*
Urbanis.

FRANCISCUS HERRERA.

ERuditionem hic, & pietatem ex disciplina Iesuitarum hausit, quorum primum alumnus, deinde socius aliquot annos fuit. Nam aqua intercute laborans Societatem invitatus invitam reliquit. Id enim a Pontifice Fratres eius impetraverant. Quum Savonæ, ubi ipse Patre Hispano natus erat, propter Coeli salubritatem convaluisset, Romam rediit, & Tusculi plerumque vivebat in villa procul ab omni ambitione, & strepitu. Ibi tamen amicitiam nactus est Cardinalis Maffæi Barberini, qui eo in loco rusticari consueverat, suavissimisque Herrerae moribus, & doctrina delectabatur. Pontifex factus Barberinus Secretarium eum suum, amoto Ciampolo, fecit. In eius Epistolis Pontificiis gravitatem,

vitatem, prudentiam, atque orationis cultum, & nitorem elucere ait Erythræus, & revera ita est. Obiit ann. MDCXXXVI. ætatis suæ LVI.

CLEMENS NONUS PONT.
PISTORIENSIS.

Iulio Rospiliosio Poësis, quod rarissimum est, causa honorum, atque opum fuit. Nam quum a Famiano Strada Iesuita optime esset in literis latinis eruditus, & a Francisco Accarisio Pisis Ius Civile, & Pontificium didicisset, non tam his artibus claruit, quam Poetica facultate. Scribebat enim Italico sermone Dramata, quæ in Theatro Barberino agebantur. Hac de causa & Antonio Barberino Cardinali, & Urbano Octavo Pontifici maxime acceptus fuit, qui Canonicum Basilicæ Liberianæ, & Secretarium eum suum fecit, Legatumque in Hispaniam misit. Demum Cardinalis, & Pontifex factus obiit
T ann.

ann. MDCLXIX. In eadem Basilica Liberiana magnificum ei Sepulchrum Clem. X. ponendum curavit cum eiusdem Clem. IX. statua, & hac Inscriptione

Clementis IX. aeternae memoriae Pontificis Magni Cineres ne absque ullo Sepulchrali honore sicut ipse iusserat humi laterent. Clemens X. Pont. Max. Benefactori suo & ob spectatum Fidei zelum ob egregiam erga omnes beneficentiam & Charitatem de re Christiana optime merito Grati animi monumentum posuit anno Domini MDCLXXI.

De hoc legendus Giacconius Tom. IV. pag. 718. & Quadrius in Historia sua Poetica.

GASPAR SIMEONIUS AQUILANUS.

Secretarius hic fuit Innocentii Decimi, uti constat ex Tabulario Vaticano, atque ex Marraccio in Bi-

Bibliotheca Mariana part. 1. pag. 470.
 Augustinus Mascardus in Epistola,
 quam ad Thuanum dedit, cum Phi-
 losophiæ, Theologiæ, Mathematicæ, aliarum-
 que disciplinarum peritissimum appellat.
 In amœnioribus tamen studiis ingenio tam
 subactò, ut latine non minus, quam Etru-
 sce, qua soluta, qua numeris astricta ora-
 tione, felicitate non dispari scribat. Scri-
 psit Apes Urbanas : Panegyricum ad Le-
 mensium Comitem Neapolitani Regni Pro-
 regem : Gemmas Oceanitides : Epitomen
 Gestorum S. Pamphili Episcopi Sulmonen-
 sis : Orationes Academicas : Inscriptiones
 Sepulchrales : Dissertationem de Miracu-
 lis : Vitas Sanctorum, qui in Sancto
 habentur. Elagia Historica Principum &
 Virorum illustrium : Hæc tamen omnia
 fuisse illum declarant magis eruditum,
 quam elegantem.

FRANCISCUS NERLIUS CARD.

Hunc Florentiæ natum in Iure
 magis excellentem, quam lati-
 næ elegantiae penitum quam antea

Roberti Ubaldini Cardinalis , cuius
 supra mentionem fecimus , amicitia
 floruiſſet , *Secretarium* ſuum fecit In-
 nocentius X. Duodeviginti annos eo
 in munere verſatus eſt , quamquam
 Episcopus Piſtorienſis factus eſſet , &
 deinde Archiepiſcopus Florentinus .
 A Clemente demum Nono Cardinalis
 creatus eſt , atque ex hac dignitate
 unum modo annum lætatus , ſeptua-
 ginta & quinque annos natus obiit
 MDCLXX.

DECIVS AZZOLINVS CARD.

HIC etſi latine ſcribebat elegan-
 ter , & prudenter , uti ex eius
 Epistolis conſtat , quæ extant in Ta-
 bulario Vaticano , tamen multo eius
 notior in agendo ſolertia , quam in
 ſcribendo concinnitas . Itaque decem
 annos *Secretarius* fuit Innocentii Deci-
 mi , cuius gratia floruit . Cardinalis
 deinde factus valuit apud omnes au-
 ctoritate plurimum . Christina Sve-
 corum

corum Regina ita eum magni fecit,
ut hæredem instituerit suum . Id quod
etiam tanquam magnificum in Elogio
eius Sepulchri legitur , quod est in
Templo S. Mariæ in Vallicella .

D. O. M.

*Decius Cardinalis Azzolinus Fir-
manus egregia fide invicta animi for-
titudine Apostolica Sedi perpetuo ad-
dictus summis Pontificibus acceptis-
simus, apud quos consilio potens, ope-
re strenuus magna Christina Ale-
xandra Orthodoxa Svecorum Regi-
na ex testamento hæres obiit VI. id.*

Iunii MDCLXXXIX. ætat. LXVII.

NATALIS RONDININIUS.

IN hoc adolescente magna appa-
ruit ingenii vis. Legenda sunt eius
carmina in libro Antuerpiæ edito
MDCLXI. typis Plantinianis , qui in-
scribitur *Septem illustrium virorum Poe-
mata* . Hunc Alexander VII, Poeta ,
& Pontifex illustris , eius eruditione ,

atque ingenio captus, *Secretarium* suum, & Canonicum Basilicæ Vasticæ fecit, quum annos nondum haberet xxvii. Neque diutius eo honore frui potuit. Immature enim interijt annos natus vix triginta, tumulatusque est in Sepulchro extructo magnifice in Templo S. Mariæ ad Portam Flaminiam. Hoc autem eius est Elogium, quod etiam a Mandosio in Bibliotheca Roman. affertur tom. ii. pag. 213.

D. O. M.

Natali Rondinino Romano Alexandri fil Pauli Emili Card. Fr. pietate ingenio eruditione Romane iuventutis facile Principi qui xxvii. annum agens ab Alexand. VII. P. M. Præfectus Epistolis ad Principes operam suam Pœr. Sapiensissimo ita probavit ut mox ab eo Canonicatu Vatic. Basil. auctus fuerit nova in domesticas imagines decora illaturus nisi maiora in dies de se pollicentem repentina vis morbi in ipso robore

etatis

etatis Reipub. eripuisset.

*Felice Zagabria filio dulciss. contra
votum superstes P. obiit anno Domini*

MDCLVII. etatis sue xxx.

MARIUS SPINULA GENUENSIS.

HIC Clementis X. Innocentii XI.
Innocentii item XII. *Secreta-*
rius fuit; neque tamen habendus in
doctorum hominum numero, quum
nihil scripserit, neque magnopere vi-
sus fuerit, aut curasse, aut potuisse fa-
mam consequi eiusmodi. Epistolæ
quidem eius Pontificiæ, quæ in Ta-
bulario Vaticano extant, & quas le-
gimus, tenues admodum sunt, & ie-
iunæ. Quapropter memoria traditum
est, plerunque ad scribendas Pontifi-
cas Epistolas de rebus gravioribus
adhibutum esse Augustinum Favori-
tum, eruditum hominem temporibus
illis, & Poetam latinum maxime ce-
lebratum.

ULYSSES GOZZADINIUS BONO-
NIENSIS CARDINALIS

Optimis studiis instructus Gozzadinus, doctos omnes viros mirifice complexus est, fuitque magis hac illustris benevolentia, quam scriptis suis, quæ neque multa sunt, neque satis ad præclaram eloquentiæ formam elaborata. Hunc Innoc. XII. Pont. & Clem. XI. successor *Secretarium* suum fecerunt. Hic vero postremus etiam Cardinalem Episcopus fuit Forocorneliensis, & Legatus Pontificius Æmiliam Provinciam sancte, prudenterque rexit. Huius Orationes duas habemus Italicam unam, quam in Capitolio habuit de Sculpturæ, Picturæ, atque Architecturæ artibus: ad Ravennates latinam alteram, quum Legatus esset. Huius Cardinalis Elogium ms. extat in exquisita Renati Card. Imperiali Bibliotheca. Eius etiam mentionem facit Guarnaccius Præsul doctri-

doctrina & Ecclesiasticæ historiæ eruditione clarus in eo libro, quem de Cardinalibus, Ciacconii exemplum sequutus, diligenter contexuit.

CHRISTOPHORUS BATTELLIUS.

HIC in Provincia natus Montis Feretrii loco ignobili, qui Sazum Corbarium dicitur, familiaritate usus Card. Albani ad *Secretarii* officium ab eodem, quum Pontifex fuit, post Gozzadinum admissus est. Atque hunc locum apud illum, toto Pontificatus tempore, tenuit. Laudata est *Dissertatio* eius, quæ inscribitur *Expositio aurei Numismatis Heracliani ex Museo Clementis XI. Pontificis Maximi. Ritum annuæ ablutionis Altaris maioris Basilicæ Vaticanae in die coenæ Domini*, libro edito explicavit, atque illustravit. Dedit etiam ad Lancisium Medicum celeberrimum *de Vestigiis Ville Pliniana* literas non ineruditas. *Orationem habuit de Laudibus S. Pii V.*
in

298:

in Basilica Liberiana, cuius erat Co-
nonicus, & in qua sepultus est cum
hac Inscriptione non sane eleganti:

D. O. M.

Ioanni Christophoro Battello

*ex Urbinate Provincia olim huius
sacro sancta Basilica Canonico utrius-
que Signaturae Referendario Archie-
piscopo Amaseno Pontificio solio Affe-
ctum & sanctissimi sapientissimique
Pontificis Clementis XI. integrum de-
cennio Apostolicarum Brevium ad
Principes a secretis qui ad regionem
viventium demerueris die xxii.
mensis Iulii mdcclxxv. annos natus
lxxix. menses viii. Haeculores Ec-
clesiasticis Monumentum posuere.*

MATTHAEUS SCALLIONIVS.

Omnem hic in agro Viterbiensi
natus fortunam debet suam In-
nocentii XIII. Pontificis benevolen-
tiae, qua illum ita complexus est, ut
etiam Secretarium suum fecerit. Tum
autem

autem maxime intellectum est, posse homines benevolentia Principis locupletes, atque honoratos fieri, doctos, atque idoneos non posse. Itaque vix tenuit locum, quandiu Pontifex vixit, qui vixit brevi. Canonicus tamen oblit Basilicæ Lateranensis.

CAROLUS MAJELLA NEAPOLIT.

IN Seminario Neapolitano posuit hic rudimenta doctrinæ, in qua tantos progressus fecit, ut etiam adolescens peridoneus visus sit, qui alios doceret. A schola abductus, & Canonicus Neapolitanus factus quædam scripsit pro jure Ecclesiæ Romanæ, quæ adeo Clementi Undecimo Pontifici probata sunt, ut eum Romam evocaverit, atque unum fecerit ex intimis Sacellanis suis. Deinde Bibliothecæ Vaticanæ Custos, & Vaticanæ item Ecclesiæ Canonicus; postremo autem Benedicti Decimiter-tii, nec non Clementis Duodecimi *Secretarius*

cretarius fuit : Quam præclare se in comunere gesserit , satis ostendimus in Dialogo . Mortuus est Neapoli , quo se valetudinis causa contulerat tertio Kal. Jan. MDCCXXXVIII. Huius elogium scripsit Alexius Symmachus Mazzocchi , vir sane doctus , atque omnis antiquitatis peritus , his verbis :

Carolus Maiellus Neapolitanus olim Canonicus , deque hoc Capitulo optime meritus , quam a pueri pietate , & literis præstans fuerit , Seminarium hoc eius ope ad tantam gloriam propositum declarat . Nihil certe in obstrusioribus disciplinis , & linguis arduum fuit , quod non vi ingenii , & labore pervicerit . Ultra Romam a Clemente Undecimo evocatus , & quum Bibliotheca præfectura , tum Canonicatu S. Petri donatus , postremo a Benedicto Decimotertio Secretarius ad Principes , & Archiepiscopus Emissenus creatus fuit , in quibus muneribus præter auream eloquentiam , & latini sermonis nativam elegantiam , quum virtutibus omnibus ad miraculum eniseret , nullum in Aula Roma-
na

na maioris moliminis negotium fuit , quod non eius opera feliciter cesserit . Omnium opinione Cardinalatu dignissimus Neapoli obiit 11. Kal. Ian. an. MDCCXXXVI 11.

Sunt etiam versiculi Nicolai Capassi in eius laudem .

*Et sancte vixit sophos hic , & vixit in
Aula*

Non modo spreuit opes , spreuit & ingenium .

Denique vitam eius scripsit diligenter , ac non ineleganter Evodius Affemanus Archiepiscopus Apamensis in *Prefat. ad Acta SS. Martyrum Orientalium* . Quare Majellæ studiosos ad librum illum delegamus .

JOANNES VINCENTIUS LUCCHESINIUS .

LUcæ natus ex vetusta , ac nobili familia , quæ claris doctisque viris , atque etiam foeminis floruit . Hadrianum Belgam Pisis audivit , Doctorem tum eloquentiæ insignem .
Romam

Romam quum venisset, græca cum latinis coniunxit . Demosthenis Orationes aliquot vertit e græco , de quibus varium fuit eruditorum iudicium. Rhollinus Gallus , veteri conscripta historia clarus , eum magnopere collaudat . Quapropter quum doctrinæ eius fama percrebuiſſet, viſum eſt Clementi Undecimo , Pontifici literarum amantissimo , hominem apud ſe vocare , ut episto- larum latinarum *Secretarii* munere fungeretur . Hic autem animadvertendum eſt , non eundem hunc eſſe *Secretarium* , atque eum , de quo nos ſcripſimus . Etenim epistolæ, quas ſcribit, Pontificiæ dici non poſſunt, quum non Pontificis , ſed *Secretarii* (ut ajunt) *ſtatus* nomine ſcribantur , qui manum etiam iisdem epistolis , & ſigillum apponit ſuum ; ut Pontificis *Secretarius* non poſſit proprie nominari . At *Secretarius* , de quo loquuti ſumus , & epistolis , ſive (ut ajunt) *Brevibus* ſubſcribit ipſe , & Pontificio utitur ſigillo,

gillo , & recte appellari potest scriptor Pontificiarum epistolarum . Ad hoc vero munus tam præclarum non est Lucchesinius , nisi sero , postque Maiellæ ab Urbe discessum a Clemente Duodecimo evocatus, in eoque perseveravit , quoad vixit , BENE-DICTO etiam XIV. Pontifice , quem Deus regnantem adhuc Religionis , literarumque bono diu servet incolumem . Scripsit Lucchesinius historiam sui temporis latine , quæ Romæ Typis Mainardianis evulgata est . Canonicus etiam fuit Vaticanæ Ecclesiæ . Obiit Romæ octoginta amplius annos natus , magna & probitatis & doctrinæ fama; sepultusque est in Vaticano; atque a Nobis publice laudatus ea latina Oratione , quæ pervenit in manus hominum .

PON-



1801

• 1801 •

PONTIFICES.	SECRETARII.
S. DAMASVS I.	S. Hieronymus.
S. LEO MAGNVS.	S. Prosper.
PELAGIVS II.	S. Gregorius Magnus.
HONORIVS I.	Ioannes Abbas.
INNOCENTIVS III.	Petrus Beneventanus.
INNOCENTIVS IV.	Riccardus Posianus.
GREGORIVS X.	Marinus Ebulensis.
INNOCENTIVS V.	Thomas Campanus.
URBANVS V.	{ Franciscus Brunus. Colutius Salutatus.
GREGORIVS XI.	{ Theodoricus Niemus. Colutius Salutatus.

PONTIFICES.

SECRETARII.

BONIFACIUS IX.

Ioannes Bononienſis .

INNOCENTIUS VII.

{ Poggius Bracciolinus.
Leonardus Aretinus .
Bartholomæus Capra.

GREGORIUS XII.

{ Leonardus Aretinus .
Poggius Bracciolinus.

ALEXANDER V.

{ Leonardus Aretinus .
Poggius Bracciolinus.

IOANNES XXII. aut
XXIII.

{ Leonardus Aretinus .
Poggius Bracciolinus.

MARTINUS V.

{ Poggius Bracciolinus.
Dominicus Capranica
Card.
Antonius Lufcus .
Cincius Romanus .
Bartholomæus Poli-
tianus .

PONTIFICES.

SECRETARII.

307

EUGENIUS IV.

Poggius Bracciolinus.
Flavius Blondus.
Ioannes Aurispa.
Maffæus Vegius.
Nicolaus Perottus .

NICOLAUS V.

Poggius Bracciolinus.
Flavius Blondus .
Ioannes Aurispa .
Maffæus Vegius .
Nicolaus Perottus .
Raynutius Aretinus .
Georgius Trapezun-
tius .
Iannotius Manettus .
Petrus Candidus De-
cembrius .
Horatius Romanus .
Petrus Nucetanus .
Æneas Sylvius Picco-
lomineus , qui fuit
Pius II.
Tortellius .

NICOLAUS V.

Philelphus.
 Laurentius Valla.
 Ioannes Tuscanella,
*qui etsi in Dialogo non
 commemoratur, tamen
 inter claros habendus.*

CALLIXTUS III.

Flavius Blondus.
 Nicolaus Perottus.
 Iannotius Manettus.
 Iacobus Ammanatus
 Card.
 Gaspar Veronensis.
 Leonardus Datus.
 Antonius Venierius.

PIUS II.

Iac. Ammanatus Card.
 Flavius Blondus.
 Nicolaus Perottus.
 Iannotius Manettus.
 Leonorus Bononien-
 sis.
 Gorus Senensis.

PONTIFICES.

SECRETARII.

309

PAVLVS II.

Leonardus Datus.
Sigismundus de Comitibus.
Baptista Reatinus.

SIXTVS IV.

Leonardus Datus.
Sigismundus de Comitibus.
Mathias Palmerius.
Andreas Trapezuntius.
Gaspar Blondus.
Ioannes Antonius de Buxiis.
Franciscus Nozeranus.
Iacobus Passarellus.
Marcellus Rusticus.
Benedictus Maffæius.
Domitius Calderinus.
Iacobus Volaterranus.

PONTIFICES . SECRETARI.

INNOCENTIUS VIII.

Sigismundus de Comitibus .

Iacobus Volaterranus .

Augustinus Stacciolus .

Ioannes Petrus Arrivabenus Mantuanus . *Huius etsi nulla in Dialogo mentio, tamen eius cum doctrina laude meminerunt Politianus, Aeneas Silvius, Baptista Mantuanus. Obiit Episcopus Urbinas .*

ALEXANDER VI.

Bartholomæus Flordus Archiep. Consentinus .

Adrianus Cornetanus Card.

Angelus Colotius .

Sigismundus de Comitibus .

PONTIFICES. SECRETARII. 311

ALEXANDER VI. } Antonius Ursus Epi-
scopus Agienfis .

IVLIVS II. } Sigismundus de Comi-
tibus .

LEO X. } Petrus Bembus Card.
Iacobus Sadoletus
Card.
Angelus Colotius .
Ioannes Franciscus
Bracciolinus .
Amilius Ferrettus .

ADRIANVS VI. } Benedictus Accoltus
Card.

CLERMENS VII. } Iacobus Sadoletus
Card.
Fabius Vigil .
Paulus Valrabarinus .
Blosius Palladius .

PONTIFICES. SECRETARII.

CLEMENS VII.

{ **Marcellus Cervinus** ,
qui fuit Pontifex .

PAVLVS III.

{ **Fabius Vigil .**
Bloſius Palladius .
Marcellus Cervinus .
Bernardinus Maſſæus
Card.

IVLIVS III.

{ **Bloſius Palladius .**
Romulus Amaſæus .
Angelus Maſſarellus .
Iulius Cananus Card.
Paulus Sadoletus .
Ioannes Franciſcus
Binus .

MARCELLVS II.

{ **Ioannes Franciſcus**
Binus .
Petrus Paulus Gualte-
rius .

PONTIFICES.**SECRETARII.**

313

PAVLVS IV.{ Ioannes Franciscus
Binus .**PIVS IV.**{ Cæsar Glorierius .
Antonius Florebellus.
Iulius Rugerius .**PIVS V.**{ Cæsar Glorierius .
Antonius Florebellus.
Iulius Pogianus .
Thomas Aldobrandi-
nus .**GREGORIVS XIII.**{ Antonius Buccapadu-
lius .
Cæsar Glorierius .**SIXTVS V.**{ Thomas Gualterutius.
Ioannes Baptista Ca-
nobius .
Antonius M. Gratia-
nus .

PONTIFICES. SECRETARII.

GREGORIUS XIV. } Antonius Buccapadulius.
Marcellus Vestrius.

CLEMENS VIII. } Sylvius Antonianus
Card.
Marcellus Vestrius.

LEO XI. } Petrus Strozzius.

PAVLVS V. } Petrus Strozzius.
Lanfrancus Margotus Card.
Porphirius Felicianus.
Scipio Cobellutius
Card.
Gaspar Pallonius.
Robertus Ubaldinus
Card.

GREGORIUS XV. } Ioannes Baptista Agucchia.

PONTIFICES.**SECRETARII.**

315

VRBANVS VIII.

Ioannes Ciampolus .
Franciscus Herrera .
Iulius Rospiliosius ,
qui fuit Clemens
Pont. IX.

INNOCENTIVS X.

Gaspar de Simeoni-
bus .
Franciscus Nerlius
Card.
Decius Azzolinus
Card.

ALEXANDER VII.**Natalis Rondininus .****CLEMENS IX.**

Franciscus Nerlius
Card.

CLEMENS X.**Marius Spinula .****INNOCENTIVS XI.****Marius Spinula .**

INNOCENTIUS XII. { Marius Spinula .
Ulysses Gozzadini
Card.

CLEMENS XI. { Ulysses Gozzadini
Card.
Christophorus Battel-
lius .

INNOCENTIUS XIII. Matthæus Scallionius.

BENEDICTUS XIII. Carolus Maiella .

CLEMENS XII. { Carolus Maiella .
Ioannes Vincentius
Lucchesinius .

BENEDICTUS XIV. { Ioannes Vincentius
Lucchesinius .

FINIS.

Librum

Librum *De Claris Pontificiarum Epistolarum Scriptoribus* Clarissimi Viri Philippi Bonamici, iussu Reverendiss. P. Sac. Palatii Apostolici Magistri, diligenter legi; in eoque nihil offendi, quod ab Christianæ Religionis decretis, rectæ morum institutione abhorreat. Quinimmo quum & magnarum rerum copia, & summa Orationis elegantia perscriptus sit, in publicum prodire non solum posse, sed etiam oportere censeo; præsertim ad maius quoddam decus Apostolicæ Sedis, cuius usitatum in literatos viros patrocinium maxime hic liber illustrat.

Dabam Romæ in ædibus S. Mariæ ad Minervam Idibus Iuniis an. 1753.

*Fr. Thomas Maria Mamachius Ord.
Præd. S.Th. Magister, & Collegii
Casanatensis Theologus.*

Librum

Librum inscriptum *De Claris Pontificiarum Epistolarum Scriptoribus &c.* legi perdiligenter; quo & Reverendis. S. Palatii Magistri voluntati obtemperavi, & amicissimi hominis suavitate ingenii, eruditionis præstantia, nitore Latinitatis vere aureo mirifice sum delectatus: quumque adcedat bene morata, & patriæ Religioni perhonorifica oratio, dignissimum censui librum, qui in hominum manus perveniat.

Romæ Idib. Iuniis MDCCLIII.

Alphonfus Nicolai e Soc. Iesu.

IMPRIMATUR,

**Si videbitur Reverendiss. Pat. Mag.
Sac. Pal. Apostolici.**

***F.M. de Rubeis Patriarcha Const.
Vicesg.***

IMPRIMATUR,

**Fr. Vinc. Elena Ord. Præd. Reveren-
diss, P. Mag. Sac. Pal. Apost. Soc.**



